


MWOMWOIKA ETU TWAZENKA

KUPWA CHIKUNGULWILO?

 Lisesa Iya kukinduluka hano ha kamenga cheka, hanyima ya pamo, Ngwashinganyeka, pamo tukweji vatatu vakuhona kupwako. Mihale vapwanga na lwola, shikaho na Yami nawa. Mamalelo, chinapu kunoka, kuhita, jino, kaha ove uli nakwivwa nge kwingila cheka mukutanga. Kaha kutonda jino kuputuka ou mulungu uli nakwiza, Chitatu echi chili nakwiza, mangana kupwa na—na kuhizumuka muno vene mumbalaka. Kaha kachi Kalunga nachitavila, Nguli na . . . Ou Mwata nangushiki yami muyachi na mulimo wakuhandunuka. Kaha kachi Ikiye chamwivushile kuwaha kulinga ngocho, Ngunafwelela kuputuka chize—chize kutanga chamuyachi wauhya mulungu ou uli nakwiza, hano ha mbalaka, ha chihela chatete.

² Kaha jino, Kangweshi na kwala chakuliwanako, oloze ha Australia na New Zealanda, hali ou Chizeji chili nakwiza. Kaha jino Ndumbu walunga Osborn ali nakusanyika natupwanga na kuliwana chahamwe chize Ngwashikile ikiye hano lwolalumwe kunyima okwo, mu Tulsa, oloze hanyima chindende, oloze etu katweshi vakukunyuka hali chizeko.

³ Echi chapwile vene chamwaza, Ndumbu walunga Jeffreys, kuheta hakulimeneka cheka kuno, kaha nawa kwivwa kanyike kove walunga kwimba uze mwaso, kaha ove kuwimbisa. Nguli kaha nge na, tata na mwana. Enu kamwazangile ngochoko? “Nehenu uze mwana mujila kana atela kuya.” Chize chakwoloka, Mukulwane Guenther, enu—enu munatachikiza nge chize chize chakwoloka, hali enu vosena. “Munehe mwana mujila ize atela kuya, kaha nge ikiye nakolo lyehi keshi kahasa kufumamoko.” Kaha ou muchano. Kuli pamo lwolalumwe ikiye nahase kufumamo, oloze chize kacheshi kuhasa kufuma muli ikiyeko. Talenu? Echi nachiya—echi nachiya lwolalwosena nakutwama na ikiye. Chize kuli longesa chakulivanga na kala mwosena ikiye napunga nakumukulisa, echi nachiya—echi nachiya nakutwama na ikiye. Jino, echi chili . . .

⁴ Ngwaliwanyine na Ndumbu walunga Jeffreys kuze, kaha Ngwambile ngwami, “Ndumbu walunga Jeffreys . . .” Ngwashinganyekele, munatachikiza, Yami lwola lwosena ngwapwa wakuwahilila kumona kala ndumbwami nangutambukila, oloze ufuku kana ndumbu walunga angutambukilile nakwiza! Ou ufuku kana vatanga kaha vakiko vezanga kumbalaka, kunyima yaechi kuhizumuka. Ou ukiko

ufuku...Etu twatondo kumbata ou ufuku, kaha hamene chimene, na hamene ufuku, kupwa kaha etu nakufwelela hano ha mbalaka, na—na kuhitulukamo cheka. Etu tukwechi vimwe vifwelelo vyakusoloka kupwa nge vyamajilo, vyaungeji, oloze muthuumwe mokomoko mukwavo etu tunawane vakiko vali mu Mbimbiliya. Vakiko chasoloka kupwamo ufuku wosena.

⁵ Kaha jino, kachi nakuya nakupwa chuma chaungeji ndumbu walunga mokomoko ndumbu wapwevo, uze apandama kuchikungulwilo, mokomoko—mokomoko kukana, nalitwamina kaha mukachi haufuku uno, etu twatondo enu kutachikiza nge enu twamitavisa. Talenu, enu muli kaha vakwitavila nge omu namuhashila kupwa. Oloze jino Nguli nalutalililo... Kaha etu natulingisa echi kupwa chamwaza chikuma. Shikaho kachi echi chinasoloka nge enu kamwetavileko na echi, chamwaza, jino, enu namulinga ngocho nge omu Ngweji kulinganga omwo Yami ngweji kulyanga cherry pie. Kaha omwo Yami ngweji kulyanga cherry pie, eyi yapwa chuma chize ngwazanga chikuma, Ngweji lwola lwosena, Omwo Yami... Omwo Ngweji kulyanga ize pie, kachi Nangujakuta ha mbuto, Kangwambila pie yosenako. Ngweji—Ngweji kumbila ize mbuto na kutwalilaho kulya ize pie. Chochimwe, chipwe nge kulya kasumbi. Jino, enu vosena mwazanga kasumbi, talenu. Kaha omwo enu namusuma ha chifuwa, enu kamwechako, enu mweji kutwalilaho nakujinguluka kuze kuchifuwa na kutwalilaho kulya uze kasumbi. Chamwaza, ize ikiko jila enu namulinga ufuku uno, omwo Yami nguli nakuhanjika hano, enu lingenu kaha... nge namusuma hachuma chimwe, enu hanjikenu, “Jino, Kangweshi—Kangweshi kaha kupwa...Yami ngunatwame kaha muli echi, nge Vinangwilo cha liuka lyalindende, muli echi kuliwana chitatu. Vakiko vali kaha nge vanakuhitulukamo omwo vakiko—omwo vakiko vafwelela, kaha nakuya kulutwe.”

⁶ Kaha jila kaha enu munahasa kulinga shina kulingisa muthu kufwelela Echi, na kuya kwimbo chikuma palanga vakiko navaya nakutachikiza nge Chize hichuma chakwoloka. Eyi ikiko jila kaha enu namulingisa kupwa chakuzama. Nge omo apwa sepa lyami, Mukulwane Wood Ngunapunga nenyi; kachi enu namuya nakwingisa lumbambo chimbwa kaha, kaha lize livaya lili lyasekenye, kaha peho nayiya nakuchifumisaho nakuchimbila hamavu linwaha. Oloze enu yenunga nakwingisa muli ikiye, echenu ingile chikuma. Shikaho jino kachi Nguli kaha namanya hali evi vihela vimwe, na kuli enu vangeji ufuku uno munatwame hano, Yami kangweshi—Yami kangweshi kweseka kumbila echiko. Yami nguli kaha nakweseka kuya kwimbo kuliuka na ovyo etu twafwelela. Vosena vatachikize jino echi kupwa chuma chamwenemwene, hanjikenu, “Amena.” [Chikungulwilo ngwacho, “Amena.”—Muka.] Chosena chakwoloka. Echi—echi chili kanawa. Kaha jino mbatenu echi kufuma mulivoko lyami. Kaha jino—jino

echi...Vakiko vali nakukopa evi, na vyangocho, mangana kulutwe, kachi vakiko vanatondo kuwana etu twemanyina halihi, kaha ha chikuku muka etu twamanaho, echi kukopa nachiya nakwambulula. Kaha jino etu tweji kulinga evi chikuma, 'mwomwo kuli vathu vavahya veji kwizanga kuno kaha—kaha etu tweji kuyanga lika kulutwe. Kaha jino etu katweshi kuhasako kupwa vakuhasa kuya helu lya Jinangwilo ja liuka, oloze vamwe vavo vase etu twatondo ku—kuhanjikaho. Kaha jino, ufuku wa Muchitatu, chipwethuhu, kuputuka. . .

⁷ Jino, ha Chimwe na ha Chivali, Yami nanguya nakufumako, na kulomba, pwenu vakulizanga kupwa kutanga chakuka. Kaha enu namupwa hajishinga, mokomoko kalakwosena okwo ove unazange kulinga, kaha neha kala muthu uze ove unatondo, hali echi kuhizumuka chachimene. Kaha valwekeni vakiko kanda naveza kulumbushiko jino, keshi kwiza, nakuhanjika, "Chamwaza, jino Nanguya nakwingilamo kaha kungulebelela, ufuku uno. Kaha hamene ufuku, chikiko kaha. . ." Ove kanda kulinga ngochoko. Enu twayenu na kwivwulila shimbu yayindende, mwomwo etu twatondo kumbata lwola lwetu na kuhaka eli Lizu nakulipandamisa nge liyavolo keshi numba kupwa na chuma chimwe chachindende mukapete mwakuhasa kutambukako. Kaha jino omwo enu namwecha lufwelelo lwenu kuya nakusongo, palanga enu namuputuka kufwelela, kahajino echa chivezu chenu chiyenga nakuzata, kahajino lufwelelo lwa Kalunga naluya nakumishijika. Kahajino enu namuya lika kulutwe. Talenu?

Mwomwo, lufwelelo lwenu kalweshi kuhasa kulinga chikumako. Chivezu chenu chatelakutambuka mujila ya lufwelelo omwo luli nakutambuka, kaha jino lufwelelo lwa Kalunga nalutambuka kunyima na kwinjikiza echi chosena. Talenu? Oloze, kachi luli lufwelelo lwove, "Mamalelo, eyo, Ngulukwechi hano vene jino!" Kaha numba thuhu chivezu chove, kuhiluka kunyima kuno, kuhanjika, "Ngunalikomokela kachi nachiya nakuzata hali yami?" Kacheshi kuhasa kuzachiwako, hano vene. Talenu? Shikaho etu twatondo echi kupwa kutanga chakuka chamwenemwene. Kaha shimbu kanda Nguvenga nakuha umwe mukapete, na vyangocho, kuneha kukuka, mokomoko kuli echi kutanga chachihya, Ngwatondo vakiko vevwishise vene nge vakiko vali nakwijila ika. Shikangaho anukenu kaha, na kwiza na kutumenekela etu, kaha etu natuya nakupwa vakuwahilila kupwa nayenu.

⁸ Jino anukenu, jino, muchimene, etu natuya nakutwalilaho lika Nakunangula chaliuka. Kaha hamene na ufuku mujila yoyimwe. Jino enu mulivakwitavila kwiza, kaha kala muthu nahase kwiza. Etu twapwa lwola lwosena vakuwahilila kumona kala muthu. Oloze jino ou, ufuku uno, uli kaha wakwinyikila vathu kwimbo kukiko ku mbalaka kuno, eli—eli linafumu Mukunangula kana echi. Mwomwo, muze muwande,

muwande wa mukakwambulula mujimbu wamwaza, etu tweji kumbatanga kaha chikuku, Vinangwilo vya mukakwambulula mujimbu wamwaza cha Visoneka. Oloze hano ha mbalaka, etu tukwechi vishinganyeka vyetu na vifwelelo vyetu, nge kupwa—nge kupwa—nge kupwa liuka, kaha echi chikiko etu natuya ko, ufuku uno.

⁹ Kaha shimbu kanda etu tusokolole Lizu Lyenyi lya Kukisula, katweshi kuhasa etu kunongama mitwe yetu hakatando kakandende mangana tulombe?

¹⁰ Kalunga wa undume na ngolo, Ove, shimbu kanda kaye nakuputuke kujinguluka ha atom yatete, Ove wapwile Kalunga. Ove kawalumukileko chipwe chindende. Kaha omwo kwahonene kupwa numba numba atom yakuchikwachisa, kaha kuze kakwapwile numba kaye numba vakakwachilile, Ove wapwilenga lika Kalunga. Ove wapwa hayamyaka, kaha kufuma muhayamyaka. Ove wapwa Kalunga. Ove kaweshi na kuputuka chamakumbiko, chipwe kukuma cha kuyoya. Ove naupwanga omu wapwa. Kaha, Tata, Ove kupwa wakutachikiza lutwe na nyima, kaha etu kupwa vakuhona kutachikiza lutwe na nyima, kahajino etu twalombo keke Yove ya Ukalunga, Kalunga, kutachikiza nge eyi shipilitu yetu na nakutambuka hamwe na Hayamyaka na myaka, kufuma mulwola lwayyuma, nakwingila mu Hayamyaka na myaka. Shikangaho, Mwata, etu hano tuli na kulitalatala ha ulwilo lwetu, na kumona omwo etu tunemana kumeso a Lizu Lyove, kaha kumona omwo etu tuli chili mukuhasa chetu. Kaha etu tuli nakuyoya muze mwakuvwisa kuwaha Ove? Kumana shipilitu jetu jinakwimanyina unjiho wa Shipilitu Yove? Kaha kumana kunangula chetu yinamanyinako unjiho wa Mbimbiliya? Kaha, Tata, echa etu tutalenu kwosena, mukamwihi, muli kutanga chitatu chili nakwiza kulutwe. Tuhanecho echi, Mwata.

¹¹ Kisula kafunga hano, vakakuzata muliuka, vaze vakufwelela muliuka, kaha kala membala, ava vathu veji kwizanga kuliuka. Hakupwa mumakumbi ami hano, Mwata, kuli vavavulu, vavavulu vaze Kangwatachikizako majina avo, mokomoko okwo vakiko vafuma, oloze Yami punduvene Ove wavatachikiza vakiko. Kaha etu hano mwomwo ya punga yimwe, ufuku uno, Mwata, kulikata ha Lizu vasoneka. Kaha tuhane etu Shipilitu Wajila muviyoyelo vyetu, nge etu tunahase kutwama mukuunda, na kuunda mumeso, na muwoma wa Kalunga, kaha tuli tale tale mu viyoyelo vyetu na Lizu Lyove. Tuhanecho echi, Mwata.

¹² Kaha muli ino zuvo, ufuku uno, Mwata, kuli vandumbwami vakuhandunuka handunuka va—va liuka. Kaha, Mwata, Yami shikaho ngunasakwilila nge vakiko vali hano na kulikata. Pamo etu tuhase kupwa hajishimbi ya Kunangujola. Oloze muli lushimbi lwalunene, etu tunemana kupwa vakulikasa hamwe kulutwe. Echi, Ove Kalunga, echa echi chituzamise etu—etu mukulikata, na etu... kaha najingoji ja likoji lya Kalunga na

zangi yinokele hali etu mukulisala. Jino, kutachikiza, Mwata, nge echi chili chikuma na mulimo hali muthu kuchilinga, mwomwo etu tuli hano mwishi ya kutachikiza, ufuku uno, makumishilo a myono yakashiwa ku Hayamyaka na hayamyaka. Shikaho etu twalombo nge Shipilitu Wajila mwaya nakwingila mu Lizu, kaha nakuhaka Echi na kulumbununa Echi Mujila Yeni Ivene, kuli etu, vyuma vize Ikiye mwaya nakutulingisa etu kutachikiza. Tuhanecho echi, Mwata. Kaha omwo vitatu. . . jiola ja kutanga jahichi, echa etu tuyenga nge liuka lya kuzama, nge lya kulinunga hamwe, kuhaka michima yetu na kujina chetu chosena hamwe, na vakwetu venyembo va Muwangana wa Kalunga, na kutambuka nakuya kulutwe chikuma.

¹³ Ngwatondo kusakwilila Ove, Mwata, hano kumeso a liuka na—na vathu vali hano, nge Ove wanguhanyine yami jino milungu yimwe ya mwaza yakunoka. Nguli nakwivwa ufuku uno kuwaha mwomwo ya Kupwa Chove na kukisula Chove. Ove Kalunga, etu twalombelela ndumbu walunga hano, ndumbwetu walunga ou ali nakuya na kuzauka tulungalwiji, nakuya swi na mumilima, mumafuchi amamajilo, kuze chiyoyelo chenye na chipwa chakutondewa. Ove Mwata, kisula Ndumbwetu Jeffreys nge omu ikiye himwaya, na mwanenyi, na pwevo lyenyi, na kumuhana ikiye na kutohwa chachinene. Echa ikiye kutuva mena kuhichila mumilima palanga nomu kumunyika cha Mujimbu wamwaza nachiya na kukumunyika na kutohwa. Ivwa etu, Tata, mwomwo etu twalombo echi chihanda mu Lijina lya Mwata Yesu, Mwa Nove. Amena.

¹⁴ Jino, ufuku uno, kutanga Mbimbiliya yayindende ya Scofield. Ngunahambakana twende faifi myaka yakusemuka, kalinwaha vene. Kaha Ngunahase kutanga lika, oloze kunakuya lika nakufuvalala. Shikaho Ngwalilanjilile vivanjilo vya kutangisa omwo Ngwapwanga na kulinangula, kaha Yami nanguya nakumona omwo alinakuzachila ufuku uno, hakupwa lwola lwatete.

Jino Nguli na mitwe, nge ngana, eyi, “Linatela Liuka. . .” Mamalelo, vyuma vyavivulu, kachi etu tunahase kupwa navyo. Umwe wavo, “Mwomwoika etu vatuvuluka kupwa Liuka? Mwomwoika etu twazenekela kupwa chikungulwilo? Mwomwoika—mwomwoika etu twafwelela mukukingiwa Chahayamyaka na myaka cha myono ya vakakufwelela? Mwomwoika etu tuli nakupaisa mapwevo kunangula? Mwomwoika etu tweji kujimikanga? Kaha kutala Liuka nalika hita mulwola Lwaukalu?” Kaha yayivulu eyi mitwe hano, Ngwafwelela Nguli na navo fifiteni mokomoko eyiteni muli vakiko, hamaufuku amandende alinakwiza.

¹⁵ Shikangaho Nguli nakushinganyeka, ufuku uno, kuputuka na, hakuputukila, echi chinasoloka kupwa Mwata kuchihaka ha muchima kaha kupwa nou mutwe, ou. . . *Mwomwoika Etu Twazeneka Kupwa Chikungulwilo?* Mulonga uli. . . Jino, etu

katweshi na chumako hali ava vathu vali mu chikungulwilo. Etu katweshi nachuma chimweko hali vakiko, oloze Ngwataondo kulumbununa mwomwoika etu katwatambuka hamwe na kala chikungulwiloko. Vangutongwele mulize liuka lyalindende lya Mbaputishiti, nge omwo munatachikiza. Kaha va Mbaputishiti kavapwa chikungulwiloko, kavapwile ngochoko palanga linomu kaha, kaha jino linapu nakwiza nakupwa kaha chikungulwilo nge omu ali osena. Oloze, mulonga etu tunahonene kwiza na kupwa chikungulwilo. . .

¹⁶ Jino, etu tuli lizavu lya kulivwasana. Etu twapwa lizavu lya kulivwasana, kukukopa hano mu—mu vipango, lizavu lya kulivwasana, lizavu lya vathu lize vanalivwasana kupwa hamwe na kulifukula Kulishitu, oloze etu katweshi chikungulwilo ko. Nduma naumwe pimbi mwaya nakuyula hali mukwavo, mwamono. Echi keshi chikungulwilo ko. Echi—echi chinapu kaha lizavu lya kulivwasana, kulikata mukachi ka Vakakulishitu vakakufwelela. Vathu vejile kuno kuliuka. Kaha echi chineza nakupwa limbo lyavo kachi vakiko navazanga kwiza, kachi nge vakiko navapwa vakakuyoya.

¹⁷ Kaha vakiko vanahase kwiza na kukana na vyuma vyosena evi tweji kunangulanga etu. Chize chinapu chakwoloka nakukupuka mwosena. Enu hanga, kachi kaha enu namupwa Vakakulishitu, enu mukwechi kulikata, kaha hana echi chochimwe nge vakiko vosena. Talenu? Kachi Ngwambile ngwami Ngunafwelela mukujimika cha kwingisa mumeya, kaha enu mwafwelela mukusapwila, kaha twamavene ngocho hali ocho, etu natuya nakwimana chochimwe nge etu twapwile kachi etu vosena natulivwasana. Etu tunahase pamo kuhona kumona meso na meso, chochimwe. Oloze kachi kaha nge ove uli ndumbu walunga Mukakulishitu mokomoko ndumbu wapwevo, ove twakwitavila chikupu, talenu, kalamuthu.

¹⁸ Shikangaho etu katweshi na chikungulwilo ko, mwomwo Ngwashinganyeka nge chikungulwilo cheji kuhandununa undumbu. Vamwe muli vakiko navaya nakuhanjika, “Chamwaza, etu katweshi nachuma chimwe chakulinga muli echi kuhizumuka. Echi chinapu kuhizumuka cha Mesondisiti.” “Chamwaza, chize chinapu Mbaputishiti. Etu katweshi na. . .Etu twapwa va Mesondisiti. Etu katweshi nachumako chakulinga na chize.” Ndumbu walunga, kachi Kulishitu ali muli chize, etu tukwechi—etu tukwechi vyosena vykulinga na echi. Etu twatela kuhaka vyetu. . .Eli—eli linapu Mujimba wa Kulishitu uze uli—uli nakuyanda. Kaha Ngwamono nge muli vyangocho mulifuchi lelo, kuli ovyo tuli navyo. . .Jino, Kulishitu kanda lyehi alinge evi, hakala lwola, kupwa nalizavu lya kulivwasana kala liuka lya chikungulwilo. Jino, echa chize chipwenga chakukunyukisa.

¹⁹ Jino, jino, Nguli nakuya nakumihulisa enu hamene naufuku, kachi kala vyuma evi enu mwatondo kutachikiza, nge mujimbu

wakumwaka Nguli nakutangaho, mokomoko chumachimwe chikwavo. Kangweshi kaha na lwola lwakuhasa kuhitamo, Kangweshi kuya kumutwe wachihande ukwavoko, 'mwowmo enu kwenyeka milungu hali mutwe wachihande woumwe. Oloze kachi enu mwatondo kutachikiza chihela, kalachuma, nguhulenu yami, kaha hakenu echi hano ha—ha chitwamo chakusonekela, kaha Nanguya nakukumbulula.

²⁰ Jino, chikungulwilo chamwaka, kaha liuka lya chikungulwilo chakulivanga chize etu twapwile nacho, lyapwa liuka lya Katolika. Kaha lya livwasanyine mumyaka seli handulendi na yikwavo hanyima ya kufwa cha kapositolo wamakumishilo. Kaha echi chakwoloka. Enu echi namuchiwana kuli va Nicene Fathers va kushikulu, kaha enu namuchiwana mukusoneka cha Josephus, kaha, mamalelo, vavulu muli enu—va kushikulu vavanene. Talenu? Kaha omu chapwa mu—mu... kala chisemunuino chaliuka, kushikumuka palanga kufwa cha kapositolo wamakumishilo, kaha myaka seli handulendi ya myaka kusali yikwavo ya va positolo, kuze kakwapwile mauka avikungulwilo. Kaha Katolika lyapwile liuka lya chikungulwilo.

²¹ Kaha liuka lya Vakulikanga apwile vikungulwilo vase vapwile vafumine muvikungulwilo. Kutungulula chatete kwiza, apwile Luther; hanyima ya Luther kwejile Zwingili, hanyima ya Zwingili kwejile Calvin, na kushikumuka nakuya lika. Kaha kushikumuka kutwala ku Kukuhezumuka Wesleyan, kaha kutwala na kuli Alexander Campbell, John Smith, kaha kala, talenu, nakutwalilaho. Kaha kutambuka chamakumishilo nge etu tuli jino chili chakuhandunuka cha chisemunuino Chipendekosita.

²² Kaha Ngwafwelela nge Kalunga nalingi mukala chisemunuino. Oloze enu mwachimona chize, lwola lwosena liuka lyeji kuhona, kaha haze vene vakiko navaputuka kuzamisa echi vakiko hinavaholoka? Kaha kalalwola vakiko nge vanahono, Kalunga kanda lyeji akatule liuka kana cheka. Chize cheji kuyanga lika na kumbuto. Jino enu mweji kaha...Kachi enu mwatondo kutachikiza mujimbu wakushikulu hali chize, etu—etu tunahase kuuneha, nge—nge naliuka nalimwe pimbi, chipwthuhu mumujimbu wa mauka, kwapwile chikungulwilo chaholokele kaha chasangukile cheka. Mbaputishiti, Mesondisiti, Pulishiteleyani, Luteleni, kala mwosena omwo nalipwa, omwo vakiko navakahona, vakiko vanayi kunahu. Jino, echi chakwoloka. Jino, echi, Vanangu—Vanangulweke nge enu munatachikiza, kuvwala tuhuma, 'mwomwo etu natuya nakutunga ou mutondo. Talenu? Kanda lyeji kupwenga, halwola lumwe. Omwo muthu mweza hakapanji na kutunga liuka, echi chaputukile.

²³ Kalunga eji kuzatanga na muthu hapanji, keshi na chikungulwilo. Kalunga kanda lyeji numba muchisemunuino chimwe azata lyeji na chikungulwilo. Ikiye lwola lwosena eji

kuzatanga na muthu ukawenyi. Mu Tesitamende Yamwaka, Ikiye eji kuzatanga na muthu ukawenyi. Mu Tesitamende Yayihya, Ikiye azachile na muthu ukawenyi. Mukala chisemunuino, Ikiye lwola lwosena eji kuzatanga na muthu ukawenyi, kaha keshi na vikungulwiloko. Shikaho, shikangaho, kachi Kalunga keshi muchikungulwiloko, kaha yami mulimo uka nangupwa nawo na nechikungulwilo? Jino, Yami kangweshi nakuhanjika hali vathu vali muchikungulwiloko, Yami nguli nakihanjika ha chikungulwilo chivene, mwomwo vathu ja Kalunga vali muze muvikungulwilo vyosena.

²⁴ Jino, Kalunga kanda lyehi eche chuma chimwe chisoloke kuvangila Ikiye navangila kuhana kuhuhumuna kuli chize. Kangwafwelela nge kuli kala chumako . . .

²⁵ Jino, nge etu natupwa na vyuma naviza nakulovoka, mumauka, vyakufwana nge vize twapwanga navyo kalinwaha vya manyinga na maji, na vyangocho. Kaha munatachikiza “Ndumbu walunga wamwaza Branham” mukanda, kaha navyangocho. Oloze mulonga Yami ngunemanyina hali echi, mwomwo echi kacheshi mu Lizu ko. Kaha ou ukiko mulonga uze Yami ngunakane chikungulwilo, mwomwo chize kachapwile mu Lizu ko. Kaha echi chikwechi chumachimwe etu twatela kujikila lufwelelo lwetu. Kaha kachi etu katweshi kuhasa kujikila ha chikungulwilo chimwe ko, etu natuya nakujikila ha Lizu lya Kalunga. Mwomwo Chikiko kaha chinapu chikuku, linapu Lizu lya Kalunga.

²⁶ Kahajino kachi Lizu lya Kalunga kalya hanjikako ha chikungulwilo, oloze lya hanjika nakukana chikungulwilo, kahajino etu twatela kuhanjika na Lizu. Chipwethuhu mwosena omwo kalama, kala muthu mwahanjika, kala muthu mwashinganyeka, kala muthu wamwaza mwahanjika, kala wose mwahanjika, kachi kalyeshi kutesa na Lizu lya Kalunga, kaha chinapu chakuhenga. Talenu? Chize chatela kupwa, Lizu lyatela kupwa chuma chamakumishilo. Lizu lya Kalunga lyatela kupwa chuma chamakumishilo amena.

²⁷ Jino anuka, Yami kangweshi nakufumisa ukulishituko muli kala muthuko (enu munevwushisa chize) mu vikungulwilo. Kuli ji teni sauzande myono yamwaza muli vize vikungulwilo, vali vana va Kalunga. Oloze kuvahandununa vakiko na kuvafumisa, Yami ngunakane chize. Kaha Lizu lya Kalunga linakane chize.

²⁸ Kaha ngwafwelela nge kakweshi numba fukiso yimwe yili mulifuchi lelo, kakweshi numba fukiso yapwileko mulifuchi, oloze kuvangila kaha chize vapolofwetela na chikeza, ha Lizu lya Kalunga. Ngwafwelela nge Lizu lya Kalunga nalihana vyuma vyosena vize etu tuli nakutonda, hano vene mu Lizu. Kufuma mu . . . kukuputuka na kukumisa chetu, echi vachiwana vene mu Lizu lya Kalunga. Kaha jino Ngwa—Ngwafwelela nge kachi mu

Lizu lya Kalunga, kahajino etu twatela . . . Echi vachipolofwetele lyehi. Kaha Lizu lya Kalunga lyapwa kuhuhumuna.

²⁹ Jino, enu kamwatela kutanga Lizu lya Kalunga nge mijimbu yahamapepa. Enu tangenu Lizu lya Kalunga hali Shipilitu Wajila, talenu, mwomwo ou Shipilitu Wajila Livene kuhanjika kuhichila muli Kulishitu. Kulishitu kusakwilila Kalunga nge Ikiye nasweke vyuma evi kufuma kumeso avakamangana na vakakunangakana, kaha mwaya nakuvisolola kuli vakiko vakemba vaze vanahase kulinangula. Shikaho, enu talenu, kakweshi jila yimwe yakuhasa kupwa mukakutanga, kakweshi jila yimwe yashile kuyula. Kuli kaha jila yimwe yakupwa mukwoloka, shina, kupwa waktwaminyina kuli Shipilitu wa Kalunga. Kaha chize kutachikiza ove wapwile nacho nachitambukila hamwe na Lizu. Talenu? Kahajino ove ukwechi echi. Talenu?

³⁰ Nge omwo etu natuya nakushikumuka muminyutu yayindende jino, etu natuzata na vathu vaze vali—vali . . . Vamwe muli vakiko vali vavene vachi Calvinist, vamwe vavo vavene vachi Arminians, kaha—kaha mujila jakuhandunuka handunuka. jino, kuli lwola lwosena, numbathuhu enu namukakehesa ngachilihi, echi chikwechi sali jivali. Echi chili chakwoloka vene. Kaha vakiko vosena vavali vali nahahakwimanyina jipami javo. Oloze, chuma chimwe hali echi chili, kaha Muchano ulikulihi? Kaha kuze kukiko etu tuli nakwiza, kuze etu natushingayeka nge ha likoji lya Kalunga, etu natuya nakumilweka enu Muchano wa echi. Jino echa tumbate kaha . . . na echi chinapu kaha kuze Ngwambachile kunangula cha mauka amwe kaha ngwawasoneka.

³¹ Echa tupandumunenu muji Mbimbiliya jetu, muminyutu yayindende, enu vosena jino. Kaha echa tuyenu ku Kusoloka, kapetulu 1; mokomoko Kusoloka, kapetulu 17, tuputuke nou. Kaha echa tuputuke kutanga kaha tuwane jino kuli awa mauka aputukile ngachilihi, kaha chumamuka—chumamuka chawaputukile. Jino, eyi Mbimbiliya yahuhumuna vyuma vyosena. Ya hahuhumuna makumbi awa etu tuli—etu tuli nakuyoyela mo. Kaha jino, Kusoloka, kapetulu 17, kachi enu namuhasa. Ngwambanga 13, Kangwatwalanga muzeko, chili kaha . . . Etu natwiza kuli chize hanyima thuhu, nawa, echi chili muupolofweto wa United States. Oloze iwwililenu nakutengeleka jino.

Kuli vaze vangelo vatanu navavali vapwile navize viloso vitanu vavivali, kwejile umwe kuli yami, nakuhanjika . . . Twaya kuno; kaha nangulweza . . . ove omu navamupayisa uze pwevo mukaujila wauwulu uze atwama havimeya vyavivulu:

³² Jino anuka, echi chili nakwivwakana nge mangana akusweka. Jino ou ali pwevo puho yayipi, jino, kachi etu natuya

nakunangula echi, enu mwatela kuya nakuwana chatete eyi evi vinjikizo vya lumbunukila ika. Jino, *pwevo*, mu Mbimbiliya, emanyinako “liuka.” Vangahi muno vanatachikiza ngocho, nge etu twapwa Mwenga? Eli Liuka lyapwa Mwenga.

³³ “Twaya kuno kaha nanguya nakukulweka ove kusopesa.” Jino, kuli nakuya nakupwa kusopesa vanahanjika hali uze *pwevo* mukaujila wauvulu, *pwevo* wamajilo uze natwame ha vimeya vya vivulu. Jino, uze *pwevo* chifwanyisa cha “liuka,” kaha *meya* chifwanyisa cha “vathu.” Jino, kachi enu namuya nakutalisa echi, nawa, tala, ha vasi 15 shimbu enu muli haze, vasi 15, kapetulu youmwe.

Kaha angwambile ngwenyi, Vize vimeya wamonanga, hatwama uze mukaujila wapwevo, vakiko vathu veka naveka. . . namayongomena. . . na vaka mafuchi navaka, malimi eka naeka. (Talenu?)

³⁴ Jino, eli liuka lyalinene, *pwevo* wamunene, jino anuka ikiye ali *pwevo* wapuho yayipi. Kachi *pwevo* nemanyinako liuka, (kaha Liuka lya Kulishitu napu Mwenga, Mwenga wakujila), kahajino hano hali *pwevo* wakujiluluka. Kahajino echi lyatela kupwa lyakujiluluka, kulifwanyisa kupwa, mwenga. Talenu? Jino, kaha ikiye eji kulinganga ika? “Ikiye natwame ha,” mokomoko kupwa *helu*, kulumbununa, “kupwa na kuyula ha vimeya amavulu.” Mujila ikwavo, ikiye ali na ngolo ja mumafuchi osena na malimi eka naeka na vathu. Ikiye ali muthu wamunene, ou *pwevo* ali.

Jino, va myangana vahamavu vanalingi nenyi ujila. . .

³⁵ “Mwomwo na va myangana vahamavu valingi nenyi ujila,” mahando, malunga vavanene vanalingineyi ujila. Kaha ove naulinga ngachilihi ujila, kaha mwangana mwalinga ngachilihi, ujila na liuka? Echi chili ujila wa kushipilitu! Washipilitu! Ujila chuma muka? Echi chili, chamwaza, echi nge *pwevo* ali nakuyoya mwakuhona kushishika kuli lunga lyenyi. Ikiye alinakuyoya na lunga weka shimbu ikiye akwechi lunga. Kaha eli liuka, kahajino, lili–lili nakufwanyisa kupwa Mwenga wa Kulishitu, shimbu ikiye ali nakulinga ujila na va myangana vamukaye, na kuyoya chenye chamajilo, kulivuluka chamajilo. Mamalelo, Echi chili chakujimiminyina kaha Chili navyuma vyavinene. Ngwazanga Lizu. Jino talisanu.

. . . ukwechi va myangana vahamavu vanalingi neyi ujila, kaha vaka kutwama hamavu navapendesa lyehi navinyo vyaujila wenyi.

³⁶ Yenyi “vinyo” ikiko apwile nakuvahana, kupendesa chenye, “Etu twapwa Liuka! Etu yetu vene.” Talenu? Jino, shinganyeka echi muvishinganyeka vyenu jino. Chosena chakwoloka. “Shikaho ikiye nambate-. . .”

³⁷ Jino, uze kangelo amulwekele Yowano, “Nanguya nakulweka ove kusopesa nachiza hali eli liuka lyalinene.” Jino tala.

Shikaho angutwalile muli shipilitu mupambo: kaha ngwamwene pwevo natwame ha chisuma uchila . . .

³⁸ Uchila, mu Mbimbiliya, kwimanyinako “wangana.” Uze ulombo *uchila* kulumbununa “kuchilana.” Kaha *chisuma* kwimanyinako “ngolo.”

Mwamono, uze chisuma ejile nakulovoka mukalungalwiji, muze mu Kusoloka, 13. Kaha omwo namumona uze chisuma kwiza na kulovoka mukalungalwiji, kulumbununa ngolo jakulovoka mukachi kavathu.

Oloze mu Kusoloka 13, omwo uze mukoko ejile, ikiye ejile nakulovoka mumavu, numba vathu, United States. Oloze kajino, hanyima, ikiye apwile na jimbinga jivali, ngolo ja fulumende na liuka. Kaha jino ikiye atambwile ngolo, kaha kuhanjika nge chazangombe kunyima yenyi. Shikaho enu mwatela kusoneka echi, etu tuli nakwiza mukuyajiwisa chamukulifukula na chuma chochimwe chize vakiko valingile mu Loma vakashili myaka yayivulu kunyima okwo, mwomwo chili MUKIKO MWANAMBE MWATA.

Jino talenu echi. “Natwame ha chisuma, ha ngolo.”

³⁹ Enu mwamumwene Laveka? Omwo Eliezer amuwanyine, chapwile mulwola lwa chingoloshi, kaha ikiye asanyishile va ngamela. Mwomwo, Eliezer ngwenyi, “Kachi kanyike wapwevo mweza na kusanyisa ou ngamela, ikiye mwaya nakupwa . . . na kuhana kunwa, uze mwaya nakupwa umwe uze Ove una sakula, Mwata, nakupwa mwenga yangamba Yove, Yisaka.” Kaha shimbu ikiye apwile mukulomba, Laveka ejile na kuswita meya na kuhana kunwisa, na kusanyisa ou ngamela. Talalisa, hali ou ngamela apwile chisuma. Kaha chisuma youmwe uze ikiye asanyishile, apwile uze umwe amuvelekele ikiye nakumutwala mwenga, Yisaka.

⁴⁰ Kaha, lelo, ngolo ja Shipilitu Wajila, lize Liuka lili nakusanyisa na kulifukula, chili Chuma chochimwe nachikambata Eli liuka kufuma hano hamavu, nakulihumangana na Mwenga. Punduvane, Yisaka apwile muwande, na chingoloshi. Etu katweshi kukaliwana na Mwata muze mu Upahauko. Efwesu, kapetulu 5, ngwenyi etu natukaya nakuliwana na Ikiye muutangatanga. Mamalelo, echi chikiko chinalingisa va Mesondisiti kupwa vakulizanga kutambakana. Shinganyeka hali echi! Talenu? Uze Mwata . . .

Yisaka ejile nakulovoka kufuma muzuvo yaise, kaha alovokele nakupwa muwande omwo ikiye amwene Laveka kwiza ha ngamela. Kaha ikiye amuzangile, hakumumona chatete, kaha ikiye atumbukile nakufuma hali ngamela na kulaha nakuliwana na ikiye. Chize chakwoloka. Muze mukiko etu natukaliwana

na Mwata. Kaha uze ngamela youmwe ikiye asanyishile, ikiye amumbachile nakumutwala kuli lunga lyenyi.

Kaha eji Jingolo eli Liuka lili nakulifukula, nge kaye vali nakusanyika nge kuzaluka, nge Liuka lili nakulifukula, najiya nakupwa Ngolo jojimwe najiya nakumbata Liuka muutangatanga, “Kuya nakuliwana na Mwata muutangatanga.” Ou Shipilitu Wajila! Talenu? Kuze kuli . . .

Kaha, tala, Laveka apwile sanda.

⁴¹ Kaha ou pwevo ali lihule, etu tulinakuhanjikaho hano. Jino, enu munevushisa ngolo jika jino? Jize—jize ngolo, omwo jalumbunukila, uze, chisuma. Ikiye apwile hali chichila. Jino muyachi wa chisuma muka mwakaya nakupwa? *Uchila*, uze mwakaya nakupwa “lihando” ngolo. Liuka lya muyachi uka ou pwevo mwakaya nakupwa jino? Liuka lya kupita, kaha likiko liuka lyalinene, kaha likiko lili liuka lya ngolo, kaha ikiye nafungulula nakukomba mayongomena avathu. Kaha va myangana va hamavu vanalingi nenyi ujila wamushipilitu na ikiye, vase vakiko malunga vavanene va hamavu. Jino etu tuya nakumuwana ikiye hiya, muminyutu kaha, na kuwana nechi chikungulwilo.

kaha uze pwevo avwalile mahina aungonyi (awangana), . . .avwalile mahina aungonyi nawawa aulombo uchila, . . .alilengele naulu na malolwa ajindando jajikalu . . .najipela, kaha mulivoko lyenyi apwile nalupasa lwaulu lwakuzala navyuma vyaunyengwe namajilo vya ujila wenyi:

⁴² Ikiye apwile naka mulivoko lyenyi? Kunangula chenyi, chikiko nahane kuli vathu, “Etu twapwa Liuka. Etu twapwa *omu*.” Kaha ikiye alingishile vamyangana vahamavu kupenda hamwe naikiye, nge ngocho. “Etu twapwa *ngocho*. Etu twapwa vangolo jainene! Etu twakombo mafuchi osena. Etu twapwa liuka lyalinene chikuma etu tuli nalyo. Twayenu kuno, nweni wetu . . .Hano, hingununenu twatundende etu. *Enu* tumbatenu. *Enu* tumbatenu.” Etu tukikovene, talenu. Kaha ikiye apwile na lupasa mulivoko lyenyi. Tala.

Kaha uze pwevo avwalile mahina aungonyi nawawa aulombo uchila, . . .alilengele naulu namalolwa ajindando jajikalu najipela, kaha mulivoko lyenyi apwile na lupasa lwaulu lwakuzala navyuma vyaunyengwe na majilo vikiko vyuma vyamajilo vya ujila wenyi:

⁴³ Jino, masepa, etu katweshi tuli nakutanga mapepa amijimbu hakumbi hakumbi. Etu tuli nakutanga Kalunga Wahayamyaka na myaka na Lizu lya kukisula. Melu osena na mavu navikahita, oloze Lizu nalikasala. Chize chakwoloka.

Kaha kuluholo kwapwile lijina, lyakusoneka, ngwavo, MANGANA AKUSWEKA, MBAVILONE WAMUNENE,

*NEVO YAVAKAUJILA, NAVYUMA VYA UNYENGWE
VYAHAMAVU.*

⁴⁴ Jino, hano lwolalumwe lwakunyima, Ngwahono kutachikiza muliuka muno, oloze Ngwatangishile hamutwe wachihande, *Kusoneka Cha Hambango*, nakuhana mujimbu wa kushikulu wakwimana cha Mbavilone. Jino, kala jimbwiso ize yejile lyehi, kala kulifukula na kala jimbwiso ize yatwamako lyehi muno mukaye lelo, yaputukile mu Kuputuka. Jino, kachi enu namuya nakumbata Hislop's *Two Babylons*, kachi enu mwatondo kulandula mujimbu wakushikulu, mokomoko mikanda yimwe yangana, enu munahase kuwana kala jimbwiso ize enu mwatondo kuwana. Yami nanguya nakumikindulwisa kunyima muminyutu yayindende, ha mapwevo kupwa vakakunangula, talenu, kaha nakumulweka enu okwo yalivangilile kuputuka, talenu, kunyima mu Kuputuka. Kaha ha vyuma kana vyakuhandunuka, omwo vyalovoka kufuma mu Kuputuka. *Kuputuka* kulumbununa "maputukilo." Vangahi vatachikiza echi kupwa chakwoloka? Kuputuka kupwa maputukilo. Shikaho, vyuma vyosena viliko, vyatela kupwa na maputukilo.

⁴⁵ Nge nangutala ha mutondo...Ngunapunga mu chipapa kakavulu, katatu, pamo tukweji vavali. Ngwamwene mutondo, omwo wapwile wamwaza. Ngwaumwene, unashikumuka; ukwavo unakanduka muchihela chikwavo, kuyoya chakuzama. Kaha Nangushinganyeka hali chize. Oloze kumwe uze ukwechi maputukilo. Watela kupwa na maputukilo. Kaha jila kaha yinahase kupwa upwenga mutondo, mokomoko upwenga muoak, mokomoko mubeech, mokomoko mupoplar, mokomoko mupalm, mokomoko kala wosena owo, kwatela kupwa mwata wa Mangana kana kuyima ya echi. Mokomoko kachi kuli umwe, kupwa mutondo umwe wa muoak, vyuma vyosena mukaye kachi yapwa kaha mutondo wa muoak. Oloze Chumachimwe, chachinene, mwata wa Mangana, atela kuvihaka muchiyulo.

Kukisula chipwenga kuli Lijina Lyenyi Lyajila! Ikiye Umwe kaha Ou eji kuhakanga kuhakanga kakweji na vatanganyika muchiyulo chakuminyika. Ikiye ahaka vyuma vyosena muchiyulo. Kaha Ikiye mwaya nakuhaka Liuka Lyenyi muchiyulo. Naliya nakwalumuka nge omwo Ikiye natondo Liuka kupwa; kumututuko, kumulauko, kuto, mokomoko kusango, mokomoko mwosena omwo Ikiye ali. Nge natuya nakutala hali evi vishinganyeka vya vikungulwilo kuvifumisa muvishinganyeka na kulihana etu vavene mwosena ku Kavali. Ikiye mwaya nakuvihaka muchiyulo, kachi etu natuya nakulihana nge mitondo na kala tengeso Yenyi. Enu kamweshi kamona kakweji kuhanjika ngwenyi, "Kangweshi kuya nakumunyika ufuku uno ko. Enu vamwe vatanganyika munyikenu muchihela chami." Oloze etu, mamalelo, etu twapwa vakuhandunuka, mwamono.

46 Jino, Mbavilone, tala omwo Mbavilone yasoloka. Yasoloka mukuputuka cha Mbimbiliya. Yasoloka mukachi ka Mbimbiliya. Kaha yasoloka nakumakumishilo ya Mbimbiliya. Jino, kuli chumachimwe. Jino, yaputukile na Nimrod. Nimrod ikiye awanyine Mbavilone mu chana cha Shina, kwakamwihi na kaha mukachi ka kalwiji Tigris na Euphrates. Kaha Euphrates nahichi ngana. Kaha—kaha yize jila kana, kuhita na mulifuchi, kuya mbwe na Mbavilone. Kaha kuchikolo kuchikolo kwapwile kumuzauka tundo ya kuheta ku tu handulendi, vize vikolo vyapwile vyakutungu na unengu. Kaha nge nauya mukachi ka mbongi ya Mbavilone, jila josena yaile mbwe na kulitanda.

47 Jino, enu munahase kuya ku Loma, lelo, kaha kala jila nayikwala ku Loma. Kaha kuze kunemana wamundende Maliya sanda hambango ha mbango, hosena halifumbila jila, na Kulishitu mwana mulivoko lyenyi, kwinyika jila yakuya ku Loma. Talenu? Echi chinasoloka mukulivanga, Mbimbiliya; echi chinasoloka mukachi ka Mbimbiliya; kaha hano nawa kusongo ya Mbimbiliya.

Jino Ngwatondo kaha kutwalilaho kutanga, ha minyutu yayindende, mangana enu mupwenga na chikuku cha echi. Talenu? Chosena chakwoloka. “Kaha Ngwamwene uze pwevo,” jino tala, “lize liuka.” Nge namumona *pwevo*, enu shinganyekenu kaha “liuka.” Talenu?

...*Ngwamumwene uze pwevo napende na manyinga avakakujila, . . .*

48 Jino, lijina lya *kujila* lyafuma kulihi? Lizu lya kuvuluka *mukakujila* lyafuma kumulijina lya “umwe wakujilika,” mokomoko “umwe vanajilika,” wakujilika. Chosena kwaoloka.

...*Ngwamumwene ikiye napende na manyinga avakakujila, . . .*

49 Jino, kachi uze pwevo napu liuka, ikiye mwakayanjiwisa vakakujila. Kaha ikiye ali liuka lyalinene. Ikiye ali na ngolo hamavu hosena. Ikiye ali helu lyavimeya amavulu. Kaha ikiye... Va myangana va hamavu vanalingi nenyi ujila. Chamwaza, ikiye hiya? Kusoloka kupwa nge mangana akusweka. Jino Shipilitu ali nakuya na . . . Enu munatachikiza, kwatela kupwa mawana naine ashipilitu muliuka; chinyingi, na kunangakana, kaha ukwavo wa kuka, kaha ukwavo wa *vyuma vikwavo*.

...*na manyinga avinjho ja Yesu: . . .*

50 Kusoloka nge vakiko kaveshi nakuhakoko manganako kuli ovyo Yesu ahanjikile. Omwo lyahanjika liuka. Chosena chakwoloka. Kaha echi chakwoloka, nawa.

...*kaha omwo Ngwamumwene, Ngwalikomokelele na kulikomokela chikumakuma.*

51 “Ngwalikomokele chikumakuma. Ngwa...Echi chapwile na—na—na kulikomokela hachuma chimwe haliikiye, omwo Ngwalikomokelele omwo ikiye...” Jino echa yami ngumbate chihela cha Yowano na kweseka nakusokolola aha chindende, talenu. Yowano ngwenyi, “Ikiye natwame. Ikiye napu liuka lya Vakakulishitu. Ikiye ali nalisesa kujimbongo ja kaye. Ikiye alina vamyangana va hamavu kumahinji enyi. Ikiye ali lihando kaha ali wakuvwakuma, kaha ikiye mwapwa ngachilihi wakupenda na vinjiho ja Yesu? Kaha ikiye mwayanjisa ngachilihi vakakujila? Kaha ikiye mwajiha ngachilihi vinjiho ja Kulishitu? Kaha Ohonyi ikiye alinakulivuluka kupwa Mukakulishitu, lyavene, liuka lya Vakakulishitu.” Jino tala.

Kaha uze kangelo angwambile ngwenyi, Ikaze mulikomokela ngana? Yami nangukulweza mangana akusweka ayau pwevo, nawawa ayauze chisuma hatwama nawa, kaha uze ali...nayize mitwe yitanu nayivali najize jimbanga likumi.

52 Jino, echi chinapu chuma cheji kusolokanga chikuma hano jino. Enu kwatenu echi. Echi nachiya nakupwa chachashi.

Uze chisuma uze wamonanga, kwapwanga; keshiko kaha mweza kulovoka...muwina wakuzeneka kukuma, kaha mwakaya na kwingila mukunonga: kaha vakakutwama ha mavu navakalikomokela, vaze vakwechi majinavo vazeneka kusoneka ha mukanda wakuyoya kufumisa kukwala chihela chamavu, omwo vakiko navakamona...omwo vakiko—omwo vakiko vamumwene uze chisuma nomu apwangako, kaha keshiko, kaha mweza.

53 Jino, jino echi chatela kunyeta, shikaho chino hano. Ikiye ngwenyi, jino talisenu, nge, “Omwo vosena,” keshi vavandende kahako, oloze, “vosena vatwama hamavu nakaya nakulikomokela.” Vosena mulivakiko navakalikomokela. Kaye kosena nakakaya nakulikomokela hali ou pwevo. Nakukapwa lizavu limwe kaha lize kalyeshi kalikomokelako hali chize, kaha vaze vali na majinavo mu Mukanda wa mwana Mukoko Wakuyoya.

54 Jino, Nanguya nakushindakanya echi hano vene, mwomwo’ etu natuya nakwingila muli muminyutu yayindende. Talenu? Vakiko majina avo lwola muka vawahakile mu Mukanda wa mwana Mukoko wa Kuyoya? Kufumisa (Lwola muka?) vayile kukuhizumuka chamakumishilo kuze vayile? ufuku uze vakiko vayile kukamenga? ufuku uze vakiko valinungile na liuka? Kangweshi nakweseka kumikolesa enuko. Oloze, Ngulinakumulweza, omu yahanjika eyi Mbimbiliya, “Majina avo vawahakile mu Mukanda wa mwana Mukoko wa Kuyoya shimbu kanda kwala chihela chahamavu.” Mukiko vene! Omwo Kalunga, mukuputuka, amwene nge Ikiye mwakaya nakutuma

Mwanenyi Lyavene, kaha Ikiye mwakaya nakumbata chihela chihela chamukashili, omwo Manyinga a Mwana Kalunga omu ahichile. Eyi Mbimbiliya ngwayo Manyinga Eyi ahishile shimbu kanda kwala chihela chahamavu. Vangahi vanatachikiza nge Mbimbiliya yahanjika ngocho, nge, “Awa Manyinga a Kulishitu ahichile shimbu kanda kwala chihela chahamavu”? Omwo Manyinga ahichile, membala wose wamu Mujimba, vaze vakwechi majina apwile vawasoneka na Manyinga, ha Mukanda wa mwana Mukoko wa Kuyoya, shimbu kwala chihela chahamavu. Kaha ika enu namulizakamina hali echi? Mamalelo, ndumbu walunga! Echi chilinakusokolola mapito, keshi ngochoko?

⁵⁵ Chamwaza, jino echa tutangenu echi hano, kaha tumonenu kachi nge evi ahanjikile vya kwoloka. Talenu? “Kaha uze kangelo ahanjikile kuli yami, ‘Mwomwoika ove...’” Ngwafwelela echi chili mu vasi 8, “Kaha uze chisuma uze wamonanga...” Chosena chakwoloka. Mukiko vene.

*Uze chisuma uze ove wamonanga kwali, kaha keshiko;
kaha mwakeza nakulovoka muwina wakuzeneka
kukuma,...*

Jino, etu tuli nakwiza kunyima ya echi, oloze Ngwatondo kumbata echi mujila yikwavo, ’mwomwo etu natuya nakumbata echi.

*...kaha mwakaya mwakengila mukunonga:
kaha vakiko vaze vatwama ha mavu navakaya
nakulikomokela, vaze vakwechi majina avo vazeneka
kusoneka ha mukanda wa kuyoya kufumisa kukwala
chihela cha hamavu,...*

⁵⁶ “Kuze nakukapwa lizavu hano hamavu,” mujila ikwavo, “vaze navaka hungumwisa,” mwomwo ikiye avahungumwishile. Kaha kuze kwapwile lizavu limwe lize vahonene kuhungumwisa, kaha vaze vakiko vamwe vaze vapwile na lijina lyavo mu Mukanda wa Kuyoya shimbu chihela chahamavu kanda. Etu natuya muli chize kanda.

⁵⁷ Jino talisenu kanawa uze pwevo, lize liuka, ikiye apwile “Mangana akusweka, Mbavilone.” Etu twamumono ikiye nasolokela hali Nimrod. Nyi punga ya Nimrod yapwile ika? Nimrod awanyine mbongi na kulingisa jimbongi jikwavo kufweta mitelo kuli ize mbongi. Etu tunahase kumona echi chuma kana lelo? Kuliko chihela changocho lelo? Kuliko liuka lili nawata ha mafuchi osena mukaye? Punduvene. Kuliko chihela lelo chinakulingisa kala lifuchi kufweta mitelo kuli likiko? Kuliko chihela kana?

Echa tuyenga kulutwe na kutanga navikwavo nawa, chindende kaha, mangana enu mumbate chifwanyisa chosena cha echi. Chosena chakwoloka.

. . . uze amwene uze *chisuma* uze *apwile*, . . . *keshiko*,
kaha kwali.

kaha hahano vene hali muchima uli na *mangana*.

⁵⁸ Jino, vangahi vatachikiza nge mangana apwa wana wa Shipilitu? Jino, muyachi muka walizavu Ikiye alinakuhanjikaho, kahajino? Ikiye atela ali nakuhanjika kulizavu lya vathu lize lili na—na mawana a Shipilitu ali nakuzata muli eli Liuka.

. . . *haha vene hali muchima* uli na *mangana*.

⁵⁹ Jino, enu imanenu, wanenu nge kuhita muvisemunuino vyosena hano. Kufumisamo, ou Shipilitu Wajila kuhanjika hatoma to, omwo aze mawana nawakaya nakuzata lelo. Jino, etu tukwechi mawana a kuka ali nakuzata. Mamalelo, echi—echi nachiya nakupwa chamwaza. Chamwaza, ndumbu walunga, kuze kuli mawana akwavo. Ou unapu umwe hali akwavo. Ou unapu waundende. Chamwaza, hano hali wana waunene uli hano. Ou uli nakuya nakupwa wakulitulaho, ou wana wa Shipilitu Wajila wa mangana, kuhaka eli Lizu lya Kalunga hamwe na kulweka Liuka oho etu tunemanyina, kuhambakana kupwa namuthu umwe kutambula kuka? Etu vosena twatondo kupwa kanawa. Oloze Nangutonda kupwa na mwono wami kupwa kanawa, kuhambakana mujimba wakanawa, kalalwola. Mamlelo, yami!

Ivwilila Shipilitu Wajila kuhanjika kuhichila muli Yowano, ha pili ya Patamu, ngwenyi, “Haha vene hali mangana. Echa ikiye ewwilile kuli Echi.” Jino etu tuli nakuya nakumbata chifwanyisa na kuchifunda hano. “Haha ali . . .”

Kaha haha vene ali na muchima uli na mangana.
Ize mitwe yitanu naivali yinapu jipili jitanu najivali,
hatwama uze pwevo.

⁶⁰ Kuli kaha mbongi yimwe, ize Ngunatachikiza, muno mukaye. . . Kuli jimbongi jivali, eji Ngwatachikiza, jatwama na jipili jitanu na jivali mokomoko kuhambakanaho. Cincinnati yinapu yimwe hali jikwavo, eyi yatelanga kupwa nge mujimbu wakuhumikiza wa Cincinnati. Ali chisemi cha kangunge, munatachikiza, uze . . . na vyangocho. Oloze echi chili nakuhambakana nge omu chili. Oloze kakweshi numba liuka limwe lya yula mu Cincinnati ko.

Kuli kaha chihela chimwe mukaye kosena, lize likwechi liuka lya twama ha jipili jitanu najivali, lize lya yula kaye kosena. Jino, Ngunafumunga kalinwaha vene kuze. vyuma vyosena vize.

Kaha Ngwamwene kuze lya twama nge omwo yahanjika, “Kaha haha vene ali na mangan.” Kusoloka 13. “Echa ikiye uze ali na mangana alave jinambala jauze chisuma, mwomwo ili nambala ya muthu.” Keshi lizavu lya vathu ko, lizavu lya

malunga, oloze “ya” muthu. “Kaha nambala yenyi ili sikisi handulendi na sikisite sikisi.”

⁶¹ Ngweji kwivwanga kakavulu, nge, haze halitanda lya popu waku Loma, vasonekaho, “VICARIVS FILII DEI.” Ngweji kulikomokela kakavulu nge echi chapwa muchano. Fundaho mufunda, kaha wuufunde mujisona, mukusoneka chamu Loma, kaha umone kachi echi kacheshi ngochoko. Echi chili vene muchano. Ngwemanyine *halichize* kwakamwihi na uze muchama wa popu, wapwile mumangilashi, “Kuyula cha hetese, mwilu, na chihela chakukonekela.” Talenu? Shikaho, vize vyuma, Ngunafumuko kalinwaha, kufuma ku Loma kaha kutachikiza nge unapu muchano. jino tunatachikiza mukiko chili.

Kaha haze vase va myangana vatanu navavali: vatanu vaholoka lyehi (hali luze lwola), kaha umwe ali (ikiye uze ali nakwiza jino, uze apwile Caesar), kaha mukwavo ali nakwiza (ikiye apwile Herod, uze apwile wamupi); . . .

⁶² Jino tala. Tala omu chinatela vene.

. . . kaha omwo ikiye mwakeza, ikiye mwakatwalilaho ha katando kakandende.

⁶³ Kuliko umwe muthu atachikiza kushimbula cha kuyula cha Herod? Tukweji sikisi. Kukoka naye mujila, hajoko ya chimbulu. Kaha nakwocha ize mbongi; nakuyihaka hali Vakakulishitu. Kaha nakwimba tulyalya kusali yapili shimbu vakiko vapwile . . . shimbu vapwile nakwocha mbongi. Tukweji sikisi—sikisi. Kaha talenu, “Kaha uze chisuma . . .” Jino tala, tala ukenya kana apwile nawo. Talenu? Jino tala.

Kaha uze chisuma apwangako, kaha keshiko, numbathuhu . . . uze wa namba eyiti, kaha ali wa nambala seveni (chisemwa cha seveni), kaha mwakaya mukunonga.

⁶⁴ Kala muthu natachikiza *kunonga* chuma muka, “hetese.” Kaha tala kuze ikiye akandukile, “hetese.” Chuma muka echi? Uze wina wakuzeneka kukuma. Kaweshi na chikukuko cha kunangula cha Katolika ko. Muze kamweshi Mbimbiliya ko ya kunangula cha Katolika. Muze kamweshi chuma chimwe nge ngwavo Mbimbiliya ya va Katolika ko, kamweshi moko. Vakiko kavahajika ngochoko. Uze kapilishitu kutwama haze, uze kapilishitu wamundende helu haze muliuka lya ha Muchima Wakujila. Ikiye ngwenyi, “Mamalelo, ikiye . . .” Ngwapwile nakumulweza ikiye ha kujimika Mary Elisabeth Frazier. Ikiye ngwenyi, “Mamalelo, ove mujimike ikiye nge kutesekesa na jila ya liuka lya Katolika vakulivanga.”

Ngwambile ngwami, “Mwaka uka valingile chize?”

Ikiye ngwenyi, “Mu Mbimbiliya, Mbimbiliya yove.”

65 Ngwambile ngwami, “Kumana liuka lya Katolika vajimikile ngachize? Kumana echi chinapu kunangula cha liuka lya Katolika?”

“Yaah.”

66 Ngwambile ngwami, “Mukukupuka cha liuka lya Katolika, mwomwoika linalumuka ngana?” Talenu?

67 Ikiye ngwenyi, “Chamwaza, talenu, enu vosena mwafwelela Mbimbiliya. Etu twafwelela liuka.” Talenu? “Etu katwazakamako mwosena omwo Mbimbiliya nayihanjika. Shina omwo nayihanjika liuka.” Echi chili vene chakwoloka. Enu namukeza kukusoloka, kuli echi, kweseka kamwekaha, talenu. Vakiko kavazakamako mwosena omwo Mbimbiliya nayihanjika; chize kacheshi na chumako. Vakiko veji kuzakama omwo nalihanjika liuka. Talenu?

68 Oloze etu katwazakama mwosena omwo liuka nalihanjika. Etu twazakama omwo mwahanjika Kalunga. Amena. Mwomwo Mbimbiliya, vasonaka, “Echa lizu lya muthu wosena lipwenga lya makuli, kaha Lyami kupwa lya Muchano.” Omu mukiko etu twazenekela kupwa chikungulwilo.

69 Jino tala. Ivwililenu kuli echi, ha munyutu kaha. “Va myangana vatanu vapwile, vakuholoka, vamyangana vatanu.” Kachi enu munatondo echi kufuma mumujimbu wakushikulu, Nanguya nakumisolwelayo kuli enu. “Kaha umwe ali, kaha umwe ali nakwiza.”

Jino tala, “uze chisuma.” Jino, uze chisuma kapwile mwanganako. Ikiye apwile “umwe apwile, keshiko; kaha oloze kwali, kaha keshiko; oloze kwali, kaha keshiko.” Chuma muka echi? Vakakuswana popu, ngolo, chisuma kuyula. Muze mukiko kulifukula chakulyonga chamu Loma vachalumwine kupwa mukulwane wa Loma. Vakakulifukula vakulyonga vamu Loma wayalumwine, kaha jino nakwiza nakupwa ufwishi wa popu, uze, vakiko vapwile na popu muchihela cha mwangana na popu mwangana wakushipilitu. Ou ukiko mulonga ikiye atwama na muchama, mwangana wakushipilitu, kulivuluka kupwa wakushisa muli Yesu Kulishitu. Yenu oho. Jino tachikizenu.

70 Kaha etu natuya na kunea kunangula cha Katolika hatoma to kaha nakumilweka enu omwo yalivungila muze mu mauka a Vakakulikanga, talenu, omwo ikiye alilika muze vene muliuka lya Vakakulikanga, wamuvulumo. Chakulimbalaka, mukiko vene, na Mbimbiliya, chakulimbalaka vene. Jino, “Uze chisuma apwileke, uze aliko.” Jino anuka, “Vosena navakaya nakuvahungumwisa, vaze vatwama hamavu, vaze vakwechi majina avo vazeneka kusoneka kufumisa kukwala chihela chaha kaye.” Echa tutalenu.

Kaha uze chisuma uze apwileko, kaha keshiko, (vasi 11) oloze ali wa numbala eyite, kaha...wa vaze numbala seveni, kaha mwakaya nakwingila

mukunonga. (Ikiye mwakaya nakunakwalilaho palanga nomu ikiye mwakaya nakulyata muwina wakuzeneka kukuma kusonga yajila.)

kaha jize jimbinga likumi jize ove wamonanga jinapu vamyangana likumi, . . .

Jino tala hano. Kachi ove unatondo kumona chuma chimwe kusoloka, tala echi.

. . . vali vamyangana likumi, vaze kanda kutambula mawangana; oloze vanatambula ngolo jakupwa vamyangana mu ola yimwe na chisuma.

⁷¹ Vakiko kanda vavavwike michama ya kupwa vamyangana; vakiko valikaha vakakuyula hajingolo. Talenu, vakiko kanda vavavwike muchama wakupwa mwangana, oloze vakiko vanatambula ngolo kupwa vamyangana, mu ola yimwe, mukuyula hamwe na chisuma. Echi chili kaha mulwola muvwimbimbi hano vene kuze kwatwama vakakuyula na ngolo vali nakukatuka helu. Talenu? “Kutambula ngolo kupwa mwangana, ola yimwe na chisuma.” Jino, chosena chakwoloka.

Ava vali nakujina chimwe, kaha navakahana ngolo nakuzama chavo kuli uze chisuma.

Ava navakazunga na mwana Mukoko, kaha uze mwana Mukoko mwakaya nakuvahasa: (Upahu!) mwomwoika ikiye ali Mwata wa vamyata, kaha Mwangana wa vamyangana: kaha vaze vali naikiye vavavuluka kupwa, va kusakula, kaha vakushishika.

⁷² Ngunakwivwa kachi Ngunangule kutangisa hano vene hali echi, “Vaze vakusakula, shimbu kanda kwala chihela chamavu, na kutwama vakushishika mukusanyika chavo.” Haleluya! Mukiko vene. “Vakiko vavavuluka kupwa, va kusakula, kaha va kushishika.” *Kaha* chili jino hakuliwanyina, talenu, “Vaze va kusakula, kaha va kushishika.” Vakiko navakaya nakumufungulula ikiye. Numbathuhu navakapwa vavanene ngachilihi.

⁷³ Kaha echi chinapu kuzachila hamwe, kuzachila hamwe nachiya nakutahaka hamwe lelo, kanda kulizakamina ko hali echi. Echi chili nakuzata vene kanawa mumavoko a Kalunga. Ngunahase kwinjikiza echi na Mbimbiliya. Ikiye ali nakuya nakumulingisa ikiye kuyanda hali vaze vosena vajihile. Eyo, mwane. Enu talenu ava vamyangana vosena navakazachila hamwe, kaha navakamujinda ikiye. Kaha lifuchi lyosena, kaye kosena, navakalifungulula na kuzachila hamwe. Mwomwoika, echi chatela kupwa kutambuka cha Kalunga, mangana kuchishinjika echi. Enu ngwenu, “Vandamina munyutu kaha, Ndumbu walunga Branham. Kuzachila hamwe, kutambuka cha Kalunga?” Mukikovene, punduvene, chinapu kutambuka cha Kalunga. Eyi Mbimbiliya yahanjika ngocho. Oloze echi chimene mukuvuluka kusopesa hali wakuzeneka kumukomoka kalunga

na vathu vasonyi kupwa vana vakuzeneka masevo. Chuma muka chasale mukaye? Etu tuli naka? Hano likumbi likwavo. . .

⁷⁴ Nanguya na kwimana hamutwe wachihande mumunutu kaha, kachi echi nachipwa chachashi. Ngwapwanga na kutanga chihanda cha Chisoneka nge omwo mwana wakuzeneka masevo kaveshi kuya nakwingila muchikungulwilo cha Mwata kuvanga namuhita visemunuino fwoteni. Vangahi vanatachikiza echi? Chosena chakwoloka, Lushimbi lwamuchivali 23; mwana wakuzenaka ise. Kachi nge pwevo vanamukwate muwande, uze ali kusali ya kuinga cha muthu, kaha muthu mwafungulula uze pwevo, nge lunga mwaya nakutonda kumumbata. Kaha chipwe ngachilihi kachi ikiye mweza nakupwa lihule, ikiye atela kuyoya na ikiye palanga ikiye nafu. Kaha kachi ou pwevo mwamusomboka ikiye, kuvuluka ikiye kupwa sanda, kaha ikiye keshi ko, kahajino ikiye vatela kumujiha. Kaha kachi ou lunga na pwevo vaze vanalimbate, kaha vakiko kuneha mwana wakuzeneka masevo, lize, chikungulwilo cha Mwata ikiye keshi kuhasa kwingila, kuhambakana visemunuino fwoteni. Kaha myaka fwoteni yinapu chisemunuino. Echi nachipwa myaka fwo handulendi numba eyi shili yifume mu Isalele.

⁷⁵ Kalunga ajinda shili! Ove muya ngachilihi nakuhita hali Manyinga Ajila a Mwata Yesu, mwomwo enu mwapandama ku chikungulwilo chimwe, kushinganyeka kwingila? Ove nauya hachihela cha Kalunga mokomoko enu kamweshi nakwizako. Chakwoloka. Mukakuzata muliuka, mukakunangula, mwosena etu omwo etu twapwa, kacheshi nachuma chimweko. Enu twayenu ku ngonde ya Kalunga.

⁷⁶ Visemunuino fwoteni. Ou muthu vene hano jino ou apwanga nakuhanjika nayami. Ngwenyi, “Natwijiva ngachilihi hiya navaya nakulwila jino?”

⁷⁷ Ngwambile ngwami, “Muze mukiko enu mwatela kupwa va Calvinist vamwaza.” Lijina lyove valihakile mu Mukanda shimbu kanda kwala chihela chahamavu. Kalunga eji kumbata kaze kaselwoke ka manyinga. Chize chili kuli Ikiye. Talenu?

“Oloze chuma muka echi. . .”

⁷⁸ Ivwililenu. Enu vakweze ja vathu, lelo, Ngunahono kutachikiza nge enu namwiza kuliuka, mokomoko okwo enu namufuma, enu vakweze jamalunga na mapwevo. Enu munatachikiza, vyuma enu namulinga, kachi nge kuli chisemunuino chikwavo, vana venu navakaya nakuvasopesa hali echi enu mulinakulinga? Kamweshi nakalemesa hali uselesele wanganako? Enu vanyike vamapwevo muli hano kuvwala etu tujiputula twatundende na vyuma vyakujinguluka, enu munatachikiza, echi chinakusoloka hali mwanove wapwevo. Enu munatachikiza kaka yove apwile na—na tundeleji twatwihi, kaha mama yove apwile kanyike wapwevo wakwimba, kaha ou ukiko mulonga ove unapu wakuvwala mwausunda lelo?

Punduvene. Vana vove navakapwa ngachilihi? Eyo, mwane. Kalunga ngwenyi Ikiye mwaya nakutambukila upapwoki wa visemi hali vana, ku visemunuino vitatu chipwe viwana.

⁷⁹ Kaha enu munatachikiza, ndumbwami valunga, lwola lwosena enu lingenu echi chakwoloka, chize nachiya nakutambukila hali vana venu?

⁸⁰ Tala hano, echa tumbatenu Hepelewu, kapetulu 7. Eyi Mbimbiliya ngwayo, omwo—omwo Meuchizandeki kuliwana na Apalahama ha kukinduluka kufuma kukukujija mwangana, kaha amukiswile ikiye, kaha Echi ngwavo, jino, “Levi. . .” Ikiye ahanjikile ha kufweta chamulikumi. Ngwenyi, “Levi apwile na chiyulo kufuma kuli Mwata kutambula chamulikumi kufuma kuli vandumbwenyi. Kaha Levi uze atambwile vyamulikumi, afwetele vyamulikumi, mwomwo ikiye apwilenga mumitanda ya Apalahama omwo ikiye aliwanyine na Meuchizandeki.” Kaha Apalahama apwile na kaka ya kaka ya ise. Apalahama asemene Yisaka, Yisaka asemene Yakova, Yakova asemene Levi; Levi, ise, kaka, kaka ya kaka ya ise. “Kaha shimbu Levi apwile mumitanda ya Apalahama,” eyi Mbimbiliya ngwayo, “ikiye afwetele vyamulikumi kuli Meuchizandeki.” Haleluya!

⁸¹ Kanda kwecha kalamuthu kumilweka enu nge kala kutambuka muno mukaye chinahase kwimanyina jita ya Kalunga yayinene. Ikiye ali nakutambuka nakutwalilaho! Echi chapwile pungu yakunyima ya kumaputukilo. Kakweshi liyavolo mokomoko valiyavolo vakutamo vanahase kwimanyina kwala Chenyiko.

⁸² Jino, eyi Mbimbiliya kayahanjikile “ahanyine lyehi” ikiye afwetele lyehi. Eyi Mbimbiliya ngwayo, “Ikiye afwetele vyamulikumi,” omwo ikiye apwile ikiye muli kaka ya kaka ya ise mumitanda. Upahu! Ou ikiye Mwata. Mamalelo, Ikiye atachikijile echi, chipwethuhu shimbu kanda kaye vakatunge. Ikiye atachikijile vyuma vyosena. Kaha muli Apalahama, ikiye afwetele vyamulikumi.

⁸³ Kaha ndumbu wapwevo, ndumbu walunga, enu namuchina ngachilihi kuno, kaha vathu veji kuyoyanga na kulinga ujila na pwevo javakwavo, kaha mapwevo kupuzula jizuvo jawo, kaha nakuyoya nge omu muli nakuyoya, enu munashinganyeka chisemunuino chikwavo nachiya nakupwa ngachilihi? Haha hakiko hali echi. Echi chineza nakupwa jino chuma chamokomoko oloze mukuta wa vana vakuzeneka masevo, vakusemuka muchimbalanganyi, mukuta wakupola. Kaha kuli kaha chuma chimwe chasalileko hali echi, kaha lize linapu likumbi lya mbomu eli etu tuli nakuyoyela. Chize chakwoloka vene. Etu tuli kumakumishilo.

⁸⁴ Kutwama chino chimene, kuyima chikuma kujipili ku Kentucky, kanyike walunga wamundende, enu kamwahashile kwingila muliikiye, kufuma hakupanga chindanda cha masa.

pamo vene vakiko vahonnenne kutachikiza kwoloka kuchilyo numba kuchimoswe. Omwo ikiye evwile...Ngwachihakile ha chipamba hamavu. Ngunahono kutachikiza okwo Ngwapwilenga. Ngwapwile kaha mukachi kamihanga. Kaha Ngwapwile nakuya kuze nakukwata mihale. Kaha omwo Ngwatwamine kuze, Ngwahanjikile kuli ikiye. Kaha ou kanyike walunga ngwenyi ikiye alinakuya muuswalale. Kaha kwiza nakuwana, etu twejile nakuhanjika hali Mwata, kaha ikiye ngwenyi, "Mukakunangula, ove kawafwelela echi kupwa nge etu tuli kumakumishilo ko?" Kunyima chikuma kuze kupili.

⁸⁵ Ngwambile ngwami, "Puduvene, etu tuliko. Punduvene, mwana walunga, etu tuli kumakumishilo."

⁸⁶ Yetu vano hano. Elu lunapu lwola etu tulinakuyoyela, ndumbu walunga. Etu tuli muchihela. Munahase kumona omwo visemi vmapwevo kunyima kuze, na visemi vwalunga, omwo vakiko vayoyelenga, na kaka walunga na kaka wapwevo? Kamweshi nakumona omwo tata na mama omwo vali nakuyoya? Shikangaho etu tuli mukupola lelo. Shikangaho, enu mwahonene kunangula echi hatoma to; vakiko valinakuvwala jiputula chochimwe, kaha nakukufwijila kumeso ove. Vakiko navaya nakunwa makanya na kufutumwina wishi kumeso ove, nakuhanjika ngwavo, "Tala jove." Mwomwoika? Mwomwo uze unapu muyachi mukiko vanafumu. Nanguya kuli echi, mwakusungama, *Eyi Mbuto Ya Linoka*. Chamwaza natuya nakuwana aha ikiye nengilila, talenu mwomwoika vakiko vali nakulinga ngana. Vakiko vali vana valiyavolo kufumisa kukwala chihela cha kaye. Chize chakwoloka. Kaha etu tuvamokomoko, vakuseza, shikaho kusopesa kaha chikiko kaha chinasaleko. Katweshi nachuma ko shina kusopesa. Kalunga mwaya kaha nakufumisa vyosena. Kaha muthu nachilingi lyehi lyavene. Kalunga kajinyine mujila kanako, oloze Ikiye atachikijile nachiya nakupwa mujila kana. Ou ukiko mulonga Ikiye ahanjikile omu nachiya nakupwa, "Kuhungumwisa vosena valinakuyoyela hamavu, kuvangila vaze vakwechi majina avo vawahaka mu Mukanda wa mwana Mukoko wa Kuyoya shimbu kanda kwala chihela chamavu."

⁸⁷ Echa tutalenu echi. Kutanga nakutwalilaho jino. Jino, jino Ngwafwelela etu tuli ha 12.

Kaha jimbinga likumi jize wamonanga jinapu va myangana likumi, vakiko kanda vatambule mawanganavo; oloze navakatambula ngolo jakupwa vamyangana na chisuma hamwe ha ola yimwe kaha.

Vakiko navakaya nakupwa nakujina chimwe kaha, kaha ngolo javo nawangana wavo navakavihana kuli chisuma.

Kaha navakalwajita na mwana Mukoko, kaha mwana Mukoko mwakavahasa: mwomwo ikiye Mwata

wava myata, kaha Mwangana wava myangana: Kaha vaze nawa ali navo hamwe navakavahasa nava—kavasanyika, kupwa vakusakula, vakushishika.

Kaha ikiye angwambile ngwenyi, Vize vimeya wamonanga, hatwama uze pwevo muka ujila, vikiko vathu veka na veka, . . . na mayongomena, . . . na vakamafuchi, navakamalimi eka naeka.

. . . kaha jize jimbinga likumi wamonanga hali uze chisuma, vakiko navakamuhunga uze pwevo mukaujila, . . .

⁸⁸ Tala echi jino, jize “jimbinga likumi,” ali mawangna likumi. Talenu, vyuma vyosena vili nakusoloka, evi ava vakakuzachisa ngolo vali. Tala mujila ava vakakuzachisa ngolo vanakundaminaho. Okwo vali nakukundamina? Kaha—kaha ngulweke mukakuzachisa ngolo umwe uze nahono kukundamina communism. Talenu? Kaha vakiko navakaya (ika?) kumuhunga “uze mukaujila,” uze pwevo, lize liuka. Oloze ika? Tala ika mwaya nakulinga.

. . . vakiko navakamuhunga uze mukaujila, kaha navakamutwamisa mwahwilichi kaha navakamulingisa kupwa uselesele, nyama nyenyi navakayilya, kaha ivene navakamulumba hakakahya.

⁸⁹ Vakiko nakaya na kuhanjika chuma kana ha kahayekosena, kupwa vene nge omu ngunemana hano. Etu nge twapwanga nalwola lwa kumbata mutwe wachihande walize liuka, na kuuhiha kuhichila mu Chisoneka, Nge muze Cha hanjika, tanga, “Va myangana vosena vahamavu, kaha vosena va vakakutwaminyina jimbopolo, kaha vosena, navakalila, mwomwo Mbambilone yayinene yinaliwane lyehi nakupwa na mwahwilichi mu ola yimwe.” Ola imwe, lwola lwenyi luneza! Kaha, mamalelo, omwo Echi chahanjika, “Wahilila, enu vakakujila, nyanu vosena tupolofweto vakujila, mwomwo Kalunga nashishisa manyinga ava kakujila na ava ndumbwenu hali ikiye.” Talenu, echi chakwoloka. Punduvne, kuzachila hamwe kuzata hano vene mumavoko a Kalunga. Chochimwe nge Mwangana Nevukataneza azachile mumavoko, nakwiza nakumbata va Yuleya, omwo vakiko vatambukile nakuya! . . . ? . . .

⁹⁰ Kaha shili kayatwalileho kupolesa, mbutu ya kwolokako yatwalileho nge nayitwalilaho kaha mbutu nayipola, kaha kupolesa na kupolesa palanga nomu hakushimbula nayikuma. Echi nachiya kuchihela, mwomwo visemi javo vmapwevo na vamaunga na vyangocho vayoyelenga ngocho shimbu kanda etu, kaha namuli ize jila, palanga nomu chumachimwe chinasaleko kuli etu. Kaha enu munatachikiza vyuma Yesu ahanjikile? Kachi Ikiye kavatwile mulimo washiko, keshi kakweshi numba umwe wanyama kumulwilako.

⁹¹ Munamono echi? Munahase enu kumona mwomwoika etu tukwechi evi (Yami kangweshi nakuhanjika nge kulisasa.) Arthur Godfrey, na kalamuthu, munatachikiza, talenu, ngwenyi Elvis Presley, kaha—kaha jindungi kushikumuka, jiovoloshi, na jikambu kusuwa mbwe na mujishingo javo, kaha vyosena evi, mujila veji kulinganga vanyike? Chuma muka Echi? Chuma muka echi? [Ndumbu walunga Branham kungongomweza hakamenga kapapa ka leveni—Muka.] Mwomwo echi chilinakwiza nakufuma mulizavu lya vase vayoyele lyehi, vathu vakuhona masevo. Kakweshi chuma chinasaleko! Mamalelo, vakiko navaya na kwimana na kwimba, “Hakamwihi, Kalunga kami, kuli Ove,” nge Pea-picker Ernie na vosena vangocho, kwimba mwaso umwe, kaha vyangocho nge ngocho. Ndumbu walunga, munatachikiza tahi? Chize, chize chapwile vene kulyonga. Eyo, mwane.

⁹² Muthu keshi namulimo muli aka kamenga uze ali nakulovoka nakuya nakulinga rock-and-roll na boogie-woogie na vyosena vyangocho. Ikiye keshi namulimo numba umwe kuno ko. Chino chinapu cha tupilishitu, vakusanyika kuli Kalunga. Kalunga asanyika vakakuzata vakiko vatela kupwa kuno. Kaha vakiko kavapwa vakuno mangana valingenganga vyangachizeko. Echi chikiko ukalu uli nacho lelo, vakiko vanatungu liuka kupwa nge muzuvo mwakuhwimina kaha. Zuvo yakuhwimina kaha chosena chakwoloka, enu kachi mwatondo kulinga ngachize, echi chili kuli enu. Oloze echa ngumilweke, kuli chihandwa chachivulu hakweseka... mukachi ka zuvo yakuhwimina na liuka. Eyo, mwane. Munatondo vyuma kana muzuvo yakuhwimina, kaha nakupwa na viwanyino kala na vyangocho, echi echili kuli. Oloze, ndumbu walunga, liuka vatela kuli komba kufumisa kukamenga kutwala na kusongo yacho. Chize chakwoloka. Kangweshi nakulumbununa nge kukomba na jijanene jajihya na vyangocho ko. Ngwalumbununa kupwa na solweso yamwaka, kuhizumuka chakutuma kuli Kalunga chize nachimwanga vyuma kana kufumisa kusali yimwe nakutwala kusali yikwavo. Eyo, mwane. Nge kumwinyika linongo, linongo lya kahya kakezi mukachi kava peji vali hakachi kachihungu cha apo. Eyo, mwane, vakiko navaya nakulimwanga omwo linongo nalimwinyika.

⁹³ Jino tala, “Vakiko vali nakujina chimwe, nakuhana ngolo javo.” Yami nguli mwishi ya echi jino. “Jize jimbinga likumi.” Eyo, jino.

Mwomwo Kalunga nahake mukachi kamichima yavo nakuzalisa pungu yenyi, (ove unonyi), na kwitavila, na kuhana mawangana kuli uze chisuma, palanga nomu nawakatesamo mu mazu a Kalunga.

Jino, kaha uze pwevo uze wamonanga ikiye nganda yayinene, ize yili nawangana hali wavamyangana vahamavu.

⁹⁴ Jino, kakweshi numba kutondeka kushijika, etu tunatachikiza nge echi chinapu kulema cha Katolika. Kakweshi numba kalamuthu... Ngwa—echi mbe nge omu Ngwafwelela nge omu Ngwatambula ou Shipilitu Wajila. Ngwafwelela echi mwomumwe nge omu Ngwafwelela Yami kwimana nge Mukakulishitu, nge nge kulema cha Katolika chili—chili... Eyi Mbongi ya Vatican yinapu—yinapu mbongi yatwama hajipili jitanu najivali. Echi kulema cha liuka chinapu chisuma uze apwile, uze keshiko. Ikiye Mbavilone. Echi chinapu chifwanyisa vene, chili chakukupuka mwosena kutesekesa na Visoneka. Eli linapu liuka lya Katolika.

⁹⁵ Jino, jino hano hakiko hali chuma chakukomoka. Ove ngwove, “Chamwaza, ove kaweshi nakunguveta yamiko, Ndumbu walunga Branham.” Oloze echa ngukuhule ove chuma chimwe. Echa tuyenu kunyima jino ku vasi ya 5.

*Kuluholo lwenyi kwapwile... lijina lyakusoneka,
MANGANA AKUSWEKA, MBAVILONE WAMUNENE,
UZE NEVO YAVAKA UNGYNGWE... YAVAKAUJILA
NAVYUMA UNYENGWE VYAHAMAVU.*

⁹⁶ Ikiye apwile hiya? M-u-k-a-u-j-i-l-a. Kaha ikiye apwile n-e-v-o. Ika? N-e-v-o. Ikiye asemene chumachimwe. Chisemi cha vana vamaunga? Navakiko mahule! Nyi lihule chuma muka? Chuma chochimwe nge nge—nge mukaujila, pwevo waunyengwe. Chuma muka chinamulingisa kupwa mukaunyengwe? Kunangula chenye. Ikiye apwile nakulyonga kupwa liuka lya Mukakulishitu, oloze apwile nakuhana jishimbi jauthu. Kaha hano ikiye ngwenyi ikiya ali... Kachi ikiye apwile nachikungulwilo chatete, kahajino kusoloka nge kuli vikungulwilo vimwe vyalovokele kufuma muli ikiye. Ikiye apwile nevo ya mahule. Echi chakwoloka? Nevo ya mahule. Katela kupwa nevoko numba lelo, wa vanyike vamaunga. Katelele kupwa nevoko wa... Atela kupwa nevo ya mapwevo. Kaha, kachi vakiko vapwile mapwevo, vakiko vapwile mauka. Jino echa tuwane jino. Chuma muka nachilovoka muli evi...

⁹⁷ Chikungulwilo chatete chapwile chika? liuka lya Katolika. Chikungulwilo chamuchivali chapwile chika? Luther. Chikungulwilo chamutatu chapwile chika? Zwingli. Chinashishiho nakushikumuka chinapu chika? Calvin. Kaha kwejile va Anglican, kaha va Anglican nakwiza wa Mesondisiti. Va Mesondisiti, kaha va Mesondisiti vaseseme ika? Kufuma muli vakiko mwejile Alexander Campbell. Muli Alexander Campbell mwalovokele John Smith. Mwalovokele... kufuma muli Alexander Campbell namwiza liuka lya Vakakulishitu; kahajino, vakiko vapwile vapwile na fwo mokomoko faifi, church of Christ nawaze eka nawa amandende alovokelemo. Kahajino hano kwejile liuka lya Mbaputishiti, lyapwile na eka amavulu afuminemo. Kaha kulovoka kufuma muliuka lya Mesondisiti... mwalovokele liuka lya Mesondisiti, mweji,

watete yapwile Mesondisiti ya Wesley, kaha jinonyi vakiko mwalovokele kapapa kawana mokomoko katanu. Kahajino vejile kumuyachi ukwavo wa Mesondisiti, kaha jino vakiko vejile nakulovoka chaka, kahajino vakiko vejile nakuheta ku Mesondisiti ya Kukasunuka. Kaha—kahajino vakiko vejile nakulovoka kufuma mu Nazaleni. Kaha kufuma mu Nazaleni kuya nakupwa va Pilgrim Holiness, kaha Pilgrim Holiness nakutwalilaho. Kupwa kaha na tato yayindende kulovoka nakuya, chatwalileho kuya nakushikumuka, hali vamwe vavandende—vakakuputuka vavandende kwiza nakutwalilaho. Kaha vosena vakiko valingile ika? Kaha chize makumishilo chalivungile nakwiza nakupwa mu Pendekosita.

⁹⁸ Kaha nyi va Pendekosita valingile ika? Chuma chochimwe nevo alingile, vakiko vanyile nakukinduluka na kulikungulula. Kaha ika lyejile nakupwa? Kupwa—kupwa chikungulwilo. Kutambuka nakupwa muchimwe, chuma chatete, “Kunangula chove chika?” Kanyike walunga, vakiko kusakula na chisakulo chachivovwu, talenu, kuwana ove wapwa ika, ove wafwelela ika. Kaha kachi ove kaweshi kulivwasana navakiko, ndumbu walunga, ove uli wakuhanga haze vene. Kaha chize chakwoloka.

⁹⁹ Kaha kanda kushinganyeka kaha mwomwo ove ngwove ove uli Kapendekosita nge uli wakukingiwa. Ndumbu walunga, nakuya nakupwa kaha vavavulu va Pendekosita vanafumu mujila nge vali mujila, Yami nwakunyuka. Talenu?

¹⁰⁰ Jino, vikungulwilo vyosena, kachi vakiko vana seze kukisula cha Pendekosita nakuya kaha, nakuhona kulikungulula kaha, lama kaha echi muundumbu na kwecha Shipilitu Wajila azate mulimo wakuhandununa. Ou Shipilitu Wajila eji kuhandununa. Ananias na Sapphira vejile likumbi limwe, ngwavo *munganji na mukananga*; kaha ou Shipilitu Wajila ngwenyi, “Mwomwoika ove walyonganga?”

¹⁰¹ Oloze etu ngwetu, “Jino, uze ali Ndumbu walunga Jones, kanda kuhanjika chuma chachipikiko hali ikiyeko jino, ikiye ali mukakulomba wamwaza etu tulinenyi muliuka. Ngunatachikiza ikiye akwechi Shipilitu Wajila; Ngwamwivwile ikiye kuhanjika mumalimi, kaha Ngwamwene ikiye kutambuka mu Shipilitu.” Echi kacheshi nachumako chili nge chochimwe na kumwanga makunde halilambu lya umu lya ngombe. Talenu? Keshi nachuma chakulinga nachechi. Kalunga ikiye mukakuhanjika. Ikiye akwechi kuhanjika nge ikiye kwali mokomoko keshi ko. Mukiko vene. Oloze etu twambate echi kupwa ku chikungulwilo. “Chamwaza, etu natuya nakumushinjika nakumulovola—kulovoka kufuma Assemblies, na Oneness kumumbta ikiye. Vaze va Oneness vambachile ikiye chindende, kaha jino vakiko vamulwelemo. Mwomwo, vakiko vamumbachile nakumutwala kuze, kaha chize Yesu Kaha chamumbachile. Yesu Kaha chamuhakile kumwe shimbu yayindende kaha jino chuma chikwavo chamumbachile nakumutwala muliuka lya Kalunga,

lya mumbachile ikiye. Liuka lya Kalunga lya Upolofweto lyamumbachile ikiye, kaha Tomlinson chamumbachile ikiye.” Mamalelo, yami! Ndumbu walunga, kachi etu katwa lovokeleko! Chize chinapu Chipendekosita, kuhizumuka chamakumishilo. Kaha jino vakiko vapwile na Blue Flame, kaha vakiko vapwile na vakakulifukula vakwechi maji, na—na manyinga kumeso. Kaha, mamalelo, keke, Ngunahono kutachikiza okwo vakiko vanayi jino.

¹⁰² Chuma chimwe kaha, chikiko chuma chosena chineza nakupwa chakuhona. Munatachikiza omwo yahanjika Mbimbiliya nge navakayihengesa? Munatachikiza nge—nge Mbimbiliya yahanjika hali lino likumbi, nakuya nakupwa, numba jimesa ja Mwata najinakupwa jakuzala navizazo? Kaha ngwenyi, “Hiya Nanguya nakunangula? Hiya Nangulisa kungwivwushisa Yami? Mwomwo mwalinga lushimbi ha lushimbi, halushimbi, lungoji lwakwesekela ha lungoji lwakwesekela.” Hiya mwaya Ikiye nakulongesa kunangula? Vaze kaha vana sumuna kufuma kumavele, amanevo. Talenu?

¹⁰³ Jino, kakweshi—kakweshi numba pwevo wakulilenga muno mumbaka oloze nahase kuneha kanyike wapwevo sanda. Ikiye omwo mwasemuka, jino, kaha nahase kupwa kanawa. Oloze kachi ove muhona kotalisa kanawa, hali naye naikiye napu wachisemwa chochimwe, uze kanyike kapwevo, pamo hali va ten pamo va naine, navaya nakulinga mwomumwe vene nge omwo eji kulinga nevo. Jino, munatachikiza echi chakwoloka. Kashinakaji wapwevo uze ali nakuyula zuvo ya puho yayipi, nahase kukulisa kanyike wapwevo. Ikiye nahase kupwa namyaka sikisiteni ya kusemuka, nahase kupwa utoma na kupwa wakalemesa nge likanda, oloze, kachi ikiye mwasala mulize jila. Oloze, chuma chivene chili, ikiye mwaya cheka kunyima na kulinga nge naye.

¹⁰⁴ Jino, liuka Katolika lyapwile lyatete kupwa lihule lize lyejile na vinangwilwilo vize vyakulitungila vavene, kufwelela chauthu, chize, Mbimbiliya ngwayo, “Ikiye mwakafuma mukachi ka wina wakuzeneka kukuma kaha mwakakinduluka cheka mukununga.” Eyi Mbimbiliya yahanjika ngocho. Jino, kachi vakiko navanangula echi, echi chili chakuhenga. Chili cha kuhenga, kutesekesa Lizu lya Kalunga. Kaha jino hano kwejile liuka lya Mesondisiti, uze asemukile kufuma muli ikiye, kanyike wapwevo wakalemesa wamwaza, oloze ikiye alingile ika? Ikiye alumukile kunyima nakujinguluka na kulinga chuma chochimwe chize naye alingilenga. Echa chikungulwilo chenye veji kuvwala jiputula. Echa vakiko veji kunwa makanya. Echa vakiko vatwalileho na kulinga nge omu vakiko vanahashila. Kakweshi chumachimwe chahanjika echiko. Kaha uze wamundende kafunga wakuhona kulilongesa kanawa kunyima kuze, kunyima ya kamenga, ali nawoma

nge ikiye mwaya nakuhona kupwa na fweto likumbi limwe, mokomoko chipapo cha jimbisiketi.

105 Echa yami ngumilweke, ndumbuwalunga, Chamwaza kuli yami kunangua Mujimbu wamwaza, kaha nakulya chindanda cha lizumbu na kunwa meya akufuma mumutango, kaha nakwambulula Muchano hali echi. Kachi vosena va muliuka lyami vakatukile nakulovoka, Nanguya nakulweka vakiko Muchano hali echi. Eyo, mukiko vene.

106 Ukalu ulihali? Mamalelo, chili kaha tiketi yakulilaho. “Chamwaza, munatachikiza, Ngwapwa ngukafunga wa liuka lyalinene lili muno muno mumbongi.” Enu va Mbaputishiti na Mesondisiti kwivwilila kuli kapolofweto wakwonga. Jino, chize chili chachikalu, oloze kalachuma chize cheji kunangula mwakulimbalaka na eyi Mbimbiliya chinapu kapolofweto wakwonga. Kangwalizakaminako numba nachipwa ngachilihi chakulambisa kanawa, chinapu upolofweto wakwonga. Echi chakwoloka.

107 “Mamalelo, vyuma vyosena chili chosena chakwoloka kachi ove ukwechi lijina lyove mumukanda.” Enu munahase kupwa nalijina lyove ha mikanda yayivulu. Kachi kaweshi kuhasa kupwa mu Mukanda wa Kuyoya, ove unajimbala! Ove kaweshi kuhasa kupwa wamwaza, ove unahase kupwa wakushishika na kupwa utoma na wakulilemesa nge omwo ove unahashila, kakweshi chuma chimwe chinahase kulinga chuma chimweko.

108 Yisaka apwile mukweze kapapa kavali kupwa nge omwo apwile Yakova, omwo chejile nakupwa muthu, apwile nakulama ise wakapuputa nakulinga vyuma vyosena. Kaha Yakova apwile mukweze nge wakuzeya kupwa kakwamwihi na mahina anaye, apwile kanyike walunga wakuzeya. Oloze Kalunga ngwenyi, “Ngwazanga Yakova na kuhunga Yisaka,” shimbu kanda kanyike numba umwe asemuke. Loma 8 ahanjika ngocho. Echi chili vene chakwoloka.

109 Kalunga atachikiza chize chatwama muli muthu. Kaha Ikiye atachikiza chika chatwama muliuka, nawa. Etu twayoyela ha Mbolo ya Kuyoya, Mbolo ya Lizu lya Kalunga. Jino, shikangaho etu twazenekela kupwa chikungulwilo.

110 Jino Ngwatondo kumihana chuma chikwavo chachindende. . . Ngwatondo kumihana enu mwakulumbununa chindende Ngwavisoneka hano. “Uze wamunene. . .” Jino mu Kusoloka, mu 19:2. Ngukwechi vyumavimwe vyakusoneka hano. Ngwatondo kutala na kumona chuma muka jino.

Mwomwo kuyula chenye chapwa chamuchano chakwoloka: *mwomwo namupaisa lyehi uze mukavijila wamunene, uze enyekelenga hamavu na ujila wenyi, kaha ikiye natende manyinga avandungo jenyi kulivoko lyenyi.* (Echi chikiko makumishilo a liuka lya Katolika.)

¹¹¹ Jino, etu nawa twatondo enu kutachiza, nayenu nawa, echi chikiko chikungulwilo—echi chikiko chikungulwilo namuchiwana na Muvisoneka hano, nge. . . Kaha eyi Mbimbiliya kanda lyehi eyi hanjike ha chikungulwilo. Echi chikungulwilo chafumine muliuka lya Katolika. Ikiye naye watete wa chikungulwilo, kaha chikungulwilo hi chikungulwilo chineza nakushikumuka hamavu. Jino, echi nachiya nakupwa nge limboto lyalindende. Echi nachiya nakumbotola lika lwola lwosena, talenu. Oloze Ngwa—Ngwatondo enu kumona evi vikungulwilo kavyasemukile mokomoko kutongola cha Kalunga ko. Echi chapwile chakutongola kuli liyavolo.

¹¹² Liuka lya Kalunga lili. . . Etu kavatuhandunwine ko, etu tuli mujimba umwe; litalililo na kunangula chimwe, zangi yimwe. Eli likiko Liuka lya Kalunga wakuyoya. Chipwe chipwenga ngachilihi omwo vakiko vapwa, vyuma kana, etu tuli hamwe! Echi chakwoloka. Chipwe ikiye apwenga ndumbu walunga wa ka Mesondisiti mokomoko ka Mbaputishiti, kachi ikiye asemuka cheka kaha nazale na Shipilitu Wajila, ikiye ali ndumbwami walunga. Etu tuli nakutambuka lihye na lihye. Chakwoloka. Eyo, mwane. Kacheshi nakala chihandwako.

¹¹³ Mose. Lwola lumwe Ngwatalile nakujinguluka na kuhanjika, “Munatachikiza lize lizavu lya va Pendekosita vakuzaluka, Ndumbu walunga Branham, mwomwoika ove muya nalize lizavu lyangana?” Munatachikiza tahi? Mose atalile hali vana va Isalele. Ikiye atalile kuhichile mujanena yoyimwe ize Fwalo naikiye nawa atalilenga. Fwalo atalile hali vakiko nge lizavu lya vakakukwata nambo, oloze Mose atalile hali vakiko nge vakusakula kuli Kalunga. Ikiye atachikijile nge vakiko vapwile na lushiko. Mwomwoika? Ikiye atachikijile kuhichila mu Lizu. Kaha ha lufwelelo. . . Nalihinji lyenyi ha litanda, kupwa Fwalo, na kaye kosena kumahinji eyi, natwame haze na kuhingununa vinyo mukanwa kenyi, na pwevo wamwaza wakumulingila kafukufuku, kupwa nge mwangana, mokomoko mukakuzachisa ngolo mukuyula, mokomoko mwangana wakaye, mukweze Mose, na myaka yakusemuka fwote, apwile mulivoko lyenyi. Ikiye atalile hali lize lizavu kupwa likakukwata ndambo, oloze ikiye atachikijile nge ikiye apwile umwe wavo. Haleluya! Mukiko vene. Ikiye atachikijile ikiye apwile umwe wavo. Kaha ha lufwelelo, ukawenyi, ikiye asakwile!

¹¹⁴ Muthu wosena atela kupwa na kusakula. Enu mwatela kusakula. Ove nauya nakupwa na kusakula jino. Enu nauya na kusakula na chimene. Enu namuya nakusakula nahamene naufuku, kachi ove nauyoya. Enu mwatela kupwa nakusakula lwolalumwe. Ndumbu walunga, lwola lumwe kunyima chikuma Ngwasakwile. Eyi Mbimbiliya yapwile chikukulwishi chami. Eyi Mbimbiliya yapwile Mukanda wami wa Kuyoya. Eyi Mbimbiliya yapwile Lizu lya Kalunga. Eyi Mbimbiliya ikiko Ngwayoyela yami. Eyi Mbimbiliya hakiko Ngwemanyina.

115 Shikaho, Mose atalile hali vana va Isalele. Kaha ikiye kahanjikile kaha ngwenyi, “Mamalelo, vakiko vali vathu vamwaza. Kangweshi nachumako navakikoko. Mamalelo, nduma, Kangweshi kuhanjikaho lizu limweko hali vakiko ko.” Omu mukiko vathu vamwe lelo veji kulinganga. “Mamalelo, vaze va Pendekosita na vaze vathu vali na Shipilitu Wajila, kaha navaze vathu vaze vafwelela mu kuka cha Ukalunga, mamalelo, Kangweshi—Kangweshi—Kangweshi na chuma navakiko ko.” Oloze uze kapwile Mose ko. Ikiye akanyine Ejipitu na kwiza nakupwa umwe wavo. Ikiye ayile nakupwa mukachi kava ndumbwenyi. Ikiye apwile umwe wa vakiko.

116 Ndumbu walunga, omu mukiko Nangumbata jila yami. Nanguya nakumbata jila yimwe na vaze vakutoleka vavandende va Mwata, kachi numba vapwenga vavandende, kala mwosena. Vakiko vakwechi lushiko, kaha Ngwamono majina avo mu Mukanda wa mwana Mukoko wa Kuyoya. Vakiko vanapu vandumbwami. Echi chakwoloka. Mbata kusakula chove na kwimana navakiko. Kwoloka mokomoko kuhenga, kwimana kuze mwosena omwo. Kachi vakiko vapwile vakuhenga, vakiko vakafweko mwakwoloka. Chakwoloka. Enu kamweshi kuvalingisa kupwa wamwaza mwekako pamo kuvaveta vipakela. Talenu, eseka kuvakoka nakuvalovola.

117 Charlie, nge omu vakiko vahanjikile hali Ndumbu walunga Allen, ha kakahya vakiko . . . na manyinga mumavoko. Ngwambile ngwami, “Kanda, kanda lyehi Ngukane A. A. Allen.” Ngwambile ngwami, “Kachi Nangunangula nge A. A. Allen, Kangweshi kuhasa kupwa na kutanga cha kuka.” Jino, omwo nachiza hakuzeneka kulitaviza ha manyinga kupwa katachikijilo cha Shipilitu Wajila, mumavoko enu, Ngunahono kulitaviza navize. Oloze omwo nachiza kuundumbu, ikiye ali ndumbwami walunga. Ngwemanyine lihye na lihye na ikiye mujita. Echi chakwoloka. Kachi ikiye apwile wakuhenga, Nanguya na kweseka nakumukafwa ikiye. Kaha kachi ikiye ali wakuhenga, kachi Nguli wakuhenga, Ngwatondo ikiye kungukafwa yami. Kaha eyi ikiko jila etu natuya—natuya lika. Jino talenu hano.

. . . ikiye apwile *MANGANA AKUSWEKA,*
MBAVILONE . . . UZE NAYE YA VAKAUJILA . . .

118 Jino enu mwamono omwo lili liuka lelo, masepa, enu munahase kumona omwo awa mauka lelo ali nakuyoya mukala jila vakiko vali nakuyoya? “Chosena chakwoloka mwakukupuka, yako lika kulutwe,” ngulu mwalya ngulu, kanda kuhaka muchima kukala chimweko. “Mwomwoika, kakweshi chuma chachipi mukulinga nganako. Mwomwoika, enu mwatela kupwa vakusoloka chamwaka.” Jino tala kunangula chavo. Jino Ngwatondo . . . Jino tala. Echi chinapu tato yavo. Enu mwamono, nge myaka yayindende kunyima, nge liuka lya Katolika lyapwile limwe lize lyetavijile kuya nakutala mivwimbimbi? Liuka

lya Mesondisiti kavahashile kushinganyeka chuma chimweko. Vikungulwilo vyosena, “Nduma! Chize chinapu kuzata cha liyavolo.” Ngunalikomokela omwo chasolokanga. Eyo, mwane.

¹¹⁹ Kaha munatachikiza, enu namuya nakumbata vakiko vanyike vamapwevo vamu Katolika, vakiko naveza nakulovoka na etu twatundende. . . (Jino, vamwe enu vakweze vamaunga vakukola nge Yami.) . . . kulovoka na kutalisa hali etu tuma twatundende kuze vakiko vali natukukunya helu. Uze mukweze, Ngwafwelela, ali muhetese, ufuku uno. Ngunahono kutachikiza. Keshi yami mukakumusopesako. Oloze omwo ikiye omwo alingile mwaso wamajilo watete nakulovoka muchisaji, chakuzeneka kutala kanawa, uze, “Roll ’em, girlies, roll ’em; roll ’em kushikumuka na nakusolola tukukunya twove twamwaza.” Vangahi vali nakwanuka chize omwo uze walovokele chatete, myaka yakunyima? Chize chikiko chatete chapihile haze vene. Chize chakwoloka. Kaha omwo vakiko vakwachile ou mukweze kufuma ku Texas, na kufumisamo mapwevo muze kaha nakuzachisa tumikotola twakwishi mangana vasoloke nge chuma cheka vahone kupwa, kaha nayuma vyangana, kaha nakuvecha valinge vya ngana. Kaha jino chize chalingile chuma muka? Chize chayile lika nakutwalilaho nakunyetuluka nakwingila. Ize yinapu shipilitu.

¹²⁰ Lunga umwe apwile nakuhanjika, likumbi likwavo. Ikiye ngwenyi, “Ngunahono kutachikiza omwo Nanguya nakulinga. Ngukwechi wamwaza, kanyike walunga wakushishika, kaha uze kanyike walunga ikiye eji kumbatanga ocho chili mulivoko lyenyi.”

Ngwambile ngwami, “Mwomwoika?”

“Ikiye ali nakulikata na mwiji.”

¹²¹ Enu nge namupwa hamwe na muthu umwe ali mwiji, ove nayove mupwa umwiji. Mama yami wakashinakaji wa ku Kentucky ahanjikilenga ngwenyi, “Ove uli nakusavala hamwe na kawa uze ali nava mbwangala, nayove muya navambwangala, nawa.” Enu mbatenu—enu mbatenu pwevo uze keshi wamwazako, kaha echa. . . kanyike wapwevo, kaha muhake ikiye na—na kanyike walunga wakalemesa, kaha chuma chatete munatachikiza ikiye ali wakulikanga nge mumbwe. Chalumune noku noku. Vakutachikijila kulizavu lyove. Lihandunene ove lyavene! “Lovokamo muli vakiko,” ngwayo eyi Mbimbiliya, “pwako ove wakuhandunuka!” Chize chakwoloka.

¹²² Kachi vikungulwilo vyavo naviya mukupola na kwecha vathu javo. . . Chamwaza, hano likumbi likwavo, muliuka lya Mbaputishiti, vakiko valimwangile. Kuvanga munangula kaha muminyutu twende, uze muthu, ’mwomwo uze kafunga atela kuya nakunwa makanya. Chize chikungulwilo chosena kulovoka. Vosena valovokele nakuya nakwimana muze

mwakunuina makanya, nakukindulika cheka, kafunga na vosena. Ngwayile kuliuka lya Vakavikungulwilo, kuze kwapile lunga umwe nemana, na chikuto chachinene navwale, nemana haze, ngwenyi, akundaminyine hakamenga nge *ngana*, kuhanjika hali jitemo jimwe jize awanyine hapili. Chize chikiko kaha yapwile, kaha akindulukile nakulovoka. Kaha minwe yenyi yapwile yangengu na makanya akunwa. Eyo. Kaha kuhanjika hali mapwevo, nge uze lunga ali nakuya nakuhema... Chize kuhema cha German veji kuhemesa ika, shikaho enu—enu mweji kuzata na jijuka, munatachikiza? Vapwile... Mamalelo, Ngwashingtonyeka Nanguya nakwanuka. Mulavalava wajijuka, vakiko vapwile nakuya na kupwa na mulavalava wajijuta. Ngwashingtonyeka echi chakwoloka. Yaah, kuze kukiko ove muya nakulinga. Kuhema chimwe halwola muya nakuhemesa jijuka. Mulavalava wajijuka, muwih! Mamayami, kuwaha kana! Haze hakiko hali chikuku. Shikangaho! Mwomwoika vakiko veji kulingilanga ngachize? Kaha jino kutambakana haliuka lya Katolika kulovoka kuvihela vya Kulipechela nakulitapa. Mwomwoika, enu Vakakulikanga kuli katolika vali vamajilo nge omwo vakiko vali, shikaho enu namuya nakuhanjika ika? Ndeho kayeshi kuvuluka ketulu ngwayo “majilo.” Punduvene keshiko. Enu kulinga ngachize, kahajino, “Chamwaza, Ngwapwa ka Pulishitelyani. Ngwapwa ka Mesondisiti.” Enu kamweshi chuma ko kuvanga palanga enu namusemuka cheka. Echi chakwoloka. Kaha omwo enu namulinga ngocho, munatachikiza, kuli chuma chimwe mukachi kayove chili nakukulweza vyuma kana nge uli wakuhenga, kaha ove nauya nakulovokamo pundu kanawa nge ove nauzundula kakukunya kove helu nge phato. Munatachikiza nge echi chinapu Muchano. Punduvene. Eyo, mwane. Chize kuhenga nachitwalilaho. Mwomwoika?

... UZE NEVO YA VAKAUJILA ...

¹²³ Likumbi limwe, uze kashinakaji kapwevo mwakaya nakuhanjika ngwenyi, “Munatachikiza? Hanyima ya vyosena, uchiwami, etu tuli vovamwe.” Kaha munatachikiza chili ika jino? Echi Kulinunga cha Mauka nachiya nakununga hamwe vakiko vosena jino. Kaha munatachikiza omwo nachiya nakusoloka kuli kaze kalizavu kakandende? Enu namuya nakufweta hali echi, vanyike vamaalunga. Echi chosena chakwoloka.

¹²⁴ Oloze kanda kulizakaminako, mwana Mukoko mwakaya nakumufungulula. Mwomwo Ikiye apwa Mwata wavamyata, kaha Mwangana wavamyangana, kaha Kalunga mwaya na kutwaminyina Liuka Lyenyi, keshi chikungulwiloko. Ikiye mwaya nakuhinguna Maji aungonyi a Shipilitu Wajila ha Liuka. Ndumbu walunga, Kakahya nakakaya nakuholoka kufuma Mwilu, na vinjikizo na vikomwesa naviya nakusoloka, vize kanda lyehi umone kunyima. Eyo, mwane. “Kanda kwivwa

womako, utanga waundende, echi chinapu kuwaha cha Senu kumihana enu Wangana.” Eyo, mwane. “Wosena mwakakachila palanga nakusongo!” Ove haze. Twama lika mujila. Lama mutwe wove kutwala ku Kukavali. Eyi Mbimbiliya ili ya kwoloka. Kanda kuli zakamina.

¹²⁵ Jino talisenu. Kuli jitato jimwe vakiko vali najo. Viyoyelo vimwe vakiko vali navyo. Etu tunahase kutwalilaho lika. Chuma chatete munatachikiza, echi chayile na mumauka avaka Kulikanga kuli katolika. Kahjino mapwevo vamu Katolika vaputukile... Mwowmoika, chize kachapwile pondendeko kuvwala tuputula twatwihi, chachikalu vakiko kuvananyi kuliuka na kuhaka tumalesu twatundende ha mitwe yavo. Kupwa kaha nge chisemwa, “Kanda kulya kala nyamako ha Chitanu.” Kaha, mamalelo, kulihi mwawana kuhaka malesu kumitwe hakwingila muliuka? Ngwatondo enu mungwinyikile Chisoneka. Echi chinapu upolofweto wakwonga. Chili kulihi muliuka mwatela kuvwala litepa muliuka? Omwo namuvwala litepa hamutwe yenu, enu muli nakusaula Kulishitu, chakwoloka; malunga, Nguli nakuhanjika hali echi. Mapwevo, enu mwatwama lyehi na chifwiko, oloze Nanguya nakuhamwisa kalamuthu angulweke nge lili litepa mokomoko lilesu. Jinapu jikapu jenu! Kaha enu namujiteula. Jino chuma muka chize? Mamalelo, vakiko ngwavo, “Echi chinapu chiyoyelo chamwaka.” Kachi chili ngocho, chinapu Mbimbiliya! Kaha Lizu lya Kalunga lili lya kwoloka.

¹²⁶ Kuhanjika hano, keshi kunyima chikumako, hali pwevo uze asanyishile mahinji a Yesu, kaha ambachile jikambu jenyi, munatachikiza, kaha—kaha nakuhunjisa. Ngwambile ngwami, “Jila kaha uze pwevo ahashile kulinga ngachize, chili kwimana chenyi kanawa kumutwe wenyi kupwa najikambu jajisuku mbwe nakumahinji Eyi, nakuhunjisa najo.” Echi chakwoloka. Mamalelo, chili vene, chili chuma chasonyi kumona ize jila uze... Hano, mungonde yakuyengunuka, kutambuka nakujinguluka nge na chikochi chachihi nge ngachize, na mijimba yavo yauselesele yinakusoloka.

¹²⁷ Jino namuhanjika, “Mwomwoika ove unambate pwevo?” Mwatela vene kumimbata.

¹²⁸ Kaha enu malunga mweji kwechenga mapwevo jenu kulinga ngachize, ndumbu walunga, Ngwa—Ngwahono kutachikiza mwakushinganyekela hali enu. Jino, echi chakwoloka.

¹²⁹ Kaha enu tufunga, Kangweshi na kushinganyeka nge enu muli hano. Oloze kachi enu namumona mukweze, enu namumulweka ikiye kwiza, kumulweka nge, ove ungomone. Talenu? Kachi ikiye nge keshi nakalemesako ka Kulishitu kuhambakana kwecha chikungulwilo chenyi kupwa navize chakuzeneka... Jino ikiye... Vakiko vanahase kulinga chize kuze kunyima ya ikiye, oloze kachi ikiye keshi kuvalwekako hali

chize, ikiye keshi wakutamo kupwa ngamba ya Yesu Kulishitu. Echi chakwoloka vene. Ikiye keshi wakutamoko kupwa ngamba ya Kulishitu. Ngamba ya Kulishitu atela kupwa wakuzeneka woma kachi chineza kutesekeka na Mbimbiliya. Punduvene. Oloze vakiko vali, vakiko vejikulovoka na kuya na kuchilinga mwozena omwo.

¹³⁰ Kaha jino, chuma chatete munatachikiza, vase Vakakulikanga kuli katolika vatela kumbata chize. Enu va Mesondisiti vamwaza, na enu va Mbaputishiti, na enu va Pulishiteliyani, mokomoko va Nazaleni, Pilgrim Holiness, na enu vosena, chuma chochimwe, mukwechi lusesa, umwe hali vasikisi, kaha chimbwa hachivulu chavo. Enu vase, “Nevo ya vakaujila.” Chikungulwilo chenu, “Kachi kaha vakiko vanaputuka jiheadquarter, chihandwa muka chiliho?” Talenu? Cheji kuneha chihandwa chikuma kuma. Echi kanda lyehi chiputuke, *aji* Jiheadquarter. Chinahase kuputuka pamo ha jiheadquarter yenu hano, oloze keshi ize Imwe yili Kuzeko. Chinakundamina okwo wafumine ove. Ou ukiko muchano.

¹³¹ Jino, Kangweshi kushinganyeka nge etu tuli na lwola lwakumbata echi chikwavo, pamo Nguchiseze kaha chipwenga chachimene. Chosena chakwoloka, echa tumbate echi chimwe chachihi. Etu tukwechi, hano, “lujimiko lwa mumeya.” Etu nawa tukwechi “kutachizaho lyehi,” kaha, mamalelo, vyuma vyavivulu. Shikaho echa tumbate evi, evi vyavindende, yimwe yayihi nge “pwevo kupwa mukakunangula,” kaha mbata echi chimwe.

¹³² Jino, jino, pwevo kupwa mukakunangula, Kangwazangile kukolesa kwivwa chenuko, oloze Ngwatondo kumilweka enu chumachimwe. Enu kwechi numba kachipalapala ka Chisoneka, kakweshi chipwe yimwe mu Mbimbiliya. Yaah, Ngunatachikiza okwo enu muli nakuya, kaha Ngunalingi mwozena mwenu, yaah, “Kaha vana venu vamaunga nava vamaupewe navakaya nakupolofweta.” Jino, kachi kafunga kove katachikiza lijina lya “kupolofweta” omwo chalumbunukila, ikiye—ikiye katachikizako numba chuma chimwe. Ikiye na mulimo chikumako kunyima ya kamenga, kweseka kumilweka enu nge ikiye apwa mukakunangula. Talenu? Mwomwo echi, chinapuvene, chakupashiwa kufuma ku ku Kuputuka na kutwa ku Kusoloka. Jino echa ngumilweke enu echi, talenu.

¹³³ Jino Ngwatondo enu mungufukunuineko ku Chimoteu Wakulivanga 2:11. Fukununenu kaha hano kaha etu natuya nakuwana echi jino, kaha etu natuya nakuchiwana hano, nawa, Vilinga vyenu 2. Yaah. Kaha jino—jino ivwulilenu omwo Chisoneka omwo chahanjika hali ou mutwe wachihande.

¹³⁴ Jino, muthu umwe atwalileho kuhanjika ngwenyi, “Chamwaza, Ndumbu walunga Branham, ove wapwa kaha wamwaka uze ahunga mapwevo.” Kangweshi ngwavo

ngwajinda mapwevoko. Yami . . . Kangwazanga kumona pwevo kweseka kumbata chihela chize kachapwa chavoko.

Anukenu kuze ku Howard Shipyard kuno, ngalila yimwe ya jimbopolo yili kanawa kuze kukalwiji ka Ohio? Vakiko vahaka mapwevo kuyitwaminyina. Tala omwo chasolokele.

Vakiko vahanyine pwevo lisesa lya kusakula. Tala omwo chasolokele.

¹³⁵ Echa ngumilweke hano vene. Keshi nge nguli nakuva lilambu hali mapwevoko. Ngwatondo malunga vamivwushise enu kanawa hali echi. Oloze echa ngumilweke chuma chimwe, ndumbu walunga. Lino lifuchi lya lifuchi lya mapwevo. Nanguya nakwinjikiza echi kuli enu, na Chisoneka, na kala chuma enu munatondo kwinjikiza nacho. Echi chili. . . Ha mali etu hali ika? Pwevo. Namumuwana kulihi? Mu Kusoloka, hano, mwamumonanga. Ikiye apwa nambala seteni, nawa, kalachuma aputukanga; vatanganyika seteni, mifunda seteni, jingalila jenyi seteni. Seteni, vyuma vyosena vyapwile seteni, kukuputuka. Ikiye asolokela mu kapetulu 13 wa Kusoloka. Pwevo, seteni!

¹³⁶ Kaha mu 1933, omwo Mwata. . . Omwo twapwile nakuliwana kuze kuze kwapwile church of Christ yiliko nalelo, kuze kwimbo lyamwaka lya va Masonic, chimweno cha Mwata chejile kuli yami kuze na kuvuluka nge “Germany naikaya nakukatuka na kuhaka mufunda wa Maginot kuze.” Enu vavavulu muli nakwanuka echi. Kaha omu vakiko navakahakako maswalale kuze, kaha America navakaya nakuveta kuze chikuma haze vene ha mufunda. Kaha nawa ngwenyi chuma muka nachisoloka, hali Roosevelt navize vyuma kana, omwo nahase kuya nakupwa na kwimana chamuchiwana. Mukukupuka, chize chejile nakuhita. Kaha nawa ngwenyi nge jimotoka najitwalilaho kupwa nge liulu, palanga na kumakumbi amakumishilo jikiko najikapwa muchifwanyisa cha liulu. Kaha Ngwambile ngwami, “Echi nachiya nakwiza nakuhita mummyaka ize jimotoka kajechi kazachisa siteyaleni na mawiloko. Nakukapwa chuma cheka nachikendesanga.” Eji jimotoka vali nakuneha makumbi ano, jili jakutambukisa ku limoti, kupwa jakukingiwa. Chakwoloka. Enu kamweshi kuhasa kwingila mu mbongi. . . Kahajino, kaweshi kuhasa kuheta kutwende milosi, ove kaweshi kuhasa kuheta kutwende milosi. Ove kaweshi kuhasa kuliveta mumotoka ikwavoko, ’mwomwo valinakuyendesa ku limoti. Talenu, yili nakuya ngachize vene, kaha hano vene. Kaha Ngwambile ngwami, “Anuka, mulikumbi lize, shimbu kanda lwola lwamakumishilo lwizenga, shimbu kanda lwola lwamakumishilo lwizenga, uze pwevo. . . Jino, enu lamenu echi kaha chisonekeni. Nakukaya nakupwa wamunene, nakuka katuka pwevo wamunene, pamo nahase kapwa Twamina yalifuchi, mokomoko twamina wakukenyuka, mokomoko pwevo wamunene wangolo muno vene mu United States. Kaha ikiye mwakaya nakujiminyina, kuhichila mukufungulula cha pwevo.

Jino, anukenu, echi chili MUKIKO MWANAMBE MWATA.”
Talenu?

¹³⁷ Kaha ikiye ali wakuhenga. Kaha echi nachikaya nakuhana jila kuchuma muka? Echa ngumilweke. Pwenu mushipilitu. Echa... Sokolokenu. Tala. Mwomwoika echi chili nakulingika ngana? Kuhana liuka Iya Katolika chihela chakwingila. Talenu? Enu mweji kulifukala vatanganyika va muvwimbimbi na vyosena evi vyuma vyakuhandunuka vili hano. Anuka uze mujimbu Ngwatangishile? Margie, anukenu chize, myaka yakunyima, ha—omu United States kwingilila vakwavo, mangana kufumisaho fulumende ya vathu va America. Kaha omwo chize Ngwambile ngwami ikiye akulilile mu Paris hanyima etu twavazachililenga vakiko kuze kuli uze pwevo, na vinyo na lwola lwalunene. Kaha ikiye awikile muze vene mu Hollywood. Jino, kachi etu tutume ku Paris na kutambula vitalilo, vakiko vatumine nakutambula vitalilo. Chuma muka chalingile? Echi chambachile... Etu katweshi kuhasa kwecha vana venu kuya nakutala mivwimbimbi ko, oloze ikiye engilile muchisaji cha mivwimbimbi, kutambuka na kulovoka na kupihisa vyuma vyosena, kuya nakutwalilaho. Kaha etu vano hano lelo, vanyike vama pwevo vosena na va malunga, vosena kusoloka nge vakuhema muchisaji cha mivwimbimbi. Chuma muka echi? Echi chili nakutuva jila. Kanyike walunga, umwe pwevo washili nahase kutuma vathu vavavulu kuhetese kuhambakana na bootleg muli nenyi mumbongi. Echi chakwoloka. Mutalenu ali nakuya mujila na uvwalo wawihii, kulizakamina pimbi lunga chuma muka, kachi ikiye lunga wakulikangula, omwo ikiye mwatala hali pwevo ikiye ali wakukashiwa kupwa na chuma chimwe kumujimba wenyi. Jino kupwa wakushishika. Kangwalizakaminako... .

¹³⁸ Ngwapwile kaha ngunapunga na Shipilitu Wajila myaka yayivulu. Enu kamweshi kuhasa kutala hali pwevo na vwale cha chimbwa... Ngwa—Ngwatwama na kulusu yayindende mumotoka yami, enu vavavulu mwayimona. Muthu umwe ambile kuli yami ngwenyi, “Ove wapwa umuka Katolika?” Kulihi vaka Katolika vapwile nalisesa Iya kupwa na kulusu? Ize kulusu yalumbunukila kupwa “Mukakulishitu.”

¹³⁹ Vaze va Kakujila vamwaka va Cecilia na vyuma vimwe vakiko lusona Iwa Chikatolika. Etu katwafwelela muvyuma kanako. Etu twafwelela muli Kulishitu. Vakiko vakwechi miyachi yakala vathu vakufwa vakiko veji kulifukulangako. Chize chapwa kulifukula chachinene chakishi. Echi mukiko chili, kulifukula vafu. Kakweshi chuma chimwe changanako, nduma.

¹⁴⁰ Ngwamuhulile uze kapilishitu. Ngwambile ngwami, “Mwomwoika mwejikulinganga, kahajino, kachi... Petulu apwile popu wakulivanga?”

Ikiye ngwenyi, “Echi chakwoloka.”

¹⁴¹ Ngwambile ngwami, “Kahajino mwomwoika Petulu ahanjikile ngwenyi, ‘Kakweshi numba lihako mukachi mukachi ka Kalunga na muthuko oloze Lunga umwe Kulishitu Yesu’? Kaha enu mukwechi faifi sauzande mapwevo vakufwa, kaha navyuma vyosena vikwavo, enu munavalingisa kupwa mahako. Jino chuma muka chasolokele?” Enu haze. Vakiko kaveshi nakukumbululako hali echi. Echi chakwoloka.

¹⁴² Jino kunangula chimwe chavo, kunangula chavo chakwonga, lizavu lya tupolofweto vakwonga lya Vakakulikanga vaneza nakunangula echi, kaha enu vathu va Vakakulikanga vanamiminyi muli echi. Echi chakwoloka vene. Vikungulwilo na jijila Ja malujimiko, kaha jishimbi jakuhandunuka na vyuma vize ove uli nakuhitamo, echi chili vene Chisoneka. Echi chili chakulimbalaka nech, na echi chili Muchisoneka, oloze enu mweji kuchihumbula. Echi chinapu muchano.

¹⁴³ Jino ivwilila kuli echi hali mapwevo kunangula. Chosena chakwoloka. Chimoteu Wakulivanga, Ngwatondo Chimoteu Wakulivanga 2:11. Jino ivwilila Omwo nahanjika hano.

Echa mapwevo jenu valinangule mukuhola kulu namukwononoka chosena.

Oloze kunangulanyi kangweshi kwitavila pwevo kunangulako, chipwe kupwa mwata walunga, oloze ngwami atwamenga nakuliholela kwenyi.

¹⁴⁴ Keshi yami ngwalihakilemoko. Yami nguli kaha namulimo wakulyambulula kuli enu. Talenu? Talenu?

Echa mapwevo jenu vanalinangule mukuhola kulu namukwononoka chosena. (Kachi enu mwayile muliuka Lyamwaka na vatelenu, talenu. Talenu?)

Oloze kunangulanyi Kangweshi kwitavila pwevo kunangulako, chipwe kupwa mwata (kupwa kafunga, mukakuzata muliuka, mokomoko kala chuma nge ngachize) walunga, talenu, kupwa mwata walunga, oloze ngwami atwamenaga nakuliholela.

Mwowmo vavangilile kumutenga Alama, numbanyi vamutenge Eve.

¹⁴⁵ Mwatachikijile tahi? Jino ivwililenu, pwevo. Ove wamwaza, pwevo Mukakulishitu wakwoloka chikiko kaha chuma chamwaza Kalunga ahana muthu, mokomoko keshi Ikiye amuhanjine chuma cheka chikwavo. Eyo, mwane. Talenu? Pwevo kapwile numba kumaputukiloko akutenga ko. Pwevo keshi chihanda chakutenga kuli Kalunga ko. Ikiye apwa chuma chakufuma kuli lunga. Kalunga atengele lunga, vosena vavali lunga na pwevo. Kaha Ikiye avahandunuine vakiko. Hanyima ya lunga nayoyo lyehi hamavu kaha nahane lyehi majina tunyama, kaha ikiye nayoyo lyehi lwola lwalusuku, Ikiye ambachile

lupachi kufumisa kuluhachi lwa Alama, kupwa nge chihanda kaha. “Alama apwile wakatenga watete, kahajino Eva.” Jino tala.

Kaha Alama kavamutangishileko, oloze pwevo hakumutangisa kuli linoka alimbukilile mukuzomboka jishimbi.

146 Kalunga ambachile lunga. Liyavolo ambachile pwevo. Tala hali echi, kumeso vene, chuma muka chili nakulingika lelo. Tala hali Liuka lyamwenemwene lya Kalunga, navahanjika, “Yesu!” Uze shipilitu wamukakole mwaya nakuhanjika ngwenyi, “Maliya!” Talenu awa mashipilitu. Talenu? Vakiko vase. “Ove Maliya, naye ya Kalunga, vakukisule ove mukachi ka mapwevo, kaha tulombeleko etu vakashili jino, kaha halikumbi lyetu lya kufwa. Amen. Maliya, lomba!” Mamalelo, yami, kuwaha! Talenu, yenu vase, “pwevo,” apwa chizachiso cha liyavolo. Kulishitu, chuma chakulifukula, kaha Umwe kaha! Yenu haze vene. Yenu haze vene.

147 “Alama apwile wakatenga watete, kaha jino Eva.” Alama kavamutangishileko. Kaha enu namupwa ngachilihi na pwevo apwenga kafunga, mukakuzata muliuka? Alama kavamutangishileko, oloze uze pwevo vamutangishile. Ikiye apwile vene. . . Ikiye kashinganyekele ikiye kupwa wakuwenga, oloze apwile ngocho. “Uze pwevo kupwa vamutangishile hakuzombojoka jishimbi.” Mwomwo, ikiye, lwola lwosena chize—chize chipeji kuya nakushikumuka mujila, uze pwevo achilingishile echi. Lwola lwosena kema mwatetumuka, pwevo ikiye alingishile. Lwola lwosena muthu umwe mwafwa, pwevo ikiye achilingishile. Kala kambu jitoma, pwevo ajilingishile. Vyuma vyosena, kaha kufwa, pwevo achilingishile. Vyuma vyosena chize chakuhenga, pwevo achilingishile. Kaha jino kuhaka mutwe wenyi muliuka, kafunga, mamalelo, kalama lwolalumwe. Sony hali ikiye.

148 Jino echa ngumitwale kuli echi, mukwavo, mumunyutu kaha. Talenu? Jino echa tufukununenu mu Kolinde Wakulivanga 14:32, kaha talenu omwo ahanjikile Paulu hano, kaha jino etu natuya nakweka nawa, mumunyutu kaha. Kaha jino etu katwatondele kumitulika chikumako, shikaho enu namuya nakuzeya chikuma muchimene mangana mukahase kukinduluka. Chosena chakwoloka. Ngwatondo kutanga. Vangahi vafwelela Paulu nge apwile mukakunangula wakuhwimina? Jino, anuka, Paulu asonekele echi mu Chimoteu nawa. Talenu? Echi, jino, Kolinde Wakulivanga 14:32. Jino echa tuputuke hanovene, kaha tuputuke kutanga hano, 14:34, Ngwafwelela.

Echa mapwevo jenu vahole kulu mumauka: . . .

149 Munevwu omwo ikiye ahanjikile?

Echa mapwevo jenu vahole kulu mumauka: mwomwo ka vavetaviza vakiko kunangulako; oloze vakiko vononokenga nge omu jinambe jishimbi, . . .

¹⁵⁰ Enu muli na kutanga chimwe hali echi? Kachi enu muli, nakuya kunyima na kumona kachi nge kacheshi na mu Kuputuka 3:16. Omwo Kalunga amulwekele Eve, mwomwo ikiye evwililile kuli linoka kuhambakana kuli lunga lyenyi, nge ikiye mwakamunyula makumbi eyi osena akuyoya. Kaha pwevo mweza ngachili na kupwa mwata wa lunga, kupwa kafunga mokomoko mukakuzata muliuka, ohonyi Mbimbiliya ngwayo echa apwenga “wakwononoka,” chochimwe nge omwo chapwile na kumaputukilo nawa? Omwo Ikiye. . . Kalunga—Kalunga keshi kuhasa kwalumukako. Enu kamweshi kuhasa kulingisa Lizu lihanjike chuma chimwe *hano* kaha chuma chikwavo *haze*. Kalyeshi kuhasako. Echi chili chuma chochimwe lwola lwosena.

¹⁵¹ Shikaho, kukuputuka, kuze kukiko kwapwile, shimbu kanda echi chihite, kachi nge nanguwana lihanya, Ngwatondo kwolola ha ukalu wa *Kulimbata Na Kulilukulula*. Kanda lyehi nguchilinge echi muliuka. Oloze tala chili kushika chivali. Umwe ngwenyi ikiye nahase kumbata; mukwavo ngwenyi vakiko kavatela kumbatako; kaha ou umwe ngwenyi *echi, chize*, mokomoko *mukwavo*. Munyutu kaha kaha umone omwo yahanjika Mbimbiliya ngwayo, omwo etu natuheta kuli chize. Talenu? Chosena chakwaloka. Jino tala hano.

Echa mapwevo jenu vahole kulu mumauka: . . . mwomwo kavavetavilile vakiko kahanjikako; oloze vononokenga nganomu, jinambe najishimbi nawa.

¹⁵² Kahajino, mu Tesitamende ya Mwaka, vakiko kavavetavijile kuhanjikako, 'mwomwo Paulu nahanjika hano kavavetavijile vakikoko. Echi chili chakwoloka? “Echa mapwevo jenu vahole kulu. Chili kwononoka.” Jino kachi enu namuya nakutanga nakushikumwisa, echi nachimitwala ku Kuputuka 3:16. Talenu? Chosena chakwoloka. “Mwaya, nge mwaya lushimbi.”

Kaha kachi vakiko . . . vanasake kulinangula mangana amwe, echa vakiko . . . vakehule—vakehule malunga javo . . . vavene kumahyavo: mwomwo echi chasonyi pwevo kuhanjika muliuka.

Ika? . . .

¹⁵³ Jino tala hali chize chihula Mujimbimbiliya jenu, hali, “Ika?” Chuma muka chamulingishile Paulu kuhanjika ngachize na kulinga ngachize? Jino, kachi enu namuya nakutambula mikanda ize Vakakolinde vasonekele kuli Paulu. Jino, enu munahase kuyiwana mukala zuvo yamikanda yamwaza, talenu, ize Vakakolinde vasonekele kuli Paulu. Vakiko vasonekele na nakumulweka ikiye, hanyima yavaze mapwevo vapwile vakwalumuna. . . Vakiko vapwile na—na makombelo kuze,

vavulukile ngwavo “Diana.” Kaha ikiye apwile ku Efwesu, nawa. Kaha Vakakolinde valifukwilenga chuma chochimwe, ’mwomwo chize chapwile kulifukula mukuzeneka kutachikiza. Kaha vakiko vawanyine lilolwa muwande likumbi limwe, lyasolokele lyakutenga kupwa nge pwevo. Vakiko ngwavo, “Kalunga apwa wapwevo, kaha ahololanga chifwanyisa chenyi kuli etu.” Kaha jitembele javo japwile ja kuhambakana tembele ya Solomone, vakiko ngwavo, wakushikulu. Mamalelo, ize yapwile yakutungisa na malolwa atoma, akulenga na ulu; kuze, tembele ya Solomone vayitungile na mushitale, kuyilenga na ulu. Talenu? Kaha yapwile yakuhambakana yize. Kaha echi, kahajino, kachi Kalunga apwile nge—nge pwevo, mwomwoika, pundu, ikiye atelele kupwa na tupilishitu vamaapwevo. Pundu, kachi Kalunga apwa wa pwevo, kaha pwevo kupwa mukakunangula nachipwa chakwoloka. Oloze, Kalunga apwa wa Lunga. Eyi Mbimbiliya yahanjika nge Ikiye apwile wa Lunga, kaha Ikiye apwa wa Lunga. Talenu? Kaha kachi Kalunga apwa wa Lunga, kahajino chatela lunga.

Jino talisa hano, “Ika?”

¹⁵⁴ Jino, vamwe ava tupilishitu vamaapwevo, omwo vakiko vapwile vanavalumuna kufuma mu kulifukula chakuzeneka kalunga nakwingila Muukulishitu, vakiko vashinganyekele vakiko kutwalilaho mujiufwishi javo ja kupwa mukakunagula, vakiko vejile nakutwalilaho. Kachi vakiko vanangwile kuze hali Diana, vakiko vatwalileho nakuno kunangula hali Kulishitu.

¹⁵⁵ Ikiye ngwenyi, “Ika? Lizu lya Kalunga lyejile na Kufuma kulihi . . .” Ivwililla kaha jino kuli Echi. Ndumbu walunga, nyi vakakuzata navalingi echi ngachilihi? vasi 36.

Ika? kuli enu kukiko kwafuminyinyine lizu lya Kalunga? mokomoko nyi lyejilile kuli enu kaha?

Kachi kala muthu mwashinganyeka lyavene kupwa kapolofweto, mokomoko mukashipilitu (katela numba kupwa numba kapolofweto; chipwe kaha kushinganyeka nge mukashipilitu), echa ikiye atachikize nge evi Ngunasoneka kuli enu jinapu jishimbi ja Mwata. (Enu mwafwelela echi?)

Oloze kachi ikiye, kachi katachizako echa apwenga wakuhona kutachikiza, echa kaha naikiye vahono kumutachikiza.

¹⁵⁶ Jino, echi chili kaha hatoma to nge omu Ngunatachikiza mwakuchihakila. Talenu? Ikiye ngwenyi, “Kachi muthu ali muthu mukashipilitu, mokomoko kapolofweto, ikiye ayenga nakwanuka nge evi Ngunasoneka hano jinapu Jishimbi ja Mwata.” Oloze ngwenyi, “Kachi ikiye—kachi ikiye mwakaya nakupwa wakuhona kutachikiza, echa ikiye apwenga lika wakuhona kutachikiza.” Talenu? Echi chikiko chuma kaha enu munahase kulinga. Kachi vakiko vanatondo kutwalilaho lika

hali echi, enu vechenu vakiko vatwalileho, 'mwomwo ikiye vachimwene kuze omwo chaputukile.

¹⁵⁷ Kaha mapwevo vamwe vangulwekele, ngwavo, “Mamalelo, Paulu apwile kaha kashinakaji ahungile mapwevo.”

¹⁵⁸ Ikiye apwile makuhunga mapwevoko. Munatachikiza, Paulu apwile kapositolo, kaha wakuli Liuka lya vaka Mafuchi eka na eka. Tala hano. Enu mwamutachikijile Paulu. . . Vangahi muli enu mwafwelela vize Paulu anangwile? Echi chikiko ikiye—ikiye ahanjikile hano? Kaha Paulu ngwenyi. . .

¹⁵⁹ Enu ngwenu, “Chamwaza, vandamamina munyutu kaha jino, Ndumbu walunga Branham. Munyutu kaha! Jino, kalama ketu ngwenyi echi chili chakwoloka. Kalama wamukulwane, va Assemblies, ngwavo echi chili chakwoloka. Kalama wa Oneness ngwenyi echi chili chosena chakwoloka.”

¹⁶⁰ Kangwazakama mwosena omwo vakiko navahanjika. Echi chinapu makuli! Kaha Ngwamilwekele enu nge natuya nakuchimika echi chikuma. Kaha tupolofweto vakwonga vanahase kuhanjika ngocho. Mwomwo Mbimbiliya ngwayo, “Kachi kala muthu mwashinganyeka lyavene kupwa mukashipilitu, mokomoko kapolofweto, echa ikiye atachikize nge evi Ngulinakuhanjika jinapu Jishimbi ja Mwata.” Kaha kachi shipilitu yenyi kayeshi kuhasa kupwa naunjiho na Lizuko, ikiye ali kapolofweto wakwonga, kukuputuka. Nachipwa chamwaza yami kupwa mukakuhunga mapwevo kuhambakana mukakuzanga mapwevo, kuya navyangachize, nakuya hamwe na vyangachize Muliuka lya Kalunga, kulimbalaka na chiyulo cha Kalunga. Kaha Paulu ngwenyi. . . Mbata Ngalasha 1:8. Paulu ngwenyi, “Kachi Kangelo wafuma Mwilu mwaya na kunangula mujimbu wamwaza weka keshi ou Ngunambululako kuli enu, echa ikiye apwenga wakwangula.” Jino muya nakulinga ika hali Echi?

¹⁶¹ Jino enu ngwenu, “Nyi ngachili muze Yahanjika, ‘Vana venu vamaunga na vamaapwevo navakaya nakupolofweta,’ mu Yowele, kaha—kaha muze atangile Petulu ha Likumbi lya Pendekosita?” Echi chilivene chakwoloka.

¹⁶² Enu munatachikiza, mu Tesitamende Yamwaka, ikiko kaha jila, kaha jila kaha jino, yize kala muthu nahase kwiza muchivwasano, shina kuhichila, hali. . . Apalahama uze apwile umwe vahanyine elu lushiko, kaha kaze—kaze katachikijilo ka lushiko kapwile ha kujihana. Vangahi vatachikiza ngocho? Chize Kalunga ejikijile.

¹⁶³ Nge ndumbu walunga umwe ka Mbaputishiti, ikiye ngwenyi, “Ndumbu walunga Branham, mwomwoika, etu va Mbaputishiti twatambula Shipilitu Wajila.”

Ngwambile ngwami, “Ove wayitambwile kumbi Lika?”

Ngwenyi, “Ize ola etu twafwelelele.”

164 Ngwambile ngwami, “Paulu ngwenyi, ‘Enu mwatambula Shipilitu Wajila kufuma haze enu mwafwelelele?’” Talenu? Ngwambile ngwami, “Jino, enu va Mbaputishiti twayenu mutambule Echi, kaha etu natuya nakuhanjika hali kukiingiwa cha Hayamyaka na enu.” Ngwambile ngwami, “Oloze, chamwaza, enu namuyiwana Eyi kulihii?” Talenu?

165 Ikiye ngwenyi, “Enu mwatambwile Eyi kufuma *haze* mwafwelelele?” Vakiko vapwile vakakufwelela, kaha vakiko vatambukile na kuwahilila na kala vyuma vyosena. Vakiko shimbu kanda vatambule Shipilitu Wajila. Paulu ngwenyi vakiko kavapwile nenyi. Talenu? “Enu mwatambwile Shipilitu Wajila kufuma haze mwafwelelele?”

Vakiko ngwavo, “Etu katwatachikiza nge katwama vyakufwana nge Shipilitu Wajila.”

Ngwenyi, “Kahajino enu vamijikile ngachilihii?”

166 Vakiko ngwavo, “Etu vatujimika.” Oloze, chakwonga, talenu. Shikaho ikiye atelele kumujimika cheka, cheka. Chosena chakwoloka.

167 Jino talenu hali echi jino, kaha ava mapwevo vakakunangula, omwo vakiko vejile nakwingila, vakiko vashinganyekele nge vapwile na lisesa lyavo. Oloze echi kavachitavila kuli Kalungako kulinga ngocho. Kaha echa... shimbu etu tuli ahavene hali ou mutwe wachihande, hali ou pwevo, talenu. Kaha echi, jino, ikiye ngwenyi, “Kachi kuli kala muthu mukachi kenu, ou ali mukashipilitu, mokomoko kapolofweto, echa ikiye atachikize nge evi Nunasonoka jinapu Jishimbi ja Mwata. Oloze kachi ikiye ali wakuhona kutachikiza, echenu ikiye apwenga wakuhona kutachikiza.” Kaha ou ukiko mulonga... ino mbalaka kayemanyina numba kutongola mapwevo kupwa vakakunangula, pwevo mukakuzata muliuka, mokomoko mukala chuma pwevo kupwa mukala ufwishi muliuka, mwomwo echi chinapu Chisonoka chili hano kaha chili chauselesele.

168 Jino, eyi Mbimbiliya yahanjika ngocho, “Vana venu vamaunga na vana venu vamaunga navaka polofweta.” Jino, lizu lyakuvuluka *kupolofweta* lyalumbunuka mulihii? Litale. Echi “kulweka chuma chimwe, kuhichila mukuwimina,” mokomoko “kwambulula chuma chimwe.” Lili lizu lili muvali.

169 Kupwa kaha nge *kujilika* kulumbununa kupwa “wakukosa, kaha kutulika kusali kuvandamina kuzachisa.” Talenu? Mokomoko, lili lizu lili muvali, kulumbununa kuhambakana chuma chimwe, nge etu tukwechi ulumbunuiso wauvulu mu Ingilishi.

170 Nge, etu natuya nakuhanjika ha lizu lya “lizavu.” Chamwaza, *lizavu* yalumbunukila mulihii? Enu ngwenu, “Chamwaza, ikiye natwale mukufweta *lizavu*.” “Nduma, ikiye kalingile ngochoko. Ikiye natwale *kutuwawina*.” “Nduma,

ikiye kalingile ngochoko. Ikiye natwale nge *kumutuwa* ikiye.” Mokomoko, munamono, lizu limwe kaha, enu mwatela kutachikiza vika ove uli nakuhanjikaho. Talenu?

¹⁷¹ Kaha omu mukiko chili na neli lizu lili muvali, kuze, “Vana venu vamalunga na vama pwevo navakapolofweta.” Jino, jila kaha Kalunga nahase. . .

¹⁷² Va Mbaputishiti ngwavo, “Chamwaza, etu tunatambula Shipilitu Wajila.” Ngwambile ngwami. . . “Omwo twafwelele.” Ngwambile ngwami. . . Jino, talenu, ikiye ngwenyi, “Kalunga amuhanyine Apalahama uze. . .” Ngwenyi, “Apalahama afwelelele Kalunga.” Omu mukiko ikiye achi hakile. Ikiye ngwenyi, “Apalahama afwelelele Kalunga kaha vamuvulukilile cho kupwa wakwoloka.” Vangahi vatachikiza echi kupwa muchano? Jino tala omwo—omwo chapwa chachashi kuli Satana kulivembela hali ndumbu walunga. Talenu, kupwa chachashi. Jino, echi chinapu Chisoneka.

¹⁷³ Ndumbu walunga, Ngulinakumulweka, hali echi hano, enu mwatela kupwa vakuwawwisa shimbu kanda enu mwingise echi. Enu mwatela kwingila muchihela chakuswama na kulomba. Vathu ngwavo, “Mwomwoika munahonene kulovoka nakuya nakumona vathu?” Ndumbu walunga, kachi ove muya nakuhanjika kuli vathu mokomoko kuvanangula, ove watela kulitwamina kwove, na Kalunga, lwola lwalundende, 'shimbu kanda kwingila mukamenga. Punduvene, talenu, mwomwo Satana ali wakuvanguluka, wakuvanguluka chikuma.

¹⁷⁴ Ikiye ngwenyi jino, talisenu, ikiye ngwenyi, “Apalahama afwelelele Kalunga, kaha vamuvulukilile cho kupwa chakwoloka.” Echi chakwoloka. Ikiye ngwenyi, “Jino, chuma muka Apalahama atelele kulinga shina kufwelele kaha?”

Ngwambile ngwami, “Mukiko kaha ikiye ahashile kulinga.”

¹⁷⁵ Ikiye ngwenyi, “Nachihambakana nayi kulienu kuchilinga mokomoko kala muthu shina kufwelelela?”

¹⁷⁶ Ngwambile ngwami, “Mukiko kaha etu tunahase kulinga. Oloze tala, ndumbu walunga, kahajino Kalunga akindulwishile, mokomoko etavile lufwelelo lwa Apalahama. Ikiye amuhanyine katachikijilo, chinjikizo cha kwalama, kupwa katachikijilo kalushiko. Talenu? Ikiye amuhanyine. Ikiye ngwenyi, ‘Jino, Apalahama, Nanguya nakutambula lufwelelo lwove, shikaho Nanguya nakumihana enu katachikijilo jino nge Ngunamitambula.’”

¹⁷⁷ Shikaho Ikiye amwalamishile Apalahama, kaha kupwa katachikijilo ka kushika chachihya. Kaha jino mulikumbi lino. . . Jino, pwevo keshi muze mu kushika chachihya; kuvangila pwevo wakusomboka. Wanenu, pwevo kavamwalamishileko; shikaho, vakiko vengililile, shikaho ikiye na lunga lyenyi vapwa umwe. Vakiko kaveshi cheka vavaliko; vakiko vali umwe kaha. Vangahi vanatachikiza echi? Chisoneka

chahanjika ngocho. Shikaho, kupwa ikiye wakusomboka, kahajino ikiye—ikiye ejile nakupwa umwe kaha. Kaha yako lika hano na kutala muno mu Chimoteu, ahanjika chuma chochimwe, ngwenyi, “Jino chipwengocho navakamulwila hakusema venyi vana, kachi ikiye mwatwalilaho mulufwelelo na mukujila na mukwononoka.”

¹⁷⁸ Jino, oloze, kahajino, kwalama cha mu Tesitamende ya Mwaka chapwile chamumujimba, oloze muno mu Tesitamende Yayihya, Yowele ngwenyi, “Nangukaya nakuhingununa Shipilitu Yami hali vakwechi nyama, kaha vana venu vamaunga na mapwevo navakaya nakupolofweta.” Jino, eli lizu lya *kupolofweta* kalyalumbunuka kupwa kunangula. Echi *kupolofweta* kulumbunun chipwe “kwambulula unjiho, wakuhichila mu kuhwimina,” mokomoko “kwambulula chuma chimwe chize chatela kusoloka.” Kaha etu tunatachikiza nge kwapwile kapolofweta wapwevo waku Tesitamende Yamwaka. Vakiko kavahanjikilenga muzuvoko, kuhanjika muliuka, mu chikungulwilo, nge mulongeshi. Oloze ikiye, Ana, na vakwavo vavavulu mu tembele, vakiko vapwile tupolofweta vamaunga, kaha vakiko vapwile . . . Miliyame apwile kapolofweta wapwevo, mokomoko chumachimwe nge ngachize. Ikiye apwile na Shipilitu hali ikiye, echi chinapu muchano, oloze ikiye apwile nachihela chakuzachila. Pwevo nahase kupwa kapolofweta wapwevo lelo, mukikovene; oloze kaveshi kuhasa kupwa milongeshiko, na vyangochoko, kupwa kunyima ya kamenga kunoko. Enu mweji kulinganga, enu mwejikulingisa—enu mwejikulingisa Mbimbiliya kulihamika Ivene. Eyi Mbimbiliya kayeshi kuhasa kuhanjika chuma chimwe *hano*, kaha chuma chikwavo muze *haze*. Yatela kuhanjika chuma chimwe lwola lwosena mokomoko Kalyeshi kuhasa kupwa Lizu lya Kalungako. Talenu? Shikaho, “Vana venu vamaunga na vamaunga navakaya nakupolofweta,” kulumbununa nge vakiko vahase chipwe “kulweka vyakulutwe” mokomoko “kwambulula.” Jino, enu talenu echi, kaha mbatenu chikukulwishi cha Mbimbiliya kaha mutale kachi echi kacheshi chakwolokako. “Vana venu vamaunga na vamaunga navakaya nakupolofweta.”

¹⁷⁹ Jino, Mbimbiliya naikiko yahajika hali pwevo uze alyongele, shikaho, mokomoko kulivuluka nge ikiye . . . Echi nachizata kwosena kuali na liuka lya Katolika, kaha nachizachiwa nawa na . . . na ou mutwe ou etu tuli nakuya nakuhanjikaho jino. Echa tufukununu ku Mukanda wa—wa Kusoloka, kaha echa tumbatenu kaha—kaha kapetulu 2 na vasi 20, chindende kaha shimbu etu tunalipandama nayo, nge enu munahase kutalishisa hano kaha mumone omwo chize omwo chapwa chaliyavolo, kuhanjika muano makumbi akumakumishilo nachiya nakusoloka ngachilihi, omwo evi . . . omwo ou pwevo mwaya nakupwa. Anuka, liuka lya Katolika lya pwevo. Etu twachitange lyehi, keshi ngochoko? Iwivilenu echi jino,

omwo Echi omwo yahanjika. Kusoloka 2:20, “Jino kuhona kujinuka . . .” Ikiye ali nakuhanjika kuli liuka lya Talachila, talenu, “Jino kuhona kujinuka . . .” Ali lya twama mukachi ka makumishilo aliuka lize, kuhita na Muvisemunuino vya Milima.

Jino kuhona kujinuka *Ngunakuwane namulonga, mwomwo weji kwitavilanga uze pwevo Yezevele, uze alivuluka ngwenyi ngukapolofweto, kaha eji . . . kuvahungumwisa vandungo jami na kuvahungumwisa mangana ngwenyi valinge ujila, kaha valyenga vyuma vya kuvatwila na kumakombelo.* (Talenu?)

¹⁸⁰ Jino, kachi enu namutalisa kanawa, natutala hali awa visemunuino vya mauka, kaha natuya nakukumisa. Kahajino muli chino chimene etu natuya nakumbata evi vikwavo. Tala. Mu . . . Mwishu ya—ya vitumbikilo vya manongo vya mu mbalaka ya va Yuleya, mukachi, jize jimbolo na vyakufwana ngocho, muze mpawwile vitumbikilo vya manongo vitanu navivali. Enu vosena mwatachikiza echi. Talenu? Muze muvitumbikilo vya manongo vitanu navivali. Jize jahanjikile hali mauka atanu navali, mpawwile kumunyika. Jino kachi enu namutalisa mu Kusoloka 1, etu natuwana Yesu nemana muvisemunuino vya mauka atanu na avali, vize vitumbikilo vya manongo vitanu navivali, omwo ikiye alumukile na kutala Umwe wakufwana nge Mwana muthu, nemana, kuvwala nge omu apwile. Uze apwile Mwenga kwimana mukachi kavitumbikilo vya manongo, alovokele.

¹⁸¹ Jino, mu Tesitamende Yamwaka, vakiko vambachile . . . imwe kendulu, na kuyimwinyika, kumbata ikwavo nakumwinyika yikwavo, eyi imwe kumunyika yikwavo, yimwe kumunyika yikwavo, nge ngachize, palanga nomu vakiko vamwinyikile josena jitanu najivali.

¹⁸² Kachi enu namutalisa kanawa, ha kuputuka, omwo Kalunga aputukile kuzata nava Yuleya, kaha vakiko vahichile muchisemunuino cha upahu. Kaha jino chisemunuino chamilima chikuma cha va Yuleya azachile nacho, Kalunga apwile na va Yuleya, chize chapwile cha Ahave. Kaha kachi enu namuya nakutalisa kanawa, kutanga muli vize visemunuino vya mauka, Ikiye ayile cheka kunyima. Ikiye ngwenyi, jino, “Vyuma vya vindende hanyima,” kaha ngwenyi . . . Jino, muze vene Muchisemunuino cha Milima, mumyaka fifitini handulendi okwo, mokomoko ha lwola lwa Ahave, chakulivanga, kaha va Yuleya. Chize chisemunuino cha milima vapwile nacho, omwo Ahave ambachile Yezevele kaha anehele makombelo mu Isalele, kaha alingishile vathu vosena kulifukula kuli kalunga ka Ahave . . . ka Yezevele. Enu anukenu, vakiko vambachile, kuhaka helu lyalitanda, na kushikumwisa tumenga twa Kalunga. Kaha Elisha atambakanyine, ikiye apwile “ukawenyi,” kaha Kalunga apwile na seveni handulendi vaze kanda vafukame mambuli avo

kuli Mba. Enu anukenu echi? Echi chinapu muyachi wa Liuka lya kusakula linalovoka. Talenu aha? Talenu omwo chili echi?

¹⁸³ Jino, muli eli liuka, kachi enu namuya nakutalisa kanawa liuka lya kulivanga, liuka lya kulivanga, liuka lya Efwesu, lyapwile liuka lyalinene. Ikiye ngwenyi, “Enu mukwechi kumunyika, kanda.” Kaha kachi enu namutalisa kanawa, liuka hiliuka, lyaputukile kujimiwa, kujimiwa, kujimiwa, palanga nomu lyahetele ku Talachila. Kahajino, myaka fifiteni handulendi. Kahajino Ikiye ejile kusali ikwavo, “Kaha enu namupwa na kumunyika chachindende. Kuzamisa chize enu mulinacho, nge chiku chitumbikilo chalinongo lyove navachifumisaho.” Kaha twayenu lika naku chisemunuino chaliuka lya Fwilatelefwa, kaha jino na muchisemunuino chaliuka lya Lauchiseya.

¹⁸⁴ Jino, hano hakiko hali kuwaha. Mamalelo, yami! Ngunazange echi, Ndumbu walunga Smith. Talenu, talenu hali echi. Jino, muli *echi* chisemunuino chaliuka, nge omwo etu twahitanga muli evi. . . Jino talenu hali echi. Chisemunuino chakulivanga chaliuka lya Efwesu, chize chisemunuino chaliuka cha Efwesu. Jino, hali aze visemunuino vyamauka, palanga naku myaka fifiteni handulendi, kachi enu namuya nakutalisa kanawa. . . Tangenu echi jino omwo enu namuya kwimbo ufuku uno, kachi enu namupwa na lwola, mokomoko muchimenemene chikuma, shimbu kanda enu mwizenga kuliuka, ha kapetulu 1, 2, naha 3 kamu Kusoloka. Enu namuya nakuwana, nge hali aze visemunuino vya mauka, Ikiye ngwenyi, “Enu muli nakangolo kakandende, kaha enu kamwakanyinene Lijina Lyamiko,” palanga nomu Ikiye ahelele kumyaka fifiteni handulendi yakuheta ku Talachila, Chisemunuino cha Milima. Kahajino Ikiye alovokele kusali yikwavo, kaha ngwenyi:

. . .enu muli *na lijina nge* enu mwayoya, oloze enu mwapwa va *kufwa*.

¹⁸⁵ Kaha evi, hakachi ka evi visemunuino vyamauka, nge mokomoko chisemunuino chaliuka lya Fwilatelefwa, kambachile Lijina chekako. Kambachile Lijina chekako, ’mwomwo lyayile nakulovoka muli lwola luno. Jino, mamalelo, omwo tunahase kutwamaho lika hali echi kunangula jino, ahavene, kumilweka enu naye, lize liuka lya Katolika, naye ya vyuma vyosena, omwo ikiye napwila “naye, mangana akusweka, Mbavilone.” Kaha echi, tala, echi chisemunuino chaliuka hano omwo ikiye ejile nakulovoka, ikiye apwile na kumunyika chachindende, kahajino ayile kumujimuka, kujimuka, kaha jino ikiye ejile nakwingila muchikungulwilo kuyima kuze, echi chapwile myaka fifiteni handulendi. Kaha ikiye ejile jino, kachi nge Liuka lya Mwata Yesu Kulishitu, oloze liuka lya Katolika. Kaha Luther ejile nakulovoka muka? Nge liuka lya Luteleni. Yi Mbaputishiti ehjile nakulovoka muka? Nge Liuka lya Mbaputishiti. Keshi Lijina Lyenyiko, keshi

Lijina Lyenyiko; lijina likwavo, “enu muli nalijina.” “Mwomwo kakweshi lijina likwavo vanahane mwishi ya Melu muze enu vanahase kumilwilako, shina kaha Lijina lya Yesu Kulishitu.” “Enu muna lijina nge enu mulinakuyoya, oloze enu mwafwa,” lize lili na chikungulwilo.

¹⁸⁶ “Mamalelo, Yami ka Pulishiteliyani,” kaha enu muli vakufwa! “Mamalelo, Nguli ka Mbaputishiti,” kaha muli va kufwa! Enu namupwa kaha vakuyoya nge namwiza vavakuyoya muli Kulishitu Yesu. Echi chakwoloka. Malujimiko enu akwonga, meya, lujimiko lwakwonga; kumwangila, kuhingununa, kachi kwingisa; kuzachisa “Tata, Mwana, kaha Shipilitu Wajila,” kachi mu Lijina lya Mwata Yesu Kulishitu. Echi vyuma vya kwonga vyosena kwiza nakushikumuka, kaha Mbimbiliya kuhanjika, nge kuhingununa hali echi nge omwo nachihashila. Kaha hano etu tulinakulivwasana navakiko, “Chamwaza, liuka lyami lyafwelela Echi muli *eyi* jila.” Oloze eyi Mbimbiliya yahanjika *Echi*. Talenu? Kakweshi chuma kanako. Kakwatwama chuma changochoko.

¹⁸⁷ Kaha kakweshi numba chihela mu Mbimbiliya muze vakiko hanjika lyehi malimi avo na kumbata Mbolo yajila, kaha kapilishitu kunwa vinyo na kuyivuluka Shipilitu Wajila. Kanda lyehi chipwe ngocho mu Mbimbiliya vakiko vahashile kulimeka mavoko na kuhana livoko lya chilyo lya kulikata, na kuvuluka echi kupwa Shipilitu Wajila. Kanda lyehi kalamuthu akatuke na kuhanjika, “Jino Nguli mukakufwelela,” kaha kutambula Shipilitu Wajila. Kachi echi chalingikile, hano hali jila mu Vilinga 2 twatela kutanga, “Kaha omwo Likumbi lya Pendekosita lyejile, kushikumka mujila yakuya kuli kapilishitu Wakuloma, kaha ikiye apwile nakutunjika mafwiji. Ikiye mwatambuka, nakuhanjika, ‘Enu vosena lovolenu malimi enu mangana mutambule Mbolo yajila, mbolo yakulivanga.’” Echi kacheshi kupwa jila yakutanga Vilinga 2?

¹⁸⁸ Chamwaza, enu Vakakulikanga kuli katoloka muli vavapi. Twaya kuno nakuhanjika, “Jino etu natuya kuli va Mesondisiti; nakuvahaka kulivoko lyachilyo, mokomoko, kuvahana livoko lya kulikata, kaha na tukweji sikisi yakutalilako.” Enu mwachitanga kulihi mu Vilinga 2? Talenu? Mwachiwana kulihi? Talenu?

¹⁸⁹ Echi ngwacho, “Omwo vakiko vapwile muchihela chimwe, mukujina chimwe!” Kuze kakwapwile numba kalama kaha alingile *echi*, kaha kakwapwile numba kapilishitu ko alingile *echi* ko. “Oloze kwejile lushindo kufuma Mwilu nge kuhuhwa chapeho yayinene, kaha Ya zalishile zuvo yize vatwaminemo.” Muze mukiko mujila vakiko vatambwile Echi, eyo, mwane, nge kuhuhwa cha peho yayinene kufuma mu Upahu. Keshi mujilako mokomoko kufuma kuchikungulwilo chimweko.

...enu muli *na lijina nge* enu muli nakuyoya, oloze muli *vakufwa*.

¹⁹⁰ Talenu, jishimbi jenu na vikungulwilo vyenu vinakingi jila ya Kalunga ngana, palanga, “Etu twafwelela *echi*, kaha etu twafwelela nge makumbi avikomwesa ahita lyehi.” Ali kapolofweto wakwonga eji kuhanjikanga echi. Ali kapolofweto wakwonga uze mwakulweka, chize, “Enu munahase kulimeneka mumavoko kaha namutambula Shipilitu Wajila.” Ali kapolofweto wakwonga uze mwamilweza, “Enu namutambula Shipilitu Wajila omwo enu mwafwelela.” Ali kapolofweto wakwonga kumilweka, “Enu mwatela kuhingununa na kusapwila keshi kujimika ko.” Ali kapolofweto wakwonga mwamilweka enu “vamijimike mu lijina lya Tata, Mwana, na Shipilitu Wajila,” nge kakweshi Chisonekako chacho mu Mbimbiliya. Echi chakwoloka. Kakweshi Chisonekako mu Mbimbiliya nachimilweka kupwa vamijimike, kuze kala muthu pwile wakujimika, mu Lijina lya Yesu Kulishitu. Kuvangila, kambaji ka Yowano; kaha vakiko vatela kwiza, na kuvajimika cheka, mu Lijina lya Mwata Yesu Kulishitu, mangana kutambula Shipilitu Wajila. Echi chakwoloka. Jino, echi kachapwile kunangula cha Yesu Kaha ko. Ngunatachikiza kunagaula cha Yesu Kaha. Echi kacheshi chikikoko. Echi chinapu Kunangula cha Mbimbiliya. Echi chakwoloka.

¹⁹¹ Oloze enu jino vase. Mweji kulinga ika na echi? Uze ikiye noko. Uze ikiye noko wa jishimbi jauthu.

¹⁹² Jino, enu namutala mu Mbimbiliya kaha ngulwekenu kalamuthu uze vasapwile meya. Mesondisiti, Pulishiteliyani, Katolika, ngulwekenu kuze umwe muthu uze vasapwile meya, mu Mbimbiliya. Ngulwekenu kuze umwe vahingunuine meya, mu Mbimbiliya chakuneha kukonekela shili. Vulukenu. Wanenu echi? Kachi enu namulinga, twayenu kuli yami, kaha Nanguya nakutambuka nakushikumuka mujila na chinjikizo hanyima, kaha ngwenyi, “Ali kapolofweto wakwonga! Ngunapunga wakuhenga.” Mokokoko, enu mwawane chihela chimwe mu Mbimbiliya yosena kwatwamaho lyehi kala muthu vajimikile lyehi mu lijina lya Tata, Mwana, na Shipilitu Wajila, eyite ya vathu muli enu handulendi vanavajimika. Nguwanyinenuko Chisoneka chimwe kuze kalamuthu apwile wakujimika mulijila kana, kaha Nanguya nakuhaka katachikijilo hanyima, “kapolofweto wakwonga,” kaha kutambuka nakushikumuka mujila nge *ngana*. Kaha ngulwekenu yami kalamuthu apwile wakujimika, Muliuka lyalihya, uze kejile na kumujimika cheka, mu...keshi mu lijina lya “Yesu” kaha, oloze mu Lijina lya Mwata wetu Yesu Kulishitu. Echi chakwoloka. Talenu kachi echi kacheshi chakwolokako.

¹⁹³ Kaha, hano, chuma muka echi? Ikiye apwile nevo ya vakaujila. Chuma muka chamulingishile ikiye kupwa mukaujila? Chuma muka chamulingishile ikiye kupwa lihule?

Kunangula chenyi! Chuma muka chavalingishile vakiko kupwa mukaujila? Kunangula chenyi!

¹⁹⁴ Kaha ou ukiko mulonga etu katweshi kuhasa kulikata na vikungulwilo vyavo na jishimbi javo. Etu natutwama vatoma na Mbimbiliya. Ngunahono kutachikiza omwo muli nakuyoya na Echi, oloze enu mwanangwile Echi, mukalajila. Chakwoloka. Echi chikuli enu. Kangweshi kuhasa kumilingisa enu kuseza Echi. Nangumilweka enu kaha Muchano. Ou ukiko mulonga etu twazeneka kupwa chikungulwilo. Kangweshi—kangweshi kutonda kujilulula etu vavene mangana twingile muvyamuyachi ngana, twatela kwingila nakushikumuka mujishimbi javathu. Nachiwaha kuya mujila yimwe navakutoleka vavandende va Mwata. Nachiwaha kutwama chakuzeneka majilo kaha vatoma kumeso a Lizu na Kalunga, kaha kwimana haze nakuhanjika, “Kakweshi numba manyinga amuthu ha chikuto chami.” Ou ukiko mulonga etu tweji kutwamanga ha Mbalaka ya Branham. Ou ukiko mulonga etu katweshi va Assemblies. Ou ukiko mulonga etu katweshi va Oneness. Ou ukiko mulonga etu katweshi va Yesu Kaha ko. Ou ukiko mulonga etu katweshi va Mesondisiti ko. Ou ukiko mulonga etu katweshi va Mbaputishiti ko. Pwako kaha ka—ka mbalaka kakandende hano. Etu katweshi na chikungulwiloko. Etu tunakasunuka, muli Kulishitu. Ou ukiko mulonga etu twatwama muli eyi jila. Kaha Kalunga natukisula etu, Kalunga kutukafwa etu.

¹⁹⁵ Jino, etu natuya nakumilweka mwomwoika etu tweji kulyanga mbolo, etu natumilweka mwomwoika etu tweji kulisanyisanga, mwomwoika etu tweji kukanyisanga vamembala kachi etu tunejiva vakiko vali mushili. Ou ukiko mulonga, muli eyi milungu yivali mokomoko yitatu, Ngunapunga nakuya kufuma kuli membala nakuya kuli membala mukwavo, kulihi enu munapunga nakupwa na vyakulimbika, nawa. Kuya nakunyengumuka, umwe keshi kuhasa kuhanjika kulimukwavo, kaha kuhita kulita na mukwavo ha jila nakwalumuna mutwe wenyi. Sonyi kuli ove, ove unambate lupasa lwa kisu ya Kalunga nakuluhishisa, kukamenga kuno, kaha kulivuluka vandumbu vamalunga na vamapevo, kaha jino kusokolola shinga nakujima hali umwe namukwavo. Enu kamweshi vakutela kumivuluka kupwa Vakakulishituko nge enu muli mujila kana. Chakwoloka. Enu tulikenu ojo jishinga; kachi enu kamweshi kuhanjika vyamwaza hali muthu umweko, kanda kuhanjikako. Anuka, Kalunga mwakaya nakukuhula hali chize. Kachi ove uli namuyachi washipilitu kana muli enu, munatachikiza enu kamweshi vakwolokako na Kalunga. Kachi enu kamweshi kwivwa . . .

¹⁹⁶ Kachi muthu ali mukuhenga, yako kuli ikiye nakuliwana nenyi. Kachi enu kamweshi kuhasa kuliwanako, mbata muthu umwe nayove. Shikangaho Kalunga ali nakuhona kuzangamisa Liuka Lyenyi, 'mwomwo enu kamweshi nakulinga

echi mwakwolokako. Kachi umbate shinga na kuhanjika hali ou umwe, vyuma muka vyasolokele, kaha vyihanjejeka vyavindende na vya ngocho, kujinguluka nge ngocho. Kachi ulinge ngocho, mwomwoika enu namuhonene kulinga omwo Mbimbiliya yahajika? Kachi vandumbu vamaunga vamwe vanahungumuka, yakoko kuli ikiye kaha talenu kachi enu kamweshi kuhasa kuliwanako na ikiye. “Chamwaza, jino, ikiye angulingile yami!” Kangweshi kuzakamoko ovyo ikiye alingile, yako kuli ikiye mwosena omwo! Ikiko kayahanjika nge ikiye ezenga kuli ove ko. Ove yako kuli ikiye kachi ikiye nahenge. Ove muhanjika, “Chamwaza, ikiye apwanga mukuhenga. Ikiye atela kwiza kuli yami.” Omu keshi mukiko yahanjika mu Mbimbiliya ko. Eyi Mbimbiliya ngwayo ove watela kuya kuli ikiye. Kachi ikiye ali wakuhenga, ove yako kuli ikiye.

¹⁹⁷ Kaha jino kachi ikiye mwahona kukwivwulila, kahajino mbata kala muthu nayove, kupwa chinjiho.

¹⁹⁸ Kaha jino kachi ikiye kate kumona nachinjiho, kahajino, “Jino Nanguya nakumbata kafunga kove.” Kahajino ove mulweze ikiye, ngwove, “Yami nanguya nakulweka liuka, kaha mumakumbi seti kufuma hano jino, kachi enu vandumbwami kamute kwolola echi. . .Ou ndumbu walunga hano ali wakulizanga kuliwana. Enu kamute kulinga echiko. Kaha kachi enu kamute kwolola echi muli makumbi seti, kahajino nakuya nakusoloka ika? Ove kaweshi cheka kupwa umwe wetuko.”

¹⁹⁹ Eyi Mbimbiliya ngwavo, “Kachi ikiye keshi kuhasa kwivwa liukako, kahajino echa ikiye apwenga kuli enu nge mukashili kaha nge muthu kaha.” Mwamono, kachi kaha nge ndumbu walunga ali mwishi ya kukiwiwa cha liuka, Manyinga a Kulishitu ali nakumukinga ikiye. Ou ukiko mulonga etu katwetavila liuka kulyalanga mujila kanako. Jino, chakwoloka, *Echi* chikiko Kunangula cha Mba- . . . cha liuka lya Mbaputishiti, mokomoko cha Mbalaka ya Branham hano, kachi enu namuya nakuchilinga echi. Talenu, mwomwoika kamweshi . . .

²⁰⁰ Enu twayenu hano, nakuhanjika, nge chakutalilaho, malunga vavali kuhanjika nge Leo na Yami. enu munahase kupwa nayami. . .Kaha Nanguhanjika, “Chamwaza, ikiye—ikiye anguhengesele yami.” Echi kacheshi kuhasa kuneha chihandwako. Ngwatela kuya kuli ikiye. Chamwaza, ikiye ali membala wa liuka. Ikiye—ikiye neza nakupwa Mukakulishitu. Ikiye eji kulyanga mbolo hano hajaji hamwe nayami. Kaha etu vanatujimika mu Lijina lya Mwata Yesu. Atambukile mwakwoloka, nge ndumbu walunga, kumeso aumwe namukwavo, kahajino chuma chimwe chasolokkele.

²⁰¹ Ou keshi muthu ko. Niyite hali lwola lwa handulendi apwa liyavolo kwingila muli vathu. Keshi vathuko. Ali liyavolo. Kaha kachi ove mwecha liyavolo kulinga chize, ove uli nakulemeka ndumbwove walunga. Echi chakwoloka.

202 Chamwaza, chuma chimwe chinahenge na Leo na Yami; echa uyenga nakucholola. Kaha kachi ove mumona chuma chimwe, ou unapu muliwove wakwiza kuli etu, kaha hanjika, “Vosena vanyike vamaunga twayenu kuno nakupwa hamwe. Etu natuya nakwolola vyuma kana.” Jino, kahajino, kachi ikiye mweza kuze, kaha ikiye ejile nakuwana, kahajino, yetu hano vano. Nangwamba ngwami, “Chamwaza, chuma chatete, kachi etu—etu katute kwitavila, kahajino enu namwiza kuliuka mujikana.”

203 Kaha jino nge—kachi nge ove kaweshi kulinga chuma chimwe, chipwethuhu, Manyinga a Yesu Kulishitu kuinga vosena. Talenu? Oloze kahajino nge—nge ize kasa nayiputuka kasa yikwavo, kaha ize kasa, kaha ize kasa nayiya nakuputuka yikwavo, kaha chuma chosena nachiya nakuviza, kwosena, liuka lyosena. Kahajino enu yenu kuchihela chimwe yingilenu muliuka, kaha lituta nge omwo nachipwa, nauya nakupwa na mukweze mweza nakuhokola meya amakaza, kumeso achikungulwilo yingila. Jino, munatachikiza nge echi chakwoloka. Kaha kututa! Muthumwe, munatachikiza, kaha kanda kuhanjika chumachimwe. “Chamwaza, etu twapwilenga vakashipilitu.” Chamwaza, chuma muka chasolokele? Enu mwalahile kanawa, ukalu wapwile uka? Talenu, shili jenu jinamihandununa. Kaha Kalunga mwakaya nakumihula enu hali echi, vandumbwami. Jino Nanguya nakumizamisa echi chuma.

204 Kakweshi chuma chakuhenga na yamiko, kakweshi chuma chakuhenga na Leo ko; ali liyavolo ali mukachi ketu. Echi chakwoloka. Ololenu kaha chuma echi. Yako kuli ikiye. Kahajino kachi ikiye mwahona kwiwvulila, momokolo Nanguhona kwivwulila, mukala jila chili, kahajino chambulule kuliuka. Kachi ikiye mwahona kwiza nakuliwana na liuka mumakumbi seti, kahajino ikiye nafumu mukukingiwa cha Yesu. Etu natumukasununa ikiye. Echi chili chakwoloka. Kahajino tala vika navisoloka. Echa Kalunga azangamise jino. Enu fumisenuho mavoko enu. Enu munalingi mwoosena omwo munahashila. Kahajino echa Kalunga apwenga nenyi chachindende; Ikiye mwaya na kumuhana kuli liyavolo. Ikiye mwakeza vene. Kachi ikiye keshi kuhasako, chiyoyelo chenyi chili chachihi.

205 Enukeni mu Mbimbiliya, muze mwapwile ndumbu walunga ahonene kwoloka na Kalunga? Vangahi muno vanahase kwanuka ou mulonga kana? Ikiye alingile ujila na muhalika waneye, kaha vakiko kavahashile kumulingisa achololeko. Paulu ngwenyi, “Musuulenu kuli liyavolo, mangana vakamwenyeke.” Enu namuwana echi, mu Kolinde Wamuchivali, ikiye olokele.

206 Ngukwechi ndumbu walunga, sepa wamwaza, Ngwazanga hano kumuvuluka lijina lyenyi, ndumbu walunga mukakunangula. Kaha ou ndumbu walunga mukakunangula, lijina lyenyi ikiye Ndumbu walunga Rasmussen. Enu vakakuzata

vavavulu mwatwame muno, ufuku uno, lijina lyenyi lili hamapapilo enu. Chize chikungulwilo chavikungulwilo muze mu Chicago. Kaha tala. Ikiye apwile na kanyike walunga, mukakuzata, kaha ikiye ayile na kumbata kanyike wapwevo wamu Katolika, kaha aputukile nakuhungumuka. Kaha vakiko vapwile nakuya nakulinga *echi*, *chize*, na vize *vikwavo*, kaha—kaha navyosena; engilile muukalu. Kaha ise ayile kuli ikiye, ngwenyi, “Jino tala, mwanami walunga, ove muya nakwolola?”

Ngwenyi, “Tata . . .”

Ikiye avulukile liuka lyavo ngwenyi lizavu lya vakakujila vakulyalanga, ise. Ikiye ngwenyi, “Jino, tala, ove muya na kwolola chuma kana na liuka?”

²⁰⁷ Ikiye ngwenyi, “Jino, tata, ove uli tata yami, kaha kangwazangile ove wingile muukalulu wami.” Chosena chakwoloka.

²⁰⁸ Ikiye ayile nakumbata umwe mukakuzata muliuka kaha ayile nenyi kuzuvo yenyi. Ngwenyi—ngwenyi, “Wesley, Ngwatondo kuhanjika naove.” Ngwenyi, “Ove muya nakwolola *echi* chuma kana na liuka?” Kaha ikiye amuhanyine kukumbulula chachahi. Ngwenyi, “Anuka, Wesley, Ngukafunga kaliuka. Yami ngu iso, oloze Nanguya nakulinga omwo nahanjika Kalunga. Nanguya nakukuhana makumbi seti wolole *echi* na liuka, mokomoko etu natuya nakukutambula nakukufumisa Kumeso a Kalunga. Ove uli mwanami walunga; ikiye ali Mulwilo wami.” Ngwenyi, “Ngwakuzanga. Kaha naove watachikiza, Wesley. Ngunahase kukufwila hano vene. Oloze ove watela kwolola *echi* na Lizu lya Kalunga. Talenu?” Kaha ikiye, “Ngwapwa kafunga. Ngwapwa kafunga wautanga. kachi ove uli mwanami, mokomoko kalamwosena omwo ove uli, ove watela kwoloka na Lizu lya Kalunga. Kachi ove muhona kulinga *echi*, kahajino kangweshi kupwa watelamo kupwa kafunga Kenyi ko.”

²⁰⁹ Kanyike walunga, uze ali kafunga. Ou ali muthu kaha. Kaweshi nakushinganyeka ngochoko? Ou ali kaha muthu. Ikiye amulwekele uze kanyike walunga. “Kaha ikiye umulemeke,” ikiye ngwenyi. Oloze ngwenyi, “Ika? Hiya ove muya nakulemeke, ou muthu, mokomoko kulemeke Mulwilo wove? Shikaho,” ikiye ngwenyi, “kahajino etu twatwaliliho lika.” Kaha ngwenyi, “Ikiye kahashile kuchilingako. Kaha etu . . . Ngwalwekele liuka.”

²¹⁰ Ikiye ngwenyi, “Mwanami walunga, Wesley, ikiye akanyine kwivwulila kuli yami, muli ou ukalu. Ikiye akanyinene kwivwulila mukakuzata muliuka. Kaha ove uli chinjiho cha evi, Ndumbu walunga *Shikaho kaha Shikaho?*”

“Eyo, Nguli.”

“Chosena chakwoloka. Na eyite koloko, na Chalumingo chili nakwizaho, namuhita vyalumingo viwana kufuma hano, kachi ikiye kahashile kwolola *echi* na eli liuka ko, etu

natuya nakumusuwula Wesley, mwanami walunga, kuli liyavolo, mangana vakenyeke mujimba wenyi. Manyinga Eyi, awa Manyinga awa . . . awa a Yesu Kulishitu, kaha lino liuka, lihone kumukinga ikiye cheka.”

²¹¹ Kaha uze ufuku ejile. Emanyine ha kamenga, ngwenyi, “Ikiye ali kaha na minyutu ivali yinasaleko.” Kaha lwola lwejile. Ikiye ngwenyi, “Jino, kupwa mwanami walunga, Wesley Rasmussen . . . ngwenyi ku chino chikungulwilo, kuli Ove, Kalunga Waundume: Etu tunalingi mwosena omwo etu twatela kulinga, kutesekesa na Lizu Lyove na jindondelo Jove—Mwanove Walunga, Mulwilo wetu, natusela etu. Etu jino, Nguli nakusuwula kanyike walunga, kaha lino liuka na yami, ku kwenye- . . . kuli liyavolo, mangana mujimba wenyi vawenyeke, mangana mwono wenyi vakaulwile.” Mukiko kaha vahanjikile. Chuma cheka chauchi chatwalileho, mwahichile milungu umwe mokomoko ivali, pamo kakweji umwe mokomoko ivali.

²¹² Ufuku umwe, Wesley avijile. Kaha omwo ikiye avijile, ikiye atwalileho nakupwa wakuviza. Ikiye asanyikile ndotolo. Uze ndotolo ejile kaha nakumupima. Ikiye ngwenyi ali na mashika akuheta ku handulendi na faifi. Ikiye kawanyine numba wukalu unanehesa ko. Oloze ikiye atwalileho kuviza. Ndotolo ngwenyi, “Kanyike walunga, Ngunahone kutachikiza chuma muka chinasoloka nayove.” Ikiye katachikijileko namwakulingila. Ngwenyi, “Chamwaza sanyika kulunganga.” Vakiko vasanyikile kulunganga, kaha uze kulunganga ejile. Vakiko vamutwalile kuchipatela, amupimine, mwosena. Kaha ngwenyi, “Kangweshi kuhasa numba kumilwekako. Ou kanyike walunga ali kaha—ali kaha nakusoloka ufu.” Puwenyi emanyine kuze, ali nakulila, navyuma vyosena nge ngocho. Kaha vana vanemana vanajinguluka kukahela kaha kwosena nge ngocho. Ikiye ngwenyi, “Ali nakufwa. Mweka mwauchi.” Ngwenyi, “Kuzata chamuchima na kuhwima chenyi, vili kaha nakushikumuka lwola lwosena.”

²¹³ Ikiye ngwenyi, “Sanyikenu tata.” Mamalelo, eyo. Mukiko mujila kaha mwakuchilingila. Mukiko kaha. “Sanyikenu tata.” Kaha ise alahile nakuya kuchipatela, washi washi, nakumutala ikiye. Ikiye ngwenyi, “Tata, Kangweshi kuhasako jino, oloze Kalunga ewvulile mazu ami jino. Nanguya nakwolola vyosena. Nanguya nakwolola. Eyo, Nanguya.” Eyo, mwane, ndumbu walunga. Hazevene kuhwima chenyi chaputukile kukinduluka nakupwa kanawa.

²¹⁴ Kaha Chalumingo chikwavo, ikiye emanyine kumeso aliuka. Ikiye ngwenyi, “Ngunavulumuna kumeso a Kalunga, kumeso aliuka. Ngwakanyine kwivwulila mazu a kafunga. Ngwa—Ngwakanyine kwivwulila mukakuzata muliuka hano.” Kaha ngwenyi, “Nguli nakulomba liuka lingukonekele yami ha kupihisa Ngunalingi ngana.” Ngwenyi, “Kalunga nalame mwono wami.” Nangumilweka, ikiye olokele nakupwa mujila.

Yaa. Omu mukiko mwatela kulinga, talenu. Talenu? Enu, kachi enu namuya nakulinga echi mujila ya Kalunga! Talenu?

²¹⁵ Jino, talenu, mujila etu twejikulinganga, etu natupwa na kuliwana cha vakulwane, kaha etu natuhanjika, “Chamwaza, jino, etu twatela kulama...” Kangweshi nakuhanjika ha mbalaka ko, oloze shi Etu vathu Vakakulikanga kuli katolika. Etu natupwa nakuliwana, kaha, “Enu mwashinganyeka ika hali Jones? Enu mwashinganyeka nge etu twatela kulinga ika naikiye? Ngwashinganyeka ikiye mwalingisa Mesondisiti kupwa kanawa kuhambakana etu.” Yenu vaze. Mukiko, echi chili chakuhenga. Ou ukiko mulonga etu katwatela kukavangiza visemwa vyavoko. Kaha tulama vamwe, etu twatela kumusanyika (kalamwosena... Chuma muka, enu musanyikenu ikiye? mukulwane wambongi wa muliuka lya Pendekosita? “mukakunangula wamumbongi”)—musanyikenu mutale omwo mwalinga.

²¹⁶ Eyi Mbimbiliya yeji kutulweza mwakulingila. Ou ukiko mulonga etu katwalika na vikungulwilo vyavoko. Etu natutwama nakupwa vakukasunuka kufuma kuvyuma kana. Amena. Keshi kupwa wakuzaluka hali yami, eyi chiku? Kanda ove mukachilinga chekako. Chosena chakwoloka. Nanguya pamo hamene naufuku nanguya nakutambula vihule. Oloze, chamwaza, echi chakwoloka. Talenu? Anuka. Tachikiza...

²¹⁷ Ngwahanjika echi jino. Enu vathu muli muno vakufuma kumauka avikungulwilo akuhandunuka handunuka, chikungulwilo chove, kaha, ndumbu walunga, Kangweshi nakuhanjika nge kamweshi Vakakulishitu ko. Kangweshi nakuhanjika chikungulwilo chove kayeshi na Vakakulishitu vakuzanga muzeko. Ngulinakweseka kuhanjika mulonga ou etu twazeneka kupwa chikungulwilo. Mwomwo, Ngunahono kwimana hali echi. Nduma, mwane. Ngunakunyuka nge kangweshi kuhasako. Vakiko vali nakweseka nakumilweka enu mwakulingila. Kachi Kalunga angusanyikile kunangula Mujimbu wamwaza, kajino Nangu Unangula mujila Kalunga nangulweke kulinga. Echi chili vene, mujila vausonekela muno mu Mbimbiliya. Kanda kulinunga na Echi ko, kahajino echi chinapu... Kalunga mwakaya nakungusopesa yami hali echi. Oloze kachi Nguli—kachi Nguli—kachi Nangumona kangunge ali nakwiza, ngomoko mukakole ali nakwiza, kaha Nanguhona kuvahuhumuna, kahajino Kalunga mwakanguhula. Oloze kachi Nangukuhuhumuna, kahajino echi chili kuli ove jino. Talenu?

²¹⁸ Anuka, “Kuze mumakumbi akumakumishilo, nge lwola lwakumakumishilo nakukeza maukalu eka na eka, vathu navakapwa vakakulizanga vavene, vakakulitukwojola, vakakulivimba, vakakusaula Kalunga.” Talenu, vakakusaula Kalunga, “Mamalelo, eli lizavu lyavileya. Makumbi avikomwesa vyahita lyehi. Kakweshi chuma changochoko.” Ikiye ali kapolofweto wakwonga. “Jino, tunatachikiza nge mapwevo

jetu valinavishinganyeka malunga.” Kangweshi nakutwala pamiko hali echi chipwe chindendeko, oloze Mbimbiliya ya Kalunga yahanjika nge musosolwesenu kukamenga. Echi—echi chili chamwaza chikuma kuli yami, talenu. Echi chakwoloka. Chosena chakwoloka. Talenu?

Kaha ngwenyi, “Chamwaza, jino, vikungulwilo vyetu, tukwechi vathu vamwaza vavavulu nge namuya muze mumbalaka.” Kangweshi nakuhanjika hali echi chindendeko, oloze Mbimbiliya yapaisa vikungulwilo. Echi chakwoloka. Kaha, shikaho, Kangweshi nakuhanjika nge enu kamweshi na vathu vamwazako muliuka lyenu. Echi chinapu chamwaza. Vakiko vali vathu vamwaza. Vathu vamwe vamwaza, Ngwaliwanyine navo vosena, Katolika navosena. Vakiko vosena, Ngwaliwanyine na mamembala vamwaza.

²¹⁹ Jino, mujila natuya nakuneha echi jino, masepa, kachi Mwata mwachitavila, mukutanga chikwavo chinakushisaho, pamo . . . Nanguya nakumilweka hamene na chimene nge nahase kupwa nacho hamene na musana mokomoko nduma, talenu, kumbata echi. Mulonga tuli nakweseka kulinga echi, Ngwatondo kuneha echi kukaputu vene jino. Jino, kachi mwatondo kwiza naumwe nayenu, enu twamisambilila hali ocho. Oloze anukenu jino, kanda—kanda kuya nakutonda kuwanyina tutengako. Enu twayenu hano . . . Nguli kaha nakuhanjika kuli yami lyavene—kuliuka lyami, talenu. Kanda kunangula echi kusali yachikungulwilo chamiko hano, ’mwomwo chize chinapu kusekasana cha mthuweka. Echi, ikiye ali kafunga kautanga. Kaha—kaha Nguli kaha . . . [Hatepu hapimbi—Muka.]

²²⁰ Kukinduluka ku Kuputuka, namuya nakufumisa echi, kaha talenu echi chilikulihi. Jino natuya nakukinduluka ku Kuputuka, kuwana nge mwana wakuzeneka ise katela kwingila muchikungulwilo cha Mwata ha visemuniino fwoteni. Omwo echi chili . . . Echi nachiya nakupwa na myaka handulendi ize shili kufuma muze. Natuya na kuwana omwo chize—kuzeneka kwoloka cha visemi nachikaya nakutambukila vana na vana vavo, omwo chize chaputukile mu Kuputuka, kaha navya ngocho.

²²¹ Kaha enu . . . kahajino namuya nakumuna echi, kinduluka kunyima, nge Kalunga, shimbu kanda kwala kihela chahamavu, shimbu kanda numba ka atom katotoke, kunyima okwo shimbu kanda kumunyika chizenga, Kalunga atachikijile tengeso yosena na vyuma vyosena navikapwa hamavu. Kuliko mthuumwe hano . . . Kaweshi kuhasa kulumbununa eli lizuko, kaha nakulilumununako, na kuhajika ha lizu lya “kupwa kwosena” omwo lya lumbunukila. Chochimwe nge kwalumuna likalatu kuhetesa ku—ku kuzeneka kukukuma. Chochimwe, chili kaha kufumisa hano, mukiko kaha. Talenu? Kuzeneka kukuma! Kaha katweshi, muvishinganyeka vya kuzeneka kukuma, kuwana Chishinganyeka chakuzeneka

kukuma chinahase kwimita. Talenu, katwalinga ngochoko. Enu, kamweshi kuhasa kulinga chizeko. Talenu? Oloze kachi nauya kaha nakutala, kwachilila ku Shipilitu, enu munahase kwivwa mujila kana. Kaha—kaha kindulukenu mu Chisoneka kaha namuya nakumona jino, talenu, kunyima okwo shimbu kanda kwala chihela chahamavu.

²²² Jino, Mbimbiliya yahanjika ngwavo Yesu Kulishitu apwile mwana Mukoko wa Kalunga. Jino ivwulilenu kanawa, shikaho, kachi vamwe muli enu kaweshi kukapwako hamene, kwivwa omwo natukakumisa. Eyi Mbimbiliya yahanjika ngwavo Yesu Kulishitu apwile mwana Mukoko wa Kalunga, wakujihya lyehi kufumisa kukwala chihela chahamavu. Echi chakwoloka? Lwola muka Ikiye vamujihiye? Kufumisa kukwala chihela chamavu. Aka kaye, kachi vakatunga kufumisa kumukuta wa vihanda vya ma atoms, chakokele musana, shimbu kanda chize chipwengako. Kahajino, shimbu kanda kupwenga numba atom chakavanga kulovoka cha likumbi, kachi echi chapwile kumunyika chakufuma kulikumbi, echi nachipwa myaka handulendi ya ma mbiliyone tililiyone tililiyone matililiyone kunyima okwo shimbu kanda kupwenga kumunyika chakufuma kulikumbi, Kulishitu vamujihiye lyehi. Omwo vishinganyeka vyavinene vya Kalunga kutwama ha chuma chimwe, kupwa chuma chakukuma. Omwo Kalunga ahanjikile, “Echa kupwenga,” chapwile chakukumisa lyehi. Kachi echi chinambate myaka handulendi billion kufuma haze, echi chapwile chakukumisa lyehi haze vene Ikiye ahanjikile chize. “Kaha omwo mwana Mukoko vamujihiye kufumisa kukwala chihela chahamavu,” eyi Mbimbiliya yoyimwe, eyi Shipilitu yoyimwe yasoneka na kuhanjika, “Majina etu vawahakile mu Mukanda wa mwana Mukoko Wakuyoya shimbu kanda kwala chihela chamavu.”

²²³ Shikaho uze lunga asonekele ou mwaso, “Kuli Lijina Lyalihya lya Kusoneka Muze Mu Upahu,” enu mukwechi ulumbuniso wamwaza, oloze ikiye apwile wakuhona kutambuka mwaya chisoneka. Talenu? Lize lijina lyapwile lya kusoneka muze mu Upahu omwo kaye... shimbu kaye kaputuke. Omwo mwana Mukoko apwile wakujihya lyehi, majina etu apwile akuhaka mu Mukanda wa mwana Mukoko wa Kuyoya.

²²⁴ Echa—echa ngumbate Chisoneka chimwe chachindende. Namuya nakuunda mu munyutu umwe? Echi chineza jino muvishinganyeka vyami. Ngwashingtonyeka Ngunahase kufukununa hali echi. Ngunahono kupwa wakukunyuka. Kaha jino Ngukonekelenuko hakumishimbwisa, oloze Ngwamilwekanga nge mbwe namukachi kaufuku; kacheshi chachipiko. Oloze Nguli—Nguli nakutonda ku—kumbata echi, Chisoneka chimwe kuli chize.

Fukununenu hamwe jino nayami mu Mukanda wa Loma, kaha Ngwatondo enu mutange hamwe nayami. Jino, echa

tutalenu, Loma, kachi Nanguhasa kuwana, pamo hano vene. Jino echa tumbatenu Loma 8, kaha—kaha echa tuputuke na vasi ya 28 ya kapetulu 8 wa Loma. Kaha Ngwatondo enu mutanga nakulomba hamwe nayami jino. Iwvulilenu hano vene omwo Kalunga mwahanjika.

Kaha tunatachikiza ngwetu vyuma vyosena vyeji kuzachila hamwe nakuneha kuwaha kuli vase vamuzanga Kalunga, kuli vase vapwa...vakusanyika mwaya pungu yenyi.

Mwomwo vase ikiye atachikijile lyehi, . . .

²²⁵ Mangana kuvahana. . . Munahase kutanga hamwe nayami? “Mwomwo ikiye. . .”

Mwomwo vase atachikijile lyehi, ikiye avatongwele nawa (chosena chakwoloka) vavatunge kupwa muchivwuvu cha Mwananeyi, mangana ikiye akapwe twatwa hali vandumbwenyi vavavulu.

Eyo vosena vase atongwele lyehi, vakiko nawa avasanyikile: kaha vase asanyikile, vakiko nawa avavulukilile kwoloka: kaha vase avulukilile kwoloka, vakiko nawa avatohwesele.

²²⁶ Kufumisa ku kwala chihela chahamavu! Omwo Kalunga atalile hamavu. . .Jino, Kalunga kanda lyehi atwaminyine ufwishi Yeniyi, kuhanjika, “Chamwaza, jino, Nanguya ku. . . Mamalelo, natuya nakulinga ika jino?” Talenu? Kakweshi chumako. . .

²²⁷ Anuka, kuzeneka kwoloka, shili, chinapu kwoloka vanachongonona. Ou liyavolo keshi kuhasa kutengako. Kala muthu, vyosena, iwvushisenu echi? Echi chinapu Kunangula cha eli liuka. Ou liyavolo keshi kuhasa kutengako. Ikiye nahase kaha kuchongonona echi vanatenge kuli Kalunga. Jino, kuchongonona chumamuka? Hano, enu muvosena muli nakusoloka nge muvakulwane, enu vosena. Ivvulilenu echi. Etu tuvathu vakulimbata. Kaha muli malunga vakumbata na mapwevo vakusomboka munahase kuyoya hamwe nge pwevo na lunga, kaha ava mapwevo vapwa mwomumwe nge omu vapwile. . .Vakiko navapwa sanda, nge ove mutwama hamwe na lunga lyove. Ech chakwoloka. Jino, cha chinyulo kaha munanyi jishimbi, kaha echi nachipwa chakwoloka. Chili cha kutongola kuli Kalunga kulinga ngocho. Pwevo mukwavo nahase kulinga mwomumwe nge puwove; umwe wavo, ove uli wakwoloka kumeso a Kalunga; kaha vilinga vyovimwe kuli pwevo mukwavo, ove mupwa wakupaisa kumeso a Kalunga, palanga nakukufwa. Chuma muka echi? Kwoloka vanachongonona, talenu, kwoloka vanachongonona. Jino, liyavolo katengako, oloze ikiye eji kuchongononanga kaha vize Kalunga natenge lyehi.

228 Makuli chuma muka? Uli muchano vana chongonona. Muthu umwe ngwenyi, “Mamalelo, tala, chapwile ha Sateli naufuku, naine koloko, eyo, Bill Branham apwile mu Jeffersonville,” mukiko vene. “Kushikumuka ku Antz saloon, napende,” makuli. Chapwile chuma muka? Ngwapwile mu Jeffersonville. Ou ukiko muchano. Echi chapwile kwoloka vana chongonona kupwa makuli. Talenu omwo Ngwatwale? Talenu, makuli eji kuchongonona kwoloka. Echi chili chuma chimwe chize vambulwile kuze Ngwapwile. Jino, kachi vahanjikile, “Ha liuka, kunangula,” mukiko vene. Echi chakwoloka. Ikiye nambulula muchano. “Kuze kuchapu, chakunwina,” makuli. Vana chongonona; talenu, muchano vanachongonona. Talenu omwo Ngwatwale? Kuzeneka kwoloka chosena chinapu kwoloka vana chongonona.

229 Kufwa, Chuma muka? Kuyoya, vana chongonona. Kuviza? Kulikangula, vana chongonona. Enu mwatelanga kupwa vamwaza, lunga wangolo. Chosena chakwoloka. Kachi enu muli nakuviza, chuma muka? Kulikangula chove vana chi chongonona. Talenu? Mukiko kaha muchili. Chuma muka? Enu omwo mwapwilenga vanyike, mapwevo vamwaza; kaha vangolo, malunga vamwaza. Jino muli namikanya, nakukota. Chuma muka? Kuyoya, vana chongonona, talenu, kukinduluka kunyima cheka. Talenu? Kaha chatela kukinduluka cheka kunyima. Lijina Iya Mwata Valikisule! Kalunga nashiki kuchikindulwisa. kaha kupwa kaha vakukunyuka nge echi—nge echi chili (tunatachikiza chili hano), shikaho kupwa kaha vakukunyuka nge omu chili, Kalunga ali nakuya nakuchineha cheka. Ikiye ashikile kaha nalishingi Ikiye mwaya nakuchilinga. Mukiko nachihanyina.

230 Jino, ngachilihi, twatela kupwa vathu vangachilihi? Jino talisenu omu vyuma kana vilinakusoloka. Jino, vaze Ikiye atachikijile Iyehi, Ikiye avasanyikile Iyehi; vaze Ikiye asanyikile, Ikiye avavulukilile kwoloka. Omwo? Shimbu kanda kwala chihela chakaye, shimbu kanda kaye kaputuke. Jino, kachi etu natumbata echi Chisoneka na kuchivuluka kupwa chakwoloka, natumbata jiola hali echi, oloze etu—etu katwatodele kulinga ngachize ko. Oloze echi kuzeneka kwoloka chosena hano, chili kwoloka vana chongonona kupwa kuzeneka kwoloka. Omu mukiko eji kulinganga liyavolo.

Jino, omwo natwiza kuvisemunuino omwo vyapwa, kaha munatachikiza chakuhenga chika na chakwoloka chika, enu mwatelanga kwalumuka kufuma kukuhenga chenu. Mwomwo, enu muli vakusemukila mushili, kupwa muupapwoke, kwiza kukaye nakuhanjika makuli. Kahajino enu muli—enu muli vakusemuka mukufwila chausunda, kaha jino enu mwatela kusemuka cheka, mangana mutambule Kusemuka chachihya, mukengile Mwilu. Mwomwo, kusemuka kana echi muli nacho hano. . . .

²³¹ Talenu jino omwo Vinjiho ja Yehova navapwa vakuhenga hano, kushinganyeka nge Kusemuka chachihya chinapu kusanguka cha mujimba? Mwamono, chinahase kupwa. Talenu? Echi chatela kupwa chuma chimwe. . .

²³² Enu, muli mulihanya lya lwola. Kaha chuma kaha chili chakuyoya cha Hayamyaka shina chize chazeneka kupwa nakuputuka mokomoko kupwa namakumishilo. Kala chuma chili Chahaya myaka kachatwama na maputukiloko, mokomoko kacheshi kahasa kupwa namakumishiloko. Talenu? Shikaho kachi namupwa chihanda cha Kalunga, Shipilitu eyi ili muli enu ize kayatwama namaputukiloko mokomoko kayeshi kahasa kupwa namakumishiloko, kaha muli wa Hayamyaka na Shipilitu ili muli enu. Talenu? Nge eyi—eyi—eyi zangi ya *Ukalunga*, kahajino kwiza naku zangi *yautu*, kaha jino kwiza naku zangi ya lwiso. Ili kaha nakutwalilaho kuya nakushikumuka na kushikumuka, kuchongonona na kushikumuka palanga nomu nayiza kuliwanyina mumajilo amwe. Chamwaza, jila imwe kaha, Yesu ejile nakushikumuka kuhichila hamanela oamwe, kushikumuka hano nakumbata nakukinduluka cheka muze Mwakujindama, kufuma muze mwakukunama; kufuma mukufwa nakwingila Mukuyoya, kufuma mumisongo na kwingila mukulikangula, kufuma mukuzeneka kwoloka nakuya mukwoloka. Talenu? Ikiye afumine Mwakujindama nakwingila mwakukunama, mangana anehe mwakukunama mukujindama. Ikiye ejile nakupwa yami mangana Ngupwe, kuhichila mulikoji Lyenyi, ngupwenga Ikiye, swana wa Litanda Muupahu. Talenu omwo Ngwatwale? Vyuma kana.

Jino tala. Kunyima chikuma shimbu kanda kaye kaputuke numba kupwa na atoms, omwo Kalunga amwene vika navikaya nakusoloka, kuze vene Ikiye akumwene ove, Ikiye angumwene, Ikiye amwene mbwangala, kala jiji, kala chizunda, kala chikesu. Kala chuma nachikapwa hamavu, Ikiye achimwene vene. Punduvene, Ikiye achimwene.

²³³ Jino, Ikiye kambile ngwenyi, “Nanguya nakutuma Mwana Mi kaha nakumwechela Ikiye afwengako, kaha pamo muthuumwe mwakaya Nakumwivwilakeke. Kaha nachikasoloka kupwa chausona, pamo muthu umwe navakamulwila.”

²³⁴ Ikiye atachikijile lyehi hiya navakalwila! Eyo, mwane. Ikiye ngwenyi, “Esau Ngwamuhunga, kaha Yakova Ngwamuzangile,” shimbu kanda naumwe apwenga na lihanya lya kwinjikiza omwo apwa, mwomwo Ikiye atachikijile omwo vakiko navakapwa. Ikiye atachikijile. Ikiye atachikijile vyuma vyosena. Ikiye atachikijile ovyo mukalinga, shimbu kanda usemuke, mokomoko kuputuka cha kaye.

²³⁵ Jino tala. Nge omu munatachikiza, Ngwa—Ngwa—Ngwapwa muthu wakukwata uta. Ngwa—Ngwazanga mata.

Kaha mapwevo vamwe mu Texas, Ngwafwelela mu Texas, vangunehelenele Swift, twende tu Swift. Ngwatondelenga yimwe. Ngwatondo kuyikekeza. Wapwa uta wawkwashisa wangolo chikuma. Wapwa wavilyanga twende tu, vilyanga fwote eyite. Kaha unahase kwingisa vilyanga namavoko. Jino, kuze kwakutungila ngwavo, “Kanda kachi lingako; chili chaponde.” Oloze unahase kwingisa vilyanga kuzachisa mavoko nakwasa faifi sauzande ha second, kaha hanga wapwila muchihela chavo. Faifi sauzande ha second, kupwa milosi ha second. Mu mazu akwavo, kambembe natwame, tu handulendi yards. Ove mwasa kambembe, mumona mangona kupekumuka shimbu kanda uta ukuvete. Talenu? Echi, oloze naumbata, kachihanda kachiswaswa chakuchokwesa mukanwa, kuhaka muunga, kaha hingununa *chize* chikuma muze, wakutamo ove unahase kukwata kuchiswaswa chakuchokesa mukanwa; kaha mwasa hali chihengi natwame kusongo ya zuvo kuze, ikiye natwame kaha nakukutala. Ukalu uli hali? Chilyanga cheji kulimwanga, vili nakuya lumbushi, kupwa-...Kaha ove unahase kuhaka lilata mukachi ka hano na kuze, kaha enu kamweshi kuhasa kumona numba chifuwa hali latako. Nachiya nakwalumuka; keshi naku—uto, uto wa volcanic, oloze nachiya lika kuhambakana haze. Nauya nakwalumuka na kupwa acids ize veji kutungangako copper na lead yize ilimo. Yeji kukinduluka nge omwo yapwile kunyima okwo handulendi mbiliyone yamyaka. Jino, hano hali kachilyanga kakandende, chilyanga cha fwote eyite grains Ngunakwate mulivoko lyami, kaha mu second kaha nachikinduluka kumyaka handulendi miliyone yamwaka okwo. Kaha kachi kaye nakaya nakwimana, naukinduluka ku handulendi, unahase kukinduluka kupwa chilyanga cheka, chinahase kuchikindulwisa, mwomwo chinafumu kunyima, mwomwo nachiya na kwingila mu copper.

²³⁶ Jino tala omu Kalunga alingile, kahajino nauya Nakumuzanga. kahajino nauya kwimbo, kaha nachimene naukotokela kusala. Kaha—kaha ove—nauya Nakumuzanga chikuma kuhambakana. Jino, Kalunga apwa Khambi. Vangahi vatachikiza echi? Ikiye apwa Mukakutunga. Chosena chakwoloka. Ivwulilenu kanawa. Jino, Kalunga kunyima okwo, mokomoko, vakiko ngwavo...Jino etu tuli nakuya nakumbata chisemunuino. Kalunga, kunyima okwo handulendi mbiliyone ya myaka okwo, omwo Ikiye apwile nakutunga kaye, chamwaza, Ikiye aputukile kaha. Jino, Ikiye apwile...Ikiye apwile nachishinganyeka muvishinganyeka Vyenyi.

²³⁷ Jino enu namuya nakuhanjika ngwenu, “Kachi Ali wamunene, Ndumbu walunga Branham, kaha Amwitavilile ika liyavolo kuneha shili?” Chamwaza, Ikiye atachikijile, shimbu kanda liyavolo vamutenge, nge mwakapwa liyavolo ivene. Upahu! Jino Ngulinakwivwa nge kulifukula. Mamalelo, yami! Ikiye atachikijile, shimbu liyavolo kanda vamutenge, nge

mwakapwa liyavolo. Jino enu hulenu, “Nyi echi ngachilihi?” Enu ngwenu, “Mwomwoika Ikiye amwechele kupwa liyavolo?” Mangana Ikiye enjikize kupwa Kalunga. Ou ukiko mulonga Ikiye alingile chize. “Mwomwoika kwatwama kuzeneka kwoloka? Mwomwoika?”

²³⁸ Chuma muka chakulivanga, Mulwilo mokomoko mukashili? Chuma muka chakulivanga? Uze Mulwilo. Chuma muka chakulivanga, Mukakuka mokomoko muthu wakuviza? Mwomwoika vetavijile muka shili? Mwomwo muli Ikiye mwatwama kupwa Mulwilo. Kachi kakwapwilenga mukashili ko, Ikiye kachi kapwa Mulwilo ko. Haleluya! Ikiye nahase kulinga vyuma vyosena kuneha upahu kuli Lyavene. “Kumana tengi nahase kuhanjika kuli. . .Mokomoko, ndeho kuhanjika kuli tengi, ‘Ove uanangutenge ngana?’” Hiya ali mulifumbo? Hiya ali na ndambo? Mumavoko eya uli? Paulu ngwenyi, “Mamalelo, muthu wachileya, kumana Ikiye kahanjikile Ikiye amukatwile Fwalo hali eyi punga yoyimwe ko?” Punduvene. Ikiye achitachikijile. Shimbu kanda kaye kapwengako, Ikiye atachikijile omwo nachikapwa. Kaha Ikiye echele kupwenga shili, mangana Ikiye apwenga Mulwilo. Ikiye echele kupwenga misongo, mangana Ikiye apwenga Mukakuka. Ikiye echele kupwenga chijindo, mangana Ikiye apwenga Zangi. Pundu, Ikiye achilingile. Ikiye apwa Kalunga, kaha evi vikiko vyapwa muli Ikiye. Kaha Ikiye atela kupwa na vyuma vimwe atela kusolola kupwa vyuma vyatwama muli Ikiye.

²³⁹ Kaha naukatachikiza ngachili nge kwatwama ufuku, naukatachikiza ngachili nge kwatwama kala chuma? Kachi kwapwilenga musana kaha, kaha naukatachikiza ngachilihi nge kwatwama ufuku? Kuli ufuku, mangana winjikize musana. Pundu, kuuli. Amena. Mwamono omwo Ikiye alingile?

²⁴⁰ Oloze omwo Ikiye apwile kunyima okwo, shimbu kanda chikuku cha kaye, shimbu kanda Ikiye ambate ou musana wamwaka kaha nakutambukisa ou tanganyika wamwaka ou etu tuli nakuyoyela jino, awa mavu, kaha Ikiye awu umbile hano na musana, kaha nakuhaka mwishi yamusana. Ngwenyi, *hano* jino ukiko musana. Ikiye awu umbile kusali *eyi*, kaha nakulyecha lisukame mumyaka handulendi mbiliyone. Ikiye apwile Nakulinga ika? Jipeho jimwe. Ikiye atambukile nakujinguluka kusali *eyi*, Ikiye atungile chuma chikwavo. Ikiye apwile Nakuchilingila ika? Makala amwe. Ikiye atambukile nakujinguluka kusali *eyi*, kaha Ikiye apwile nakulinga ika hano? Kutunga unga wavifwuwa. Ikiye apwile Nakulinga ika? Ikiye apwile nakutunga ove na yami. Chuma muka Ikiye apwile nakulinga? Nge khambi kwala pamo tu na fwo kaha na tu na eyite, kwala chenye, kusali yenye, ikiye atachikijile mazuvo angahi ikiye mwaya nakutunga. Kaha etu vatutunga na vyuma vya sikisiteni vya kufuma kumavu, kaha Ikiye apwile nakukutunga etu vosena, kaha kwala shimbu kanda kaye

kezanga. Kaha Ikiye. . . Pamo ashimbwile ha lwola kana luzu; Ngwahono kutachikiza omwo chapwile. Ika Ikiye ambangile ulu, na copper, na fwelu, na meya, na vyosena evi? Ikiye apwile Khambi. Ikiye pamo. . . Uze Mukakutunga, Ikiye apwile na kwala vyuma vyosena kuze, apwile na vyuma vyosena vyakuvatula lyehi kaha vyakulongesa lyehi. Omwo Ikiye apwile hana pange lyehi, chapwile kaha vimavu vyavinene. Ikiye echele vize vimavu kutwama haze mummyaka handulendi mbiliyone, nakukungika unga wavifuwa. Chuma muka? Chinapu chihanda cha ove.

²⁴¹ Kaha jino, shimbu kanda kupwenga numba kamukila ka kuyoya hano hamavu, mijimba yetu yapwilenga yisavala hano. Haleluya! Shimbu kanda kupwenga numba lisotosoto lya chikekeshi kwiza hano hamavu, etu twapwile twasavala hano. Omwo Alama ahindukile muze mulitepa lya Milemba, Ngwapwile ngwasavala hano. Amena. Eyo, mwane. Mamalelo, upahau! Omwo vaze va Keluve, vatanganyika va chimene vembile hamwe, kaha vana va Kalunga vatambakanyine ha kuwahilila, Ngwapwile ngwasavala hano kuvandamina kuhwima cha kuyoya kwiza. Ngwapwile hano. Ikiye angutungile yami hano, apwile na mujimba wami wakusavala hano. Eyo, mwane. Kachi kachapwile ngochoko, kachi twafumune kulihize? Hah? Kaha chejile ngachilihi hano? Kalunga apwile nawo wakusavala hano. Kalunga autugile. Etu vatutunga kufuma kuvyuma vya sikisiteni: maji, wuto, na vyakumuka, kaha nakala chuma. Talenu, etu twapwile vakusavala hano.

²⁴² Kahajino chapwile ngachilihi? Kahajino Kalunga kuhanjika kuli Shipilitu Wajila, etu natuya kaha muvifwanyisa, “Jino Enu yenunga tuhu, kaha Enu namuya nakuzanga kaye. Mwomwo, Yami zangi, kaha Enu munapu chuma chakufuma kuli Yami, shikaho jino Enu namuya nakuzanga kaye.” Kaha Shipilitu Wajila wamunene, etu twashinganyeka, lovokenu; muchifwanyisa jino. Echi kachapwile ngochoko. Eyo, ou Shipilitu Wajila na Kalunga apwa pungu yoyimwe, pungu yoyimwe, Muthu. Ngukonekelenuko. Kaha kuhanjika kaha nge Ikiye ambilile mavava Eyi hano hamavu, Ikiye aputukile kukumbila. Chize kukumbila chuma muka? Nge kasumbi kuli vanavenyi, kuutamina, kusolola zangi, “Chukwa, chukwa, chukwa.” Mamalelo!

²⁴³ “Ove kuyoya, twaya kuno!” Ikiye atambakanyine. Ikiye atalile nakujinguluka. “Ngwatondo kuwaha hano hamavu. Twaya kuno, kumunyika!” Ou Shipilitu Wajila ali nakutambuka. Kaha omwo Ikiye alingile, Ngwatalile; kwiza, nge kuze kupili kuli liye liye, kuze kwejile unga wavifuwa kuhingunuka, na kulifutula na uto. Chapwile nakulivungila muka? “Mukuyoya, twaya kuno!” Kaha temo ya Paseka yafumishile mutwe kufuma mulilolwa. “Twaya kuno, Tata, tala hali chize.”

244 “Echi chinasoloka kanawa. Twalilaho kukumbila.” Ikiye akumbile jitemo. Ikiye anehele mitondo yosena. Ikiye anehele kuyoya cha tunyama. Vaze tujila vatukile kufuma mu lukungu. Hanyima ya chize, kwejile lunga na pwevo; nakupwa lunga, kaha uze lunga apwile muvali na lunga na pwevo. Keshi nge uze ukwechi ulunga naupwevo hamweko, jino. Kupwa kaha, apwile muli ikiye, ize yapwile shipilitu yakuvvovwuwa.

245 Omwo mumbata lunga wakuzeya, ikiye nahase kupwa wakwoloka, wakupwa kanawa, oloze kuli chuma chimwe chakuhenga. Kaha nge mumbata pwevo, natondo kumbitula jikambu jenyi na kuvwala mulukwe wakuzachisa, nakulovoka nakuya, kaha, “Kukisula Kalunga, Nangumilweka!” Kuli chuma chimwe chinahenge. Pwevo uze atwama na shipilitu yakuzeya, kaha lunga apwa wamishisa mishisa. Twatachikiza echi. Kaha munatachikiza echi. Kumana pwevo kusoloka kanawa, eseka kupwamo, yoya nge lunga?

246 Mwomwoika, Ngwatwamine lwola lumwe, Ngwapwile lingemukati, kaha Ngwatwamine mu mbasi nakuya kuze kaha ngwapwile na kumuveta uze pwevo hali hinji, na livoko lyami, kuhanjika kuli ikiye, kaha Ngwahonene kutachikiza nge ikiye apwile pwevo. Uze pwevo apwilenga na litema lya muwvungu wachozo, na vivanjilo vyavinene nge *ngana*, kaha Ngwapwilenga ngwatwame kuze vene, kaha uze pwevo apwile nakwambulula chuma chimwe kulimukwavo ha chuma chimwe. Uze pwevo ngwenyi, “Unatachikiza,” kaha ikiye ngwenyi, “kaha ufuku unahichi,” kaha asolokele wakufwakuluka nge omwo ahashile kupwa, kunwa makanya. Uze pwevo ngwenyi, “Ufuku unahichi, Nangulweka, uze mukwetu engilanga, helu lya chize chuma. Ikiye ngwenyi, ‘Yami!’ Ikiye ezanga nakufumako.” Ngwenyi, “Kanda lyehi ngusehehe chikuma muchiyoyelo chami.”

247 Kaha Ngwapwile nakuseha, munatachikiza, nge *ngana*. [Ndumbu walunga Branham mwavumisa mukusakwilila—Muka.] Ngwambile ngwami, “Kanyike walunga, uze apwile umwe, keshi ngochoko?” Kutwama kuze kuhanjika ngachize. Kaha kachi uze pwevo kafumishile chizeko nakunyikisa mutwe wenyiko, kaha apwile nachikolombweso kumutwe wenyi, nge apwilenga wa pwevo. Kangwevwile kupwa wamundende muchiyoyelo chamiko. Ngwa—Ngwambile ngwami, “Ove u pwevo?”

Uze pwevo ngwenyi, “Mwomwoika, mukiko vene!”

248 Ngwambile Ngwami, “Ngukonekeleko.” Kanda lyehi ngumone vyangana. Jino, ou, ou unapu muchano.

249 Ngwamwene chinjikizo likumbi likwavo, changutuvile. Chapwile na chinjikizo chachinene, ngwenyi, “Mapwevo vakalemesa vapwa vakulizanga kuvwala uvwalo.” Ngwashingtonyeka, “Kalunga Vamwalise hali chize.” Talenu? Oloze, kwiza nakuwana, chapwile kaha uvwalo

umwe uze vanatungu lyehi, munatachikiza. Ngwa—Ngwashinganyeka vakiko vapwilenga kuya nakuvwala vene uvwalo. Ngwachilingile vene. Ngwenyi, “Mapwevo vakalemesa vali vakulizanga kuvwala uvwalo.” Ngwambile ngwami, “Kalunga Vamwalishile hali vakiko. Echi chamwaza. Echi, Ngunakunyuka kusakwilila hali chize.” Oloze, talenu, vyapwile uvwalo umwe vakiko vatungile lyehi, chuma chimwe. Chatela kupwa chuma chausese, keshi ngochoko, mulino lifuchi? Chosena chakwoloka.

²⁵⁰ Kahajino omwo Alama ejile. Kaha jino Alama asolokele kupwa nauka, shikaho Ikiye ambachile lupachi kufumisa kusali na kutengako Eka, kupwa chuma chakufuma kuli ikiye. Ikiye atengele. . . Ikiye ambachile shipilitu yakuzeya kufumisa muli Alama, kaha nakuyihaka muli pwevo, shipilitu ya zangi, yakuzeya, yamwaza, yakwononoka. Kaha Ikiye asele shipilitu ya mishisa mishisa muli Alama. Jino, kachi kuli chuma chimwe chakulimbalaka, kaha kuli kuchongonona kumwe. Jino, kaha jino ava vavali vapwile umwe.

²⁵¹ Kaha shikaho echa tumbate chisela chindende shimbu kanda tusoke. Hano himweza. . . Hano, apwile Alama kumbata Eva kulivoko kaha vakiko vatambukile nakuya. Ngwazanga ou mujimbu. Kaha vakiko vatambukile nakuya, munatachikiza. Kaha Eva ngwenyi, “Mamaelo, wakuzanga, kumana ulinacho?”

“Eyo, Ngwalukanga echi.”

“Oloze wachivuluka ngwavo ika?”

“Uze vamuvuluka kupwa chimbulu. Huu-hu.”

“Chuma muka chize?”

“Uze ikiye ngombe. Huu-hu.”

“Ove wavulukanga chize?”

“Yaah. Huu-hu.”

²⁵² “Chize chili haze wachivuluka ika, vaze vavali vanatwame haze namitwe yavo hamwe?”

“Vaze vanapu tulyelyenge.”

²⁵³ “Mamalelo, Ngwamono. Ngwamono.” Kaha yako lika nge ngana. “Kaha chuma echi chili aha?”

“Ngwavuluka chize kupwa, *chize*, kaha nechii hano.”

²⁵⁴ Kaha, “Mamalelo, Ngwamono. Huu-hu. Echi chamwaza.” Kaha omwo ndumba akumbwokele. “Nyi uze wamuvuluka kupwa hiya?”

“Uze ikiye ndumba.”

“Nyi ou *hiya*?”

“Ou ikiye chisupa.”

²⁵⁵ Kaha, mamalelo, nge...“Mamalelo, Ngwamono.” Nge vene vana vakangatwe, munatachikiza, kaha vali nakutete nakujinguluka.

²⁵⁶ Shikaho, hanyima chindende, ikiye atalile nakujinguluka. Uze pwevo ngwenyi, “Sepa lyami, tala hali chize, likumbi lili nakushikumuka. Hi lwola lwakuya kuliuka.”

Munatachikiza, kuli chuma chimwe nge liukumbi hinalilauka, mweji kutondanga kulifukula. Kachi kamweshi kuya kuliuka ko ufuku uze, enu namutonda kwingila mukapete, nakutanga Mbimbiliya. Vangahi vazanga kulinga ngachize, lyuule ove lyavene? Talenu? Echi chili kaha muli muthu kulinga ngocho. Mwatela kulinga ngocho.

“Lwola lwakuya kuliuka.”

²⁵⁷ Jino, vakiko kavahanjikile ngwavo, “Jino, vandamine munyutu jino, jino, Jones apandama ku Assemblies, kaha etu twapandama ku...” Nduma, kachapwile ngochoko numba chuma changochoko, shikaho vakiko vayile kaha. Vakiko kavapwile na liukako, na chitwamo chamwaza chakutwamaho nge ngachizeko. Vakiko vapwile kaha mwishi ya liuka lyalinene lya mitondo, kaha kufukama.

²⁵⁸ Kaha ize Panda yapwile yakusukama muze mumusenge. Talenu? Kangweshi nakwivwa Lizu kushikumuka na kuhanjika, “Vana Vami vanasuwuluka hali lifuchi ya hamavu, lelo, evi Mwata Kalunga kenu namihane?”

²⁵⁹ “Yaa, Mwata, etu twasuwuluka lelo.” “Keshi ngochoko, sepa?”

²⁶⁰ “Eyo. Eyo, sepa, twasuwuluka.” “Mwata, etu Twakusakwilila vene. Jino Ngusendavale ngusavale.” Talenu? Kaha ikiye kwolola lize livoko lyenyi lyalinene, kaha uze pwevo kusavalaho, hali livoko lyenyi, kaha ikiye kusavalika chisupa na ndumba, kaha vyosena kusavala; shikaho mukuunda.

²⁶¹ Shikaho Kalunga ejile nakusuluka kaha Ikiye anehele, mamalelo, lizavu lya Vangelo, Gabriel, teteso Yenyi ya Mwilu. Shikaho vakiko vasulukile kaha vakiko vengilile kutambukila kusongo ya minwe nakwingila mukapete kakusavala, talenu, nakutalatala. Gabriel ngwenyi, “Twaya kuno, Tata. Twaya kuno. Tala hano. Ikiye ali hano. Hano, hano hakiko hanasavala vana Vove.”

²⁶² Vangahi muno vayaholyehi kukahela, enu visemi vamapwevo, ove na tata yove hamwe, na kutala hali uze kanyike walunga, kanyike wapwevo, kaha namulyanukisa umwe namukwavo, “Keshi—keshi nakusoloka nge enuko, *eyi* jila na ize jila?” Kanda lyehi mulinga ngochoko? Mwomwoika, lwola lwaluvulu Ngweji kuyanga kaha kuhanjika kuli Meda, kuhanjika hali Yosefwa. Ikiye mwaya nakuhanjika, “Bill, ikiye akwechi luholo nge ove.”

263 “Yaa. Oloze, Meda, ikiye akwechi meso amanene nge ove.” Mwomwoika? Ikiye ali chihanda cha kufuma kuli- . . . Ikiye napu chuma chakufuma kuli etu—cha kulinunga chetu.

264 Jino, kaha Tata ngwenyi, nahase kuhanjika echi hali echi. Ngwenyi, “Munatachikiza. . .” Kaha Gabriel ngwenyi, “Munatachikiza, ikiye ali nakusoloka nge Ove.” Omu mukiko Kalunga asoloka; tala hali ove lyavene. Omu mukiko Kalunga asoloka. Ikiye asoloka nge ove. Enu muli vana Venyi. Vangahi vatachikiza evi? Talenu?

265 Jino tala. Chiyoyelo chakukuminamo etu twatwama? Chimbotwe. Chiyoyelo chahelu muka? Uthu. Punduvene. Kaha chiyoyelo muka chahelu? Echi chatwalileho kwiza kufuma mwakushikumuka, kukanduka, kufuma muchizunda na kuli *echi* kaha na *chize*, nakutwala kuli kajila, palanga, navyangocho, muchiyoyelo chahelu, palanga na kukuzunda chahelu nakutwalilaho, kahajino vamutangile muchifwanyisa cha Kalunga. Ove oho. Kaha pwevo kamutangile muchifwanyisa cha Kalunga ko, oloze muchifwanyisa chalunga. Talenu?

Jino, jino, vakiko ava. Kaha Kalunga atala hali vakiko, ngwenyi, “Eyo, vakiko veji kusoloka—vakiko veji kusoloka vamwaza.”

266 Chuma muka chize, ndumbu walunga? Vakiko kavapwile na kufwako. Chize chapwile mukamo waunga wavifuwa, ndambo yatete, kaha vyuma vyosena vyafumineko. Keshi kuwahako? Oloze shili kwiza na kuhaka mwaji ha chifwanyisa. Jino, ali Kalunga. . . Chuma muka Kalunga etavishile echi? Mwomwoika Ikiye etavishile echi kupwa nge omwo tunahanjika hanyima ahana? Ikiye etavijile mangana Ikiye ahase kwinjikiza nge Ikiye apwile Mulwilo. Ikiye nachilingi. Ikiye echele misongo kusoloka, mangana Ikiye ejikize nge Ikiye apwa Mukakuka. Ikiye echele kufwa kusoloka, kwinjikiza nge Ikiye apwa Mukakuyoya. Talenu? Ikiye echele vyuma vyosena vyavipi kusoloka, kwinjikiza nge Ikiye apwa wamwaza, omwo Ikiye apwile. Etu natuya. . .

267 Enu namuhanjika ha kwimba ha mujimu wokusokoka! Mwomwoika, ndumbu walunga, omwo Yesu mwakeza, eli—eli Liuka naliya nakwimana kuze kusongo ya mavu kaha kwimba mijimbu ya kusokoka, omwo Vangelo navakaya nakunongama mitwe yavo, kuhona kutachikiza novyo etu tuli nakuhanjikaho. Chamwaza, vakiko kavapwile vakujimbalako. Vakiko kavatachikiza omwo etu twahichileko. Etu tunatachikiza omwo chalumbunukila kupwa wakujimbala kaha navakuwana. Mamalelo, tunahase kutambakana kwalisa Chenyi! Ikiye keshi Mulwilo kuli vakiko. Vakiko kavatondele numba kuvalwilako. Ikiye kapwile Mukakuka ko kuli vakiko. Nduma. Upahu! [Ndumbu walunga Branham kusakwila mavoko enyi hamwe kapapa katanu—Muka.] Ikiye keshi—Ikiye keshi Kuyoya kuli

vakikoko. Punduvene keshiko. Vakiko kanda lyehi vafwenga mushili namukuzombojoka jishimbiko. Etu twapwilemo, kaha etu vanatulingisa kupwa vavatonyi. Haze hakiko tuli etu. Natwamba ngwetu ika, na michama yetu twazulu, “Mamalelo, ove uli Rev. *Munganji na mukananga*”? Nduma, nduma, nduma, nduma, nduma. Upahu wosena kuli Ikiye! Chikiko kaha echi. Yenu haze. Kahajino etu natuya nakwambulula mujimbu omwo tunafungulula. Natukaya nakwivwushisa kanawa na kanawa.

²⁶⁸ Kahajino, kahajino muli chize, kahajino chasolokele ngachilihi? Kumana Kalunga ahanjikile, “Chamawaza, Ngunahase naminawa kwenyeka kaha uto Wami wosena na unga wavifuwa. Vyosena kulyenyeka”? Nduma, nduma. Ikiye atachikijile nge nachikaya nakupwa mujila kanawa.

Jino, jino, kachi Shipilitu Wajila angulingishile yami omwo Ngwapwa, kaha Ngunahase kulya na kuchihaka mumujimba wami, na kungutunga kuheta omu Nguli jino. Jino, shimbu, Vangutungile muchifwanyisa. Chifwanyisa chosena chize Kalunga amwene, shimbu kanda kwala chihela cha kaye, vakukula, vakutungiwa. Talenu? Echi chafumine muli pwevo, nge muze Ikiye ahanjikile hali echi nachiya nakusoloka; lwola lukwavo, cheji kufumanga kuli Kalunga. Chejile muli luze lwola, kuhichila muli pwevo; lwola luno nachijila, kuhichils muli Lunga. Talenu? Chejile luze lwola, kuhichila mukufwila chausunda; oholili nachijila kuhichila mu Lizu Iya Kalunga vanahanjika. Talenu?

²⁶⁹ Kuze, jino, kuliko chuma chimwe nachingukolesa? Nduma, mwane. Kakwechi chuma chimwe nachihasa kuvakolesa. Paulu ngwenyi, “Navyuma viliko lelo, navikeza, misongo, kufwa; kakweshi chuma chakutuhandununako kufuma ku zangi ya Kalunga na Kulishitu.” Kakweshi chuma chinahasa kutuhandununa etu ko.

²⁷⁰ Nge Ngwambulwile mujimbu waundende. Nguli kaha na jikambu jitanu nakupwa namutwe walyaja, wosena. Kaha Ngwapwile na kufutula vize vyuma vyavindende lwola lumwe kunyima okwo, pwevo lyami ngwenyi, “Billy, ove uli hakamwihi nakupwa namutwe walyaja.”

Ngwambile ngwami, “Oloze Kangwajimbalishile numba lumweko.”

Ikiye ngwenyi, “Jili kulihi?”

²⁷¹ Ngwambile ngwami, “Kuze japwilenga shimbu kanda Ngupwenga najo?” Talenu? “Kwose okwo japwilenga shimbu kanda Ngupwenga najo.”

Jino, kwapwile lwola lumwe, myaka handulendi kuyima okwo, eji jikambu kajapwilenga hanoko, oloze japwilenga hano mulukungu. Echi chakwoloka? Kahajino pamo myaka fifite kunyima okwo, jikiko japutukile kwiza kumutwe wami. Jafumine kulihi? Kulovoka mulukungu. Kaha jino jili

nakukinduluka cheka kuze japwilenga. Echi chakwoloka? Kajapwileko, kaha kujili, kaha jino kajeshi kukapwako. Chuma muka? Hiya ajitengele nge omu jili? Kalunga! Ikiye ajilingile. Ikiye afunjile chifwanyisa, ngwenyi, “Omu mukiko Ngunatondo ikiye kupwa.”

²⁷² “Ove Kufwa, mumunyi wove ulihi? Chimbumbwe, kuhasa chove chili halihi?” Enu munahase kungufunda likumbi limwe hali awa makumbi kufuma hano. Ngwahono kutachikiza. Oloze, ndumbu walunga, Kangweshi kuya nakupwa wakufwako. Nangumilweka echi. Nduma, mwane. Mamalelo!

Etu natukaya nakusanguka! Haleluya! Etu natukaya nakusanguka!

Ha kusanguka cha chimene, omwo jikuli ja kufwa navakajihokola,

Etu natukasanguka! Haleluya! Etu natukasanguka!

Kakweshi chuma chimwe nachikangwimika kuhona kusanguka. Kakweshi valiyavolo vakutamo muhetese vanahase kungwimika kuhona kusanguka ko. Kakweshi vakutamo naumwe pimbi nahase kungwimika kuhona kusanguka. Nguli na lushiko lwa Kalunga. Ngukwechi Shipilitu Wajila. Ngukwechi Kuyoya chakuzeneka kuputuka, Kuyoya cha Kalunga Chahaya myaka, kunokela hano. Eyi nyama yamwaka yakufuma hano, kaha Kalunga mwayiutamina kufuma hamavu. Kaha kachi Uze mwanguutamina kufuma hamavu . . .

²⁷³ Omwo Nangukaheta haukule, jino, lwola lwosena omwo Nangwivwa ngezo yaliuka, Chuma chimwe chatela kuhanjika kuli yami, kanyike walunga wamundende. Uze Kangelo ahanjikile kufuma muchiputa, ngwenyi, “Kanda ove mukanwa wala mokomoko kunwa makanya. Nguli namulimo wakuzata naove. Kanda kalijilula na mujimba wove, mokomoko kuhema na mapwevo na kala chuma. Enu, Ngukwechi chuma chimwe cha ove omwo naukakula.”

“Ove yove Hiya? Ove yove Hiya?”

²⁷⁴ “Ove mukaya nakutachikiza echi kanda.” Hanyima yaechi, Ikiye ejile. Ikiye emanyine haze ha lujimiko. Ikiye alisolwele Lyavene. Ikiye eji kulijimbula Lyavene. Ikiye eji kukumbulula. Ngwamumono Ikiye nemana haze, kwosena, halivoko lyosena.

²⁷⁵ Nauya nakulinga ngachilihi, kachi Angutengele nge omu Nguli, chakuzeneka kusakula numba thuhu...? Kangwayile cheka kuze nakuhanjika, “Jino, Charlie Branham, ove mbata Ella Harvey na kusema yami hamavu.” Nduma, mwane. Kangwapwile naechi kusakulako. Kalunga ikiye achilingle.

Kaha kachi Ikiye angutengele omu Nguli, chakuzeneka kusakula; nachipwa ngachilihi, omwo Shipilitu Wajila mwaya nakuwutamina yami, kaha Nanguhanjika, “Yaa, Mwata, Ove yove Tengi yami. Ngwakuzanga Ove, kaha Nangukwitavila

Ove kupwa Mulwilo wami!” Hiya mwaya nakungukwachilila mulukungu? Keshi kuhasa kuchilingako, ndumbu walunga. Keshi kuhasa kuchilingako.

²⁷⁶ Kalunga kaumbile numba kachihanda kaunga wavifuwa, mokomoko uto, mokomoko kala chuma, nakupwa ka—ka kulyenyeka. “Vosena Tata nanguhane Yami, shimbu kanda chikuku cha kaye, navakeza kuli Yami.” Hee! Nguli nakwivwa nge ngutambakane; muchano mukiko Nguli nakwivwa. “Vosena Tata nanguhane Yami navaya nakwiza kuli Yami, kaha naumwe mulivakiko mwajimbala wauchi, oloze Nanguya nakumusangula cheka mukusangukuka.” Ngwamwivwile Ikiye kusanyika, omwo Nangukeza kuli Ikiye. Nyi navakangutulika ngachilihi mulukungu mumavu? Kakweshi tufunde vakutamo hano hamavu vana kunguveta hameso na fwosholo, vanahase kungutulika mulukungu hano hamavu. Nangukanya nakusanguka likumbi limwe na kwimana muchifwanyisa Chenyi, wakusanyisa mu Manyinga Eyi, wakusemuka mu Shipilitu Yenji! Haleluya! Pwenu navikungulwilo vyosena enu munatondo kupwa navyo; Nanguya nakumbata Yesu. Amena!

²⁷⁷ Uze lunga wa kambanyi ya insurance ejile kuli yami. Wilmer Snyder, sepa lyami wamwaza. Ikiye ngwenyi, “Billy, Ngwatondo kulanjisa kuli ove insurance policy.”

²⁷⁸ Ngwambile ngwami, “Nguyikwechi lyehi.” (Pwevo lyami ataliletalile, nge kuhanjika, “Mwomwoika ove uli nakulyongela, kanyike walunga?”)

Ngwenyi, “Ove ukwechi insurance?”

Ngwambile ngwami, “Eyo, mwane.”

Ngwami, “Ili na kambanyi muka? Chuma muka echi?”

²⁷⁹ Ngwambile ngwami, “Blessed assurance, Yesu ikiye wami, mamalelo, owo upahu wa Ukalunga! Swana ya ulwilo, wakulanjiwa kuli Kalunga, wakusemuka ku Shipilitu Yenji, wakukosa na Manyinga Eyi.”

²⁸⁰ Ikiye ngwenyi, “Ocho chamwaza, Billy, oloze kayeshi kukakuhaka muchimbumbembe ko.”

²⁸¹ Ngwambile ngwami, “Nayikaya nakungufumisamo.” Haleluya! Kangweshi kulizakaminako hakwingilamo; shina kulovokamo.

²⁸² Shikaho, Ngukwechi insurance ize yeji kungulwekanga, “Nangukaya nakukufumisamo. Vyosena Tata nanguhane Yami vali Vami.” Kangwalizakaminako chize tata alingile, chize mama alingile, kala chuma omwo chapwile. “Vosena Tata nanguhane Yami navakeza kuli Yami, kaha naumwe wawauchi muthu mweza kuvanga Tata Yami namukoko.” Haleluya! Ikiye navakokela ika? “Ngwavatachikijile lyehi shimbu kanda chikuku cha kaye. Omwo Ngwajihile uze mwana Mukoko,

Ngwamujihile hamwe na Ikiye.” Amena. “Ngwatongwele Liuka.” Lika likwechi kutongola? Lize Liuka. Kaha nawingila ngachilihi muze Muliuka? “Ha Shipilitu yimwe vatujimika mu Mujimba umwe.” Ikiye avatachikiza lyehi, shimbu kanda chikuku chakaye, nge etu natukapwako kuze. “Kaha vaze Ikiye atachikijile, Ikiye avasanyikile nawa. Vaze Ikiye asanyikile, Ikiye avavulukilile kwoloka. Vaze Ikiye avulukilile kwoloka, Ikiye avatohwesele nawa.”

²⁸³ Mu Mikanda ya Kalunga, Ikiye ngwenyi Mwakaya nakuliwana navo kuze. Kakweshi va liyavolo kufuma muhetese vanahase kuvakinga oloze nakuvahonesa kwiza kuze, mwomwo Kalunga nahanjika lyehi ngocho kaha shikaho, kaha chazama vene ngocho. Kachi handulendi mbiliyone ya myaka shimbu kanda kaye vakatenge, vaze vatanganyika vachimene vembile hamwe kaha vana va Kalunga vatambakanyine hakuwahilila, shimbu kanda kupwenga chikuku chakaye, talenu, shimbu kanda chiku-. . .kaha vakiko Vangelo kaha vyuma vyosena vyawahililile, nakutambakana hali chize, shimbu kupwenga chikuku cha kaye, kaha liyavolo mwaya ngachilihi nakungukinga nakungulamina muze mulukungu lwamumavu? Keshi kuhasa kuchilingako. Enu munoloka.

²⁸⁴ Echa tutalenu, jino. Elu hilwola lwa lusesa lwavathu Nguli nalwo, hano. Kuli kaha na minyutu twende kuheta ku leveni. Kuli kaha minyutu twende kuheta ku leveni. Chili cha kwoloka, Ndumbu walunga Wood? Echi chakwoloka, minyutu twende kuheta ku teni. Kalamuthu wosena nawahilila?

Mamalelo, Ngulinakwivwa nge kutambuka
nakuya,
Nguli nakwivwa nge kutambuka nakuya;
Limbo Lyami lya Mwilu lili litoma lya mwaza,
Kaha Nguli nakwivwa nge kutambuka na
kuya.

Mamaelo, Ngulinakwivwa nge kutambuka na
kuya,
Nguli nakwivwa nge kutambuka na kuya;
Limbo Lyami lya Mwilu lili litoma kaha lya
mwaza,
Kaha Nguli nakwivwa nge kutambuka na
kuya.

²⁸⁵ Enu mwazanga eyi myaso yamwaka nge ngocho? Kwapwilenga umwe wamwaka etu twapwilenga nakwimba, hachuma chimwe, “Likoji na keke lyanguwanyine. Kuli Taanganyika wa Chimene ali na kumunyika.” Chuma muka echi, Ndumbu wapwevo Gertie? Echa tutalenu. Mujila ili. . .Chuma muka echi, Ndumbu walunga Neville? Talenu, chumachimwe, “Likoji na keke yanguwanyine. Kuze kuli zwalala na Litota lya Chimene kusolwesa Ivene. . .? . . .hali yami.” Hu-huu. Yaah.

“Ku kulusu.” Tuhanenuko mwakuputukila, ndumbu wapwevo, nge *Kukamwihi Na Kulusu*. Twaya hano, Ndumbu walunga Neville. Mamalelo, Ngwazanga evi. Vangahi vazanga eyi myaso yakuhwimina yamwaka? Enu munahase kupwa na yosena yenu ja kutumbuka helu na hamavu boogie-woogie mwatonda. Nguhanenu eyi, “Hano hakiko likoji na keke vyanguwanyine.” Echi chikiko. Chosena chakwoloka, mukuyema jino.

Yesu, ngulame kukamwihi na kulusu,
 Kuze kuli kaselwoke wamwaza,
 Wawana kuli vosena, kapila wakuka,
 Ali nakuhingunuka kufuma ku Kulusu ya
 kupili.

Ku kulusu, ku kulusu,
 Kwatwama upahu wami;
 Palanga kuhukula cha mwono wami
 nachikanguwana
 Kunokela kuze kusali ya kalwiji.

²⁸⁶ [Ndumbu walunga Branham mwaputuka kungunguta *Kukamwihi Na Kulusu*—Muka.] Mamalelo, omwo chawaha! Shinganyeka hali echi! Kachi kakwapwile Mulwiloko? Kachi katwapwile na Lizu ko? Kachi Ikiye kakusanyikile ko? Kachi nge Ikiye kakutachikijileko, kaha ove uli muno mukaye ufuku uno nge vosena? Enu mwamuzanga Ikiye? Mamalelo, yami! Kanda kuvulyama kutanga cha chimeneko, jino, ha naine seti.

Ku kulusu, ku kulusu,
 Mwatwama upahu wami;
 Palanga kuhukula cha mwono wami
 nachikanguwana
 Kunoka kuze . . .

²⁸⁷ Jino tuhane mwakuputukila *Kapete Kuze Ku Kaselwoke*. Ou mwaso wamwaza wamwaka, “Kuze kuli kapete kuze ku Kaselwoke.” Vangahi vatachikiza echi? “Kapete, kapete, eyo, kuli kapete, kapete kuze ku Kaselwoke.” Omwo enu namuchilinga jino, mukuunda hetenu kaha, kusali kuli ove, kaha limeneke na nauze ndumbu walunga. Munatachikiza, kuli kapete jino kavosena va Mesondisiti. Kuli kapete ka va Mbaputishiti. Kuli kapete kava Pendekosita. Kuli kapete kaetu vosena jino, kuze ku Kaselwoke. Vangahi vanatachikiza ou mwaso wamwaka? Mamaelo, pundu mwawvijiva. Vamwe muli enu vakumwaka jino, ou uli wamwaza, mwaso wamwaka wa ku Kentucky.

Kapete, kapete, (limenekenu), eyo, kuli kapete,
 Kuli kapete kuze ku Kaselwoke kayove;
 Kapete, kapete, eyo, kuli kapete,
 Kuli kapete kuze ku Kaselwoke kayove.

Mamalelo, kapete, kapete, kuli kapete
 kakulisala,
 Kuli kapete kuze ku Kaselwoke kayove;
 Mamalelo, kapete, kapete, eyo, kuli kapete,
 Kuli kapete kuze ku Kaselwoke kayove.

²⁸⁸ Jino, Nguli kaha na kulikomokela chachindende hali enu. Kutangisa chosena chinahichi, kaha mikanda, na vyuma vyosena, navikapwa hakulanjisa kusali ya liuka, mulungu uli nakwizaho, ku kukuliwana; eji jitepu na vyuma vyosena, na vyosena, mukusoneka chambwende. Kuli nakuya nakupwa mesa kuze kunyima, mukapete kamwe. Kaha kusoneka, kutangisa chachihya, na chimwe kusoneka chize chayile chapwile chamaputukilo, mu mikanda yayihya, kusonona chachihya, navakaya nakuvihaka kanawa, kaha mu—makumishilo akutunga, Chitatu nachizaho naufuku.

Kaha etu tuli na kushinganyeka kupwa na—na lwola lwamwaza mu Mwata. Twaya, kulomba, jino. Jino, sanyika muveji wove na alinakuyanda, vasonekele mukanda. Vaneheni kuno. Natuya kaha nakupwa...Kalunga mwaya kaha nakusoloka muundume jino. Kaha tunatachikiza nge Ikiye mwaya nakulinga jino.

²⁸⁹ Kahajino Ngwayile kuli wosena vase Ngwatachikijile, vapwile natuma tumwe. Kachi kuli kalachuma chinafumu mujila, enu anukenu, Ngwamilwekele lwola lwakunyima chikuma, etu natuya nakucholola. Kaha Ngunatachikiza nge kuli shipilitu yakuhandunuka hano kuhambakana yize yapwileko. Talenu? Talenu? Talenu? Echi chakwoloka. Jino, kanda kwecha echi chisale chekako. Nguli nakumihuhumuna kumeso a Yesu Kulishitu, kanda chisalako. Twama vene hano naou, talenu, twalilaho kulama vyosena vyakwolola kanawa na kutambuka nakutwalilaho. Enu muli vandumbwenu. Keshi ndumbwove walunga mokomoko ndumbwove wapwevoko eji kulinga chuma chakuhenga; ili shipilitu ya liyavolo nengila muze. Talenu, ikiye ali nakuya nakujinguluka. Kaha nguli nakwivwa keke hali ndumbu walunga mokomoko ndumbu wapwevo, kaha tachikiza nge ali Liyavolo ali mukachi kenu. Kachi enu muli nakwivwa hachuma chimwe, fumisa chize washu washu mukachi kamuchima wove, munamono, 'mwomwo nachikutaka muli ove. Eyo, nachikulinga vene. Shikaho, fumako kuli chize. Anuka kaha.

Kuli kapete, kapete, kapete kakulisala,

Kuli kapete kava Mesondisiti, kapete kava Mbaputishiti, kapete kava Pulishiteliyani. Kuli kapete kavosena.

Kapete, kapete, eyo, kuli kapete,
 Kuli kapete kuze ku Kaselwoke kayove.

²⁹⁰ Vangahi vananuka mwaso wetu wamwaka wakulimwanga nawo, jino?

Mbata Lijina lya Yesu na yove,
Mwana waushona na kuseha;
Echi nachikuhana kuwahilila na kuvendejeka,
Mbata Echi kwosena ove muya.

Kuzanga kachi namutwama naetu, Ndumbu walunga Jeffreys, ove na Ndumbu wapwevo Jeffreys, na enu vanyike vamaalunga kuze, kaha navosena.

Kaha jino hali Lijina lya Yesu kunongama,
Kuholoka ulukutu kumahinji Eyi; (Mamalelo,
yami!)

Mwangana wava myangana wa Mwilu
mwakaya nakumuvwika Ikiye muchama,
Omwo ungeji wetu naukakuma.

Mbata Lijina lya Yesu na yove,
Mbata Eli nge Lukepwe lelo;
Mamalelo, omwo vyeseko navipandama,
Hwima eli Lijina lya Jila mukulomba.

Mamalelo, Ngwazanga chize. Keshi ngochoko? Eli Lijina lya mwaza lya Yesu! Jino, echa twimanenu jino, shimbu etu natwimba jino. Chosena chakwoloka.


Mbata Lijina lya Yesu na yove,
Mwana waushona na kuseha;
Echi nachiya . . .
[Ndumbu walunga Branham kuhanjika kuli
Ndumbu walunga Neville—Muka.]

Mamalelo omwo lyayema!
Lutalililo lwa mavu na kuwahilila cha Mwilu;
Lijina lya Mwaza (Mamalelo Lijina lya
mwaza), Mamalelo omwo lya yema!
Lutalililo lwa mavu na kuwahilila cha Mwilu.

²⁹¹ Echi chinapu chakuhandunuka chindende. Echenu tunongamenu mitwe yetu jino, kaha, washi washi, echenu tuzundulenu livoko limwe. Hanjika:

Ha Lijina lya Yesu kunongama,
Kuholoka ulukutu kumahiji Enyi,
Mwangana wava myangana mu Melu mwakaya
Ikiye nakumuvwika muchama,
Omwo ungeji wetu naukakuma.

Lijina lya Mwaza, Mamalelo omwo lyayema!
Lutalililo lwa mavu na kuwahilila cha Mwilu;
Eyo, Lijina lya mwaza, Mamalelo omwo lya
yema!
Lutalililo lwa mavu na kuwahilila cha Mwilu.

²⁹² Namitwe yetu yakutwalilaho kunongama, etu natuhanjika . . . [Ndumbu walunga Branham kuputuka kungunguta Mbata Eli Lijina Lya Yesu Na Yove—Muka.] 

MWOMWOIKA ETU TWAZENKA KUPWA CHIKUNGULWILO? LVE58-0927

(Why Are We Not A Denomination?)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Sateli na chingoloshi, Katundwe 27, 1958, ku Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org